

6653/3

202

8.8°/185

F 46
1920

პისაროელები

ქართული
გრაფიკის
მუზეუმი





ზ ი ნ ა ა რ ს ი

პ ე ე შ ი ა :

- ს. აბაშელი — მე და შენ
- ხარტონ ვარდოშვილი — ფიქრები ჩემს თავზე
- დ. მეჩონგურე — საშემოდგომო
- დუტუ მეგრელი — სამი სიხარული
- ობოლი მუშა — უბასუხო აღერსი

- ვ. რუხაძე { 1. ან კი რად მოვიწყინო
- { 2. შრომის სამყაროში

ქნარი — ენკენისთვეში

ბ ე ლ ვ ტ რ ი ს ტ ი ვ ა

- ნ. ლორთქიფანიძე — ჟამთა სიავე
- შიო არაგვისპირელი — გაბზარული გული

დ რ ა მ ა :

ლადო ახოზაძე — სოფლად

ავტორები მოთავსებულია ანბანზე

6653/8



ს ი ს ა რ ტ ყ ე ლ ა

ყოველ-თვიური ჟურნალი

488
F58D6

ბოეზია ☆☆☆☆
ბელეტრისტიკა
დრამა ☆☆☆☆
კრიტიკა ☆☆☆
გიგლიოგრაფია



№ 10
სექტემბერი
1920





კ მ ე ზ ი ე

ს. აბაშელი

მ ი ლ ა შ ი ნ

„იყო მაისი, და ორ ყვავილს
გზავდით მე და შენ“...

შენს დალილ სახეს როგორ უხდება
სნეულ სექტემბრის ქარვათა ხაზი!
შენს მუქ თვალეში დღე შეწუხდება
და ფოთლებს დაჰყრის ოცნება ნაზი.
ოქროს ტყეები დაიბინდება.
უცებ შესწყდება ფიქრთა თარეში.
და შენი სული გადაფრინდება
მოგონებათა უცხო მხარეში.
შენ მიადგები იქ ნაცნობ კარებს,
და დაგიხვდება კარები ღია.
ნაღვლიან განცდით კვლავ გაგამწარებს
ცრემლი, ორივეს რომ დაგვიღვრია.
ჩემო ძვირფასო! დიდი ხანია,
ლამის დუმილში და სიწყნარეში,
მეც ჩემი სევდა მომიტანია
მოგონებათა უცხო მხარეში.
ახ, ჩემო კარგო! გრძნობათა მცველი
მხოლოდ ფიქრია, ცრემლში ნალესი!
ისევ ავანთე მაისი ძველი,
და დავწვი გული უმხურვალესი.

ცრემლმა დაჰტირთა ჩემი სიტყვები
 დაუსრულებელ სიმწუხარეში.
 და დამრჩა მხოლოდ ძვირფასი ქვები
 მოგონებათა უცხო მხარეში.
 ამიტომ მიყვარს, შენს სახეს დალილს
 რომ სექტემბერი ასე უხდება.
 მზე გაანათებს ქარვას, ძირს დაღვრილს,
 და შენს თვალებში დღე შეწუხდება.
 დაჰხრის წამწამებს სხივთ ბრწყინვალეობა,
 და ტყე, ლალით და ქარვით ნაშენი,
 ცისფერ ბურუსში დაიმალება,
 და ფოთლებს დაჰყრის ოცნება შენი.
 ცეცხლის დანთება კვლავ მოგინდება
 ყვითელ ფოთლების ცივ სამარეში.
 და შენი სული გადაფრინდება
 მოგონებათა უცხო მხარეში.



ხარიბონ ვარლოშვილი

ფიქრები ჩემს თავზე

1

ამღვრეულ ჰაერს ეაღერსება
 თებერვლის თოვლი თეთრი ხელებით.
 ზეცას თვალები შიშით ევსება.
 გარეთ ქარია განახელები.

მე ისევ ვფიქრობ უბედურ თავზე:
 მივდივარ საით, მოველ საიდან.
 თოვლები ცივი ამბორით მავსებს...
 ამ გრძელ ღამეებს ვინ გადაიტანს?

2

შუალამეში მივყვები ღმერთებს
 თუ კუდიანებს—არ ვიცი კარგად.
 ჩვენ არაფერი აღარ გვაერთებს
 და სიყვარული ვგრძნობ დამეკარგა.

მე მაშინ სული ქარული მქონდა
 და გიმღეროდი ცეცხლ დაცემული.
 დღეს მაგონდება: ვით ჯიოკონდა
 ბოროტი ხელით გატაცებული.

3

გადამეტერა ქარიშხალები.
ფიქრებმა შავად იწყეს შეფერვა.
შევალ ღამეში, დავიმალები
და ვეომები მღელვარ თებერვალს.

მე მიხარია, რომ ჩემი სული
მიწვდა ელვების ცეცხლებს—უმადლეს.
ზევიან ნამქერს მივეც წარსული
და გზას გავყევი ძველს და უახლესს.

4

კვიმატი ღამის ვეწვიე ვარსკვლავს.
ჯერაც არ ვიცი რა მემართება.
მე ვიცი მხოლოდ, რომ ვინმე დამკლავს
ან გადამიტანს ცეცხლის ანთება.

გული დავაგე ელვის დანაზე,
მაგრამ ვარ ისევ ნაზი მგოსანი.
ჩემთვის ერთია ამ ქვეყანაზე
ავაზაკი თუ პატროსანი.

5

ირღვევა ფიქრი და ვარდებიან
 მოგონებების შავი ღერები.
 არც სიხარული, არც ვარდებია
 ჩემს ბაღში ეხლა - ლამაზ ფერებით.

და აღარ მინდა... ვინ მომაგონა --
 ღალატზე ცრემლი და მწუხარება.
 ო, დამღუბველო ჩემო მადონა,
 შენი სახელი სულ მეყვარება.

6

ჩემი ოცნება დავაბინავე
 მაღალ ღრუბლებში, ვით ღმერთის ნება.
 აქ ვერ მომწვდება დღეთა სიხვე
 და ღამეების შური და თნება.

შენი ალერსი ო, როგორ მინდა,
 მაგრამ სიცხადე მაშინებს კვალად.
 სადა ხარ, სადა, ო სულო წმინდა,
 მე ისევ აქ ვარ, ისევ ვარ ცალად.

ზამთარი.
 ერთი ღამე.



დ. მუხომბურე

ს ა უ მ ი მ ო ლ მ ო მ ო

კვნესა ობლების და მათხოვრების
 აქრობს სინათლეს ჩემის ცხოვრების.
 დავდივარ ისევ ობოლი სულით
 ჩემის ვაებით და ჩემის წყლულით.
 დიდხანს ვეძებდი ბედნიერებას,
 სიცოცხლის ბაღნარს, მშვენიერებას.
 თითქოს ვიპოვე შევების აკვანი,
 ვით წმიდათ-წმიდას ვეცი თაყვანი.
 მაგრამ სიცხადემ არ დამანება,—
 გაჰქრა ვით ლანდი, როგორც ზმანება.

არ დასცხრა სული, სხვას ეძებს, სხვასა!
 მივინდე ღრუბელს, გავეყვი ზღვასა.
 სხვა მიზანს ვეძებ და სხვა სიხარულს
 და ვებრძვი აჩრდილს ცით შემოპარულს.
 ქვითინებს გული... ფოთოლი ცვივა...
 ჩემს ობოლს სულსაც ათრთოლებს, სცივა...
 ვით გამახარებს ზამთარი ცივი?
 დაობლდა სული, ჩამიქრა სხივი...
 ნეტავ, დასრულდეს ეს ბედი კრული,
 დამშვიდდეს მალე, დაწყნარდეს გული!..



ღუბუ მებრელი

სამი სიხარული

ვინ არ დამტკბარა გაზაფხულის მზის
 ცხოველ სხივებით,
 გამთბარ ბუნების ზამთრის ძილისგან
 გამოფხიზლებით,
 როს დედა-მიწა იხსნის ბორკილებს
 და იკრებს ძალას,
 რომ ტურფა ხალად კვლავ აყვავილდეს
 და გაიშალოს,
 და ზეცაც, პირველ ქუხილის შემდეგ
 დამშვიდებული,
 ბრწყინავს ფირუზის ლაჟვარდ კამარად
 დაკიდებული?..
 განვლო ზამთარმა და მოზემობს
 კვლავ გაზაფხული;
 ხარობს ბუნება და ეფინება
 გულს სიხარული!..


*
 * *

ვინ არ დამტკბარა ძვირფას არსების,
 სიკვდილის პირად რომ იყო მდგარი,
 გამობრუნებით, როცა სავსებით
 დაძლეულია სენი საზარი,
 და, თუმც ჯერ კიდევ ფერ-მიხდილია,
 ჩონჩხად ქცეული კვლავ სუსტად არი,
 იცის, გადარჩა, — კმაყოფილია,
 უცინის სახე, უბრწყინავს თვალი?..

ვაშა სიცოცხლეს! გაქრა სიკვდილის
თავზარდამცემი შავი აჩრდილი;
დასრულდა ჟამი ოხვრა-ტირილის;
სევდამ დაუთმო ღხენას ადგილი!..

*
**


ვტკბები, როდესაც გამოფხიზლებულს
ზამთრის ძილისგან ვუმზერ ბუნებას;
ვნეტარებ, როს ვჭვრეტ ძვირფას ქმნილების
მძიმე სენისგან გამობრუნებას;
მაგრამ ვერა-რა ვერ შეედრება
ჩემს ახლანდელსა მხიარულებას,
როს საძირკველი, ვხედავ, ეყრება,
ჩემი ქვეყნისა თავისუფლებას;
როცა ვუყურებ, მშობელი ერი
ამხვრევს ტყვეობის საზარ ბორკილებს,
გუშინ სუსტი, დღეს გმირი ძლიერი
არც ძველ მტარვალებს აღარ მორჩილებს
და ახალ მტრებსაც მედგრად უხვდება
და არის მუდამ გამარჯვებული!..
მრწამს, მოვიპოვეთ თავისუფლება
და ვარ ამ რწმენით აღფრთოვნებული!..



ოგოლი მუზა

უპასუხო აღმარსი


მწუხარების ღიმილით მისი ნაზი თვალები
 უხილავი ქვეყნიდან ისე გამობრწყინდება,
 რომ ოცნება დაჭრილი მისკენ გადაფრინდება...
 და ალერსის წყურვილით ისე გაფიქსვალეები, —
 რომ საფლავის ქვებიც კი იგრძნობს — შევებრალეები.
 მიწა ცას შეიერთებს... გული გადიწმინდება,
 სულში შლილი ღრუბლები ცრემლად გადმოწვიმდება,
 და დაკარგულ სიხარულს ვუხმობ, არ ვეკრძალეები.
 და შევსჩივლებ მთრთოლვარ ხმით, თუ მას ვით ველოდები,
 როგორ დამაქვს უბითა მისი ჯვარი პატარა.
 დედა-მისის ლოყები სევდამ როგორ დაჰლარა...
 მაგრამ იგი გაჰქრება... და სდუმს ცივი ლოდები.
 ისევ ცრემლში დაიწვის გრძნობა უმხურვალესი
 გულში შხამად ჩარჩება უპასუხო ალერსი!



ვარლამ რუხაძე


ან კი რად მოვიწყინო?

დღეს ყოფნის შემოდგომამ
 ჩემს კარებზეც დარეკა,
 ჩემს ბაღაში ისურვა
 თავის შემოფარება:
 სიკაბუკის ფოთლები
 დასწყვიტა, შორს გარეკა...
 მაგრამ გული კვლავ მღერის,
 სევდა ვერ ეკარება.
 ან კი რად მოვიწყინო?
 რაღა მაქვს სანანური?
 განთიადი ვიხილე
 ათასფერად ცილა,
 მის საქებ-სადიდებლათ
 ვაკვნესე სალამური,
 და ძირამდე დავსცალე
 აღმაფრენის ფიალა.
 მაშ, დე თავსა მიმკობდეს
 ჭლარის ბილიკები,—
 გული მაინც იგულებს,
 მღერა არ მომწყინდება:
 მტერს შხამს ვუძღვნი, მოყვარეს
 დავატკობ ტკბილი ხმებით,
 ვიდრე შრომის კვარცხლბეკზე
 მზე არ ამობრწყინდება!



შრომის სამყაროში

ცა იქუშება სახე-მტირალი
 დასცქერს მიდამოს. მზე არ ციალებს.
 ქარი ხეთ ძარცვავს, როგორც ფირალი,
 და ყვითელ ფოთლებს დააფრიალებს.
 ჰყვირის საყვირი. მუშათა ჯარი
 ქარხნისკენ მიდის, მიეშურება,
 მაგრამ თან მისდევს ოჯახის ჯავრი,
 მწარე ნაღველათ გულს ეპკურება.
 „არა გვაქვს შეშა, არა გვაქვს პური,
 ვყრივართ უმწეოთ ბედის ამარა...
 როდემდე ვზიდოთ სიცოცხლე კრული?!
 როდის შეგვშრება ცრემლთა კამარა?!
 ჩვენ მოველოდით ახალ ქვეყანას,
 ჩვენ მოველოდით ახალ ცხოვრებას,—
 ორივე ვნახეთ, მაგრამ ჯერ ხანათ
 მაინც ვერ მიწვდა სული ცხონებას;
 მხოლოდ გაიღო იმედის კარი:
 ავალთ კვარცხლობეკზე მზის სამყაროში!
 დღეს ამით სცოცხლობს მუშათა ჯარი,
 დღეს ეს განძი ძვეს ჩვენს სალაროში.“
 და წინ მიდიან... სახე-მტირალი
 ცა იქუშება. მზე არ ციალებს.
 ქარი ხეთ ძარცვავს, როგორც ფირალი,
 და ყვითელ ფოთლებს დააფრიალებს.
 საყვირი ჰყვირის. გრგვინავს ქარხანა
 და თავს ეხვევა კომლთა ღრუბელი
 ჰა, ამოძრავდა აგერ მანქანაც
 და გაიძაბა შრომის უღელი.



ქ ნ ა რ ი

მ ნ კ ე ნ ი ს თ ე ე ზ ი

ენკენისთვეში სული მარად წარსულს მისტირის,
 გამქრალი ჟამი ყმაწვილობის კვლავ მენანება;
 მაგრამ საწუთრო ყურს არ უგდებს ჩემს მოთქმა-ჩივილს,
 და საფლავისკენ ყველას ცივად მიელალება.

ვიცი გაირბენს უმნიშვნელოდ ბევრი დრო-ჟამი,
 ჩემს წარსულ დღეებს მეგობრები მოიგონებენ,
 შემდეგ ისინიც გაჰქრებიან, ვით ტრფობის წამი,
 ვიდრე ქვეყნის ვალს სამუდამოთ მოიშორებენ.

ო, რა ძნელია უმღეროდე ამაოებას!
 მე ყველას ვუბზერ ვით გაცრეცილ მიმავალ ღრუბელს;
 შავი არშია გარს უვლია საწუთროებას,
 და ჯოჯოხეთის ცეცხლის ალი ქაჯივით ურბენს.



ბელესტრისტიკა



6. ლოკოტიზანიკე

ქ ა მ თ ა ს ი ა ვ ე ¹⁾

(ტომანის ესკიზი)

3

თედომ გადახედა სუფრას და თავისი განკარგულებითა და თავდარიგით კმაყოფილი დარჩა.

საჭურეს შემოვლებული ხეების ჩრდილში მწვანეულობით უხვად დაფენილი სუფრა გველივით მიიკლანებოდა და თავდებოდა მაღლობზე, ცაცხვის ძირში, ეკლესიის კარების წინ, სადაც ათ-თორმეტ კაცს შეეძლო მოერთხა ფეხი გამზადებულ სკამ-ლოგინზე.

იქვე მომღერლებისთვის პატარა სუფრა იყო გაშლილი.

სრულიად ცალკე იდგა სააღაპო სუფრა, რომელზედაც საქმელების გარდა ეყარა აგრეთვე მრავალ-გვარი მარცვალი, იდგა დოქით ღვინო და ქვევით მიწაზე ეგდო ჯერ კიდევ სველი ტყავები.

— მზათ გახლავთ, დაბრძანდით, — მოახსენა თედომ ბატონებს, რომელნიც გაფანტულნი იყვნენ მთელს ეზოში და მოწყალეთ ემუსაიფებოდენ სტუმრებს.

ხალხმა წყაროს მიაშურა ხელის დასაბანათ; ბატონებს წურწუმით მიართვეს წყალი მოახლეებმა.

ფარეშები უკვე არიგებდენ ღოძს.

ღვედელმა დაამწყალობა სააღაპო სუფრა; მაშინვე მიესიენ მათხოვრები და იმდენს არ სჭამდენ, რამდენსაც საჩქაროთ იტენიდენ ხურჯინში, ტომარაში, ბინძურ ჩერებში და უფრო კი უბეში... და სვამდენ და სვამდენ...

ჯამებით ხარშო...

მერიქიფეხები... დოქები. . კათხები...

სუნი და ოხშივარი მოხარშულისა და შემწვარისა;

ჯერ კიდევ ჩუმი სმა;

გამალეებული ჭამა;

წვენი დასოლებული თითები;

1) იხილეთ „ცისარტყელა“ № 9.

გაქონილი უღვაშები;
მათხოვრების ურიგო სიტყვები, ჩხუბი ულუფაზე და იულონის მკაცრი ბძანება ფარეშებისადმი:

— თქვენ თითონ დოურიგეთ და ყველა გაყარეთ ეზოდან!..

ნახევრათ ტიტველა ბავშვების სირბილი, მათი ჟივილ-ყივილი და საქმლით გამოტენილი ლოყები...

ძაღლების ლაქუცი, კულის ქნევა, საქმლის მოტაცება და გალახულების წაგწკავი...

.....
ყველა შეზარხოშდა.

მთავარი სმა უნდა დაწყებულიყო.

— აბა მიაართვით გლახუას კათხა, — ბრძანა დიდმა ქალბატონმა — მაგ არის ყველაზე უხუცესი ჩვენს საბატონოში.

— მიბოძე, შენი ჭირიმე ბატონო, მიბოძე! ვინ იცის იქნებ ეს უკანასკნელი იყოს ჩემს სიცოცხლეში და ერთი გულიანათ დაგლოცოთ ოჯახ-ბუდიანათ. .

მოხუცი გლახუა წელში გასწორდა, წელზე ჩამოკიდულ გრძელ ხანჯალს ქვევით დასწია, თითქოს უნდა სარტყველი დაისრულოსო და ფეხზე წამოდგა.

მერიქიფეები სირბილით მიიჭრენ მოხუცთან, გაუვსეს და მიაართვეს კათხა...

— ვერ დალევს, შეგარცხვენს, — წამოცდა ერთ ახალგაზრდას...

— ისე დალევს როგორც დაგიბარებია.

— კაცო, ორი ღოჭი ჩევიდა თითქმის...

— არაფერია...

— ღმერთმა გადღეგრძელოსთ, ბატონო, ქალბატონებო, სტუმარნო და მასპინძელნო, დიდებულნო და მდაბალნო ამ ოჯახის მოკეთენო და ნათესავ-მირონნო! ნუ მოგაკლდესთ ღვთის შენდობა და მეფის წყალობა, ბატონო, ყოფილიყო, როგორც შეჭფერის შენს ოჯახსა და შენს ვაჟკაცობას, — ხალხი ფეხზე ადგა — ქვეშევრდომთა შემბრალე და ამადლებულთა მოსამართლე .. ჭირში გონება გამაგრებდეს და ლხინში თავაზიანობა თან გახლდეს. მტერთან მკლავმა არ გიღალატოს და მოყვასთან სიუხვე გულისა არ შეგმცირებოდეს... წარმატებით მიდის შენი ოჯახის საქმე და გადაგეცეს შენი მემკვიდრისათვის სახელოვანი გვარი, ციხე მაგარი და საყმო მადლიერი.

ჩვენ დარჯაკში გამოვლილი ვართ, მაგრამ ვამჩნევდით მაინც, რა გაჭირვება გადიტანა შენმა ოჯახმა განსვენებული ბაბუა შენის დროს, მაგრამ მუყაითობამ, ღვთის შიშმა და გამრჯელობამ დღეისამდე მოგვიყვანა... მადლი დიდ ქალბატონს!..

— მადლი დიდ ქალბატონს...—ჩაილულლულა ხალხმა...

დიდ-ხანს, დიდ-ხანს ჩვენდა სანუგეშოთ და ოჯახის დასამშვენებლად იცოცხლე, დიდო ქალბატონო.

— აღღევრძელე, უფალო, დიდი ქალბატონი.—დაიზუზუნა კიდევ ხალხმა...

პატარა არწივების დედა, ახალგაზრდა ქალბატონი ბედნიერის ფეხით შემოსული ამ დიდებულ ოჯახში ღმერთმა მთვარესავით შეაბეროს ჩვენს მზესე და ჩვენს მნათობს ბატონს... და ჩემი დღე მისცეს და სახელი დავით აღმაშენებლისა ბატონის პატარა ლომებს...

— ამინ. დაიღრიალა ხალხმა...

— მაკურთხე, მამაო.— მიმართა გლახუამ მღვდელს.

— გაკურთხოს და გისმინოს უფალო.— მიუგო და პირს ჯვარი გადასახა მღვდელმა.

— მიბრძანეთ, ბატონებო!

— მიირთვი, ჩემო გლახუა! შეგარგოს ღმერთმა! ტკბილი ენა გქონია, დალიე და შეგერგება!—სხვა და სხვა კილოთი, ზოგმა ხუმრობით, ზოგმა დინჯათ თვისი სიტყვის ფასდადებით უპასუხეს ბატონმა და ქალბატონებმა.

გლახუამ ერთი ჩაახველა, ორის ხელით კათხა პირს მიიდგა და სულის მოუთქმელათ გამოსცალა... ბატონებთან მივიდა, კათხა გადააბრუნა და სუფრაზე მოწიწებით დადვა...

— ასე დაგილიოს და დაამხოს შენი მტერი ღმერთმა!

— გმადლობ!., აი აქ, გვერდში, ამომიჯექი.

მოხუცი კრძალვით ბატონების სუფრას მიუჯდა.

— აბა ერთი მრავალ-ყამიერი!—და აგუგუნდა მომღერალთა სუფრა.

გაჩაღდა სმა.

— ძან ჩაჯიკვინებული ბიჭი კია...—გამოესარჩლა მეორე.

— რა ჩოჩქოლია მანდ? — იკითხა იულონმა.

— არაფერი, ბატონო...

— რავა არაფერი?

— ერთი პატარა ბიჭია და თქვენს თავს ფიცულობს, ვინც უნდა მეჭიდოს,

წავაქცევო.

— რომელია?

— გოგიელა, ბატონო.

— ვინ გოგიელაა?

— ჯიმშელეიშვილი, თქვენ ვერ იცნობთ, ბატონო, ყმაწვილია.

— თუ ტყულა არ მიფიცებს, ერთ კაი ხანჯალს ვაჩუქებ...

ერთმანეთისკენ მიიწიენ.

ფირანა შეჩერდა და ზომეა დაიწყო, უფრო მოხერხებულათ რომ ჩაეკიდა ხელი; გოგიელას არაფერი გამოუანგარიშებია ისე პირდაპირ მივიდა და წელებში შეუვარდა... დასწორა და უნდოდა მუხლებზე ჩაეკეცა მოპირდაპირე, მაგრამ ფირანა გადაიხარა, სწრაფად გადასრიალდა მხრებზე, ხელი ჩააყოლა ბეჭებს, ბარძაყს და ჩაეჭიდა გოგიელას ფეხებს, გოგიელას წონასწორობა დაეკარგა და ფირანას ფეხებში ხელ ჩაკიდებული პირქვე დაეცა. ფირანა ზევით მოხვდა, მაგრამ ეტყობოდა ახალგაზდა ბიჭს ზღაპრული ძალა ჰქონდა, ისე ადვილათ გადატრიალდა და ფირანას ისევ ზევით მოექცა.

ასე იყვნენ თავ-უკუღმა შებრუნებული და ფირანამ ვეღარ ასწია წელი, თუმცა მხოლოდ ფეხის ქვედა ნაწილი აკავებდა. მაგიერათ ვერც გოგიელა შებრუნდა, რომ ზურგის მაგიერათ მკერდით დასწოლოდა მოწინააღმდეგეს.

ვერავინ გააშველა.

— ვინაა წაქცეული? — იკითხა იულონმა.

— მე ვარ, ბატონო, მე, ოღონდ უბრძანეთ ამ დათვის ბელს ამიშვას.

იულონმა ბიჭს ღვედში სტაცა ხელი და ორივე მოჭიდავე ზევით ასწია. გოგიელამ გაუშვა წაქცეული და გაკვირვებით მიაპყრო თვალები, დასისხლიანებული თვალები იულონს.

— მჯობნის მჯობნი არ დაიღვეაო — წაიბუტბუტა იქ მდგომმა გლეხმა.

— კაცო, რავე წიწილებივით აწია ორი კაცი — დაუმატა მეორემ.

— მეც მაქამე მაგასავით და, ვინ იცის, იქნებ მე სამივე ვეიყვანო — მწუხარე ღიმილით სთქვა იქვე მდგომმა ძლიერ მაღალმა, კონკებში გამოხვეულმა ახალგაზდამ, რომლის მოწყენილი, უსიცოცხლო სახე და მაგარი მსხვილი ნაკვთები მოწმობდნენ შიმშილით შესუსტებულს ბუნებრივ ბუმბერაზობას.

— ხერხი არ იცი, შვილო, თვარა შენი მომრევი სპარსეთის ყანს არ ეყოლება — გულნატკენათ უთხრა ფირანამ გოგიელას.


— ყოჩად, ყოჩად!

— რა ძალა ჰქონია... პირუკუღმა წააქცია.

— ჯერ კიდევ არ არის დავაჟკაცებული.

შავი ხანჯალი მიართვეს გოგიელას.

იქვე დაიკიდა. მას მერმე არც უჭამია და არც უსვამს... მთვრალი იყო სიხარულით... საკუთარი ხანჯალი... აწი კი წავე დათვზე... ხელს უსობდა... ცოტაზე ამოიღებდა, გაუშინჯავდა პირს, ისევ ჩააგებდა... ვერ ითმენდა — ერთი მთლად დაენახა და გაესინჯა.



იქვე მჯდომი დედაც ბედნიერი იყო. გოგიელა შეიქნებოდა ახალგაზრდაობის პერიოდის მეთაური და არა ერთი ნაპარევი თუ წანართმევი შეემატებოდა ლარობოვს.

ქალები ადგენ.

ხალხიც აიშალა... დარჩა მხოლოდ ერთი სუფრა, რომელსაც მთავარი მსმელები გარს შემოხვეოდნენ და იმდენს არ სვამდნენ, რამდენსაც იმდეროდნენ, ოხუნჯობდნენ და ძველ ამბებს მოუთხრობდნენ ერთმანეთს...

— ეჰ დავებრდი, დავებრდი, სუფრა უნდა დავტოვო, მეტი აღარ შემიძლია — სთქვა გლახუამ, დაუძახა თავის დისწულს, დაეჯინა მხარზე და ბანცალ-ბანცალით ტევრისკენ წავიდა, რომ იქ ხის ძირში მოესვენებინა...

სუფრიდან ხალხი მალე დაიშალა.

შორიდან მოსულთ ეჩქარებოდათ დროზე წასულიყვნენ სახლში, რომ ღამის წყვილიაღში სახიფათო ვახუშტი არ ეხეტიალნათ; მოხუცნი და ოჯახის უფროსები უჩვეულო მასპინძლობით ზედმეტად დაკმაყოფილებულნი მოდუნებულებიყვნენ.

ახალგაზრდა გოგო-ბიჭებმა გამართეს დაირაზე ცეკვა, გააბეს ფერხული, მაგრამ უფროსებმა ქალიშვილები ასეთს არეულ ხალხში არ დასტოვეს.

ერთხანს სამზარეულოს წინ, დერეფანში კიდევ ისმოდა ჟრიაპული და ჩუმი „ალავერდი“ შინაყმებისა, რომელნიც თავი სადილის დროს საკმაოდ დანაყრდნენ „წაცუცქნა-მოწრუბვაში“, მაგრამ საკუთარ სადილს მიანც არ იკლებდნენ.

მათაც გაათავეს სადილი და

დაცარიელდა ეზო, მიყუჩდა ციხე და არე-მარე.

სუფრიდან ყველა ნასიამოვნები ადგა

მხოლოდ თინათინი უგუნებოთ მიუახლოვდა სუფრას, მწუხარებით გაატარა მთელი ნადიმი და თვალ-ცრემლიანი წავიდა თავის ოთახში, სადაც ბავშვების ნაზი-მა აღერსმა, მათმა ტიტინმა სრულიად მიასუსტა, გული აუჩვილა, ლოკინზე მიავიწინა და მწარეთ აატირა...

ნახევარი წელიწადია — ფიქრობდა ქალი — სახლში არ ყოფილა და აბა თუ შემოიხედა დღეს ჩემს ოთახში, აბა თუ შემომხედა ერთი სურვილით სუფრაზე .. და ან კი რისთვის უნდა მომვარდეს... მცირე აზნაურის ქალი ვარ, ჩემთან არ სჭირდება თვალთმაქცობა, მეტყვის და სახლისკენ უნდა წავიდე... სახეც რას მიგავს? რას? და ეს ოხერი მუცელი რაღა ეხლა გამომებერა? — და ქალმა ღონივრათ დაიკრა მუცელზე ხელი, მაგრამ თითქოს ეტკინაო, თითქოს შერცხვა და თითქოს ვინმე შეეცოდაო, თვითონვე დაიწყა ტირილი... იმ გოგოს, იმ გომბიოს, ვინ იცის იქნებ ეხლა ეხვევა? აბა უარს ვინ ეტყვის? რატომ ეტყვის? ლამაზია! ვაჟკა-



ცია! მდიდარია და უარიც რომ არ გაუვა!.. მთელ სოფელს ფეხზე დააყენებს რითი მჯობია? ყმაწვილია! მე რა მათუსალას ხნისა ვარ .. მაგის ხელა არ ვიყავი, გიორგი რომ მეყოლა?!. მაინც რას დაეთრევიან ეს გაუთხოვარი ქალები? ქმარს ეძებენ!.. ნამუსი აღარ აქვთ... კარგი, ქმარი ეძებონ. მაგრამ ცოლიან კაცებთან რა ხელი აქვთ?!. რა მშვენიერი თვალ-წარბი აქვს .. არაფერი თვალ-წარბიც არ აქვს .. უკეთესიც მქონდა! ღმერთმანი მქონდა! განა ტყულა მღეროდენ:

თინათინის თვალეზიო
 მომაშუქებს— დავდნებო;
 ერთი მათში ჩამახედა—
 მოვკვდები და ვცხონდებო ..

ეყოლოს ორი შვილი, მესამეზე დაორსულდეს და მაშინ ვნახავთ, რაცხა თვალეზი აქვს .. გლახუამაც რომ ჩემზე თითქმის არაფერი თქვა— ისე თითქოს შემოხიზნული ვიყო... დიდი გვარის შვილი არც მაგი არის .. რას მაქადის? ბაგრატიონანია თუ ქსნის ერისთავი?.. ერთი ღარიბი აზნაურის ქალი მე ვარ, და მომძლავრებული აზნაური მაგია ..— მაგრამ თვითვე ეწყინა ქმართან მტრული დაპირისპირება, და სათუთად მიიკრა გვერდში მიძინებული ბავშვი,

ღვინის ამოდების დროს საჭურვზე ყოფნამ, ბევრი ბოლღიწოს ქამამ, ხრიალ-ხრუალმა და საერთო შეზარხოშებამ ბავშვი დაალო და დაჰქანცა... მარა... ეჰ, გაინავარდოს ერთი ორი: ჩემგან მაინც ვერ წავა; რჯულსა და კანონს ვერ დაივიწყებს— ინუგეშებდა თავს ქალი, მაგრამ სანუგეშო სიტყვები უფრო მწარე, შავნალღლიანი გამოდიოდა.

.....

დიდი ქალბატონი ძლიერ გულ-ჩათხრობილი ადამიანი იყო: როგორც მწუხარებას, ისე სიამოვნებას არვის უზიარებდა. ათას წილ ერჩია თვისი წყლულების ექიმი თითონვე ყოფილიყო და ნეტარებისთვის მარტო საკუთარი გულის კარი გაეღო, რომ იქ საშუღამოთ ჩაემწყვდია, ვიდრე სხვისგან მიეღო რჩევა ან თვისი სიხარული გაემყდვენებინა

აი ეხლაც სუფრიდან ადგომას ძლიერ ჩქარობდა და დარჩა სწორედ იმდენს ხანს, რამდენიც საჭირო იყო, რომ ენა-ქრელ ადამიანს მის ზვიადობაზე, მიუკარებლობაზე და ამაყობაზე ზედმეტი არაფერი ეთქვა.

როცა გადახედა ოქრო-ვერცხლის სასმურებს, სუფრის დაფერილ მრავალს სამკაულს, უხვ მასპინძლობას, გამხიარულებულ შვილსა და შვილი-შვილებს, მსახურთ და ყმა-მოახლეებს მოვლილთ და საკადრისათ ჩაცმულთ უნებურათ შეადარა იმ სურათს, რაც დახვდა მოყვანის დროს.

სადაც ეწერში მივარდნილი ფაცხები; როკას დამზგავსებული ბებერი დედა-
მთილი; მუდამ მოწყენილი, თმა-წვერულვამ გაბურძენული ქმარი და..

სუფრიდან ადგომის თანავე გაიანე თავის ოთახში შევიდა, ატამი და გარჩეუ-
ლი ახალი ნიგოზი მოატანინა, ჭინჭილათი ღვინო წინ დაიდგა, მიწვა ლოკინზე
და დაიწყო ზმანება.

ყველაფერი კარგი იყო .. ყველაფერი... მეტს ვერც ინატრებდა ამ ოჯახის
ჩვეულებრივი მოკეთე, მაგრამ ხომ საფეხურია, — შემდეგ უკეთესი უნდა იქნეს...
თვალს მხოლოდ ერთი ვინმე აკლდა, და ის ერთიც რომ აქ იყოს... იქნებ მო-
ვიდეს, ამ დღეებში უნდა გამოიაროს... ვერაგია, გაუტანელია, მაგრამ ეხლა საკუ-
თარი ქმრები აღარ რჩებიან ერთგულნი, თორემ რა მოეთხოვება... არა, კი მოე-
თხოვება, მე დავასახლე, კაცად გამოვიყვანე...

ქალს გაეცინა:

ნუ თუ ჩემი დანიშნულებაა წაქცეულ ოჯახთა ფეხზე წამოყენება, დაუძღურე-
ბულთა გამაგრება... არა, მანაც ბევრი ამაგი დასდო ჩვენს ოჯახს... ზღაპრულათ
მოხდა ყოველივე...

ქალმა მოწრუბა ღვინო, მოიხადა თავსაკრი, მოიხსნა გულის-პირი, გაიხსნა
სამაჯურები, ვნებით გაიზმორა, განცხრომით მიწვა, დახუჭა თვალი, და წუთები
წარსული სიამოვნებისა რომ უფრო ნათლათ წარმოსდგომოდა და მოგონებით
უფრო დიდხანს დამტკბარიყო, ნელ-ნელა ნაბიჯ-ნაბიჯ, თითქოს ყოველივეს სწერს
ქალაღღზე, ხატავს ტილოზე ან უამბობს გულის ფანჯრულით მსმენელ ქალწულსო
მარცვლავდა სურათებს.

სწორეთ ასეთივე სადამო იყო. ნაბადზე, ხის ძირში ვიჯექ ჩრდილით დაფა-
რული... მსურდა ალერსი, ხვეწნა-ნიავი ისე ნაზათ არხევდა შტოებს. დღის სი-
ხისგან მოთენთილს გულს ისე ახარებდა წყალ-ნარვეი ღვინო... იქვე იჯდა ჩემი
ქმარიც. . რა ერთგული, რა თავისებური სიყვარულით იყო ჩემდამი გამსჭვალუ-
ლი .. მაგრამ იყო გლურჯი რამე, მოუხეშავი. ჭრილობებისგან დასახიჩრებული
და სიღარიბისგან დაჩაგრული... მეტათ სავსე ატოკებული გული მისკენაც კი
იწევდა: განგებ გადავადდე ფოსტალი, განგებ გავიშალე და გაცრცვილი ხელ-
მკლავით დაუწყე თმას წვნა... მოულოდნელათ ქიშკარს მოადგა... დედას გამოე-
გზაუნა... სქელ-გრძელ ხუჭუქ თმას არ ეკადრებია დაგლეჯილი ფაფანაკი და სად-
ლაც ზურგზე გადავარდნოდა; ნასიცხარ სახეს მარგალიტივით ჩამოკიდებოდა ოფ-
ლის წვეთები; შავ თვალებიდან განცხრომა მოკრთოდა და კოკბა უღვაში, წითე-
ლი ტუჩი, თეთრი კბილები ნეტარებას აფრქვევდა; დაკრაკნილ მოკლე წვერს არ
შეხებოდა არც დანა და არც სავარცხელი; ყელს ამ ცეცხლ მოკიდებულ გზაზე-
დაც კი შერჩენოდა ყირმიზის ფერი... თვალს ვეღარ უჭერდი... სალამი ვადმო-



გვცა .. სადილი მოვატანინეთ ღარიბული და საწყალი იესე, სტუმრისთვის რომ არ შეემჩნევიანებინა ჩვენი გაჭირვება ღვინოს აძალეზდა და თვითონვე შექეიფიანდა. მე ჩემი ოჯახის ამბავიც კი არ მიკითხავს კარგათ, სულ თავის თავზე ვკითხავდი... „თქვენ მოგეხსენებათ, ქალბატონო, მამა ჩემი მამათქვენთან ერთად ტყვეთ იყო წაყვანილიო“ — მიპასუხა. „მის გამოსახსნელათ რომ ვალი ავიღეთ, მას გადაყვა ყველაფერი, არც ეყო; ეხლა მე წამომიპოტინა ხელი, მგონი უნდივარ ყმათაც წამიყვანოს... შინ მაინც არაფერი მრჩებოდა სახარბიელო და გამოვსწიე ბედის საძებრათ“... — „აი, როგორ არა, როგორ არა“ — სიტყვის დაბოლავება არ აცალა ჩემმა ქმარმა — „აი, ჩვენთან დარჩი, მამული მაქვს, ოღონდ ერთად მოუაროთ, მერე ღმერთია მოწყალე... მიჩუქნია შენტვის ერთი ცხენი შეკაზმული და რა გადასადებია, ჩემო გაიანე, მიაართვი ერთი ხელი ტანთ-საცმელი... მეზობლებიც ნუ ნახვენ ჩემი გაიანეს დედულეთიდან მოსულ კაცს შევიწროებულს“... — ამ სიტყვებმა დაღუპეს იესე... წავიყვანე საკუქნაოში, ორივე ფეხ-შიშველა ვიყავით... ტანთსაცმელის ძებნაში ფეხი-ფეხს მოხვდა... მოიბოდიშა, მაგრამ მე შევცქეროდი ხარბათ, აღტაცებით .. ხმის თრთოლით უთხარ . არაფერია... ტანთსაცმელი მივეცი და გამოვბრუნდი .. იესეს ეთვლიმებოდა. ძლიერ მომინდა დასძინებოდა... როცა არჩილი გამოვიდა ჩაცმული, მე სიცილი მომერია: წალა სისრულისგან თითქმის ვარდებოდა, ჩოხა მოკლე იყო და ბეჭებში ძლივს ეტეოდა... ხის ძირში აღარ დავბრუნებულვართ — ეზოში მობალახე ცხენი ვაჩვენე .. გავიარეთ ვენახისკენ და როგორ მოხდა

ქალმა აღზნებით გაიხმორა...

ის ზევიდან დამყურებდა და მე ქვევით მწვავდა ვნება... სად არის ეხლაც ნეტავი კიდევ გადაგეხლართო ვით სურო კოპიტს... მაგრამ რომ არ შემოაუშვას იულონმა?... როგორ გამიბედავს?..

ამ ტკბილი მოგონებით, ამ წარმტაცი გრძნობით სურდა გაიანეს მიძინება, მაგრამ ერთი მწარე ჩვენება არ შორდებოდა.

რომ გართულიყო, მამეზარი სურათი რომ წაეშალა, წამოდგა ფეხზე... გაიარ-გამოიარა... ტანთ გაიხდა, ისევ მიწვა, მაგრამ სურათი იგი, ვით აჩრდილი უძლეველი რჩებოდა.

... ერთმანეთს ჩაბლაუჭებული და შემდეგ გავარვალელებული ხანჯლებით ერთმანეთზე შეტეული მიჯნური და ქმარი .. მტირალა სამი-ოთხი წლის შვილი და პერანგ სამარა თვით... სირცხვილი... სირცხვილი... მადლობა ღმერთს არვის დაუნახავს... დღემდი არვინ იცის, თუ რად იწვა ორი თვე ლოგინში იესე და რათ დარჩა სამულდამოთ დაავათმყოფებული... ბავშვს ხომ ყოველივე დაავიწყდებოდა...

.....

ძალზე შეზარხოშებული იულონის წინ იდგა მესაიდუმლე და საკმაოდ გაი-
ძვრა თედო:

— ერთი მითხარი, სად შეიძლება ახლა თავისუფლად დაწვეს კაცი...

— თქვენს ოთახში, ბატონო...—თითქო ვერაფერი გაიგოვო გუელიბრყვი-
ლოთ უპასუხა თედომ, მაგრამ იულონმა ისე შეხედა, რომ თედომ გულბრყვი-
ლობა სწრაფად უკუაგდო და რჩევა დაიწყო; სამეჯინბო, თავლა, ნალია, საქა-
ლებო, სასტუმრო.

— ჰო ახლა წილადობილას ნუ დაიწყებ, — გააწყვეტინა სიტყვა იულონმა...

— ... დარჩა, ბატონო, ბაღიაში...

— იქ არავინ გადასულა?

— იქედან გამოვრეკე შენი ჭირიმე—ვიტყვი აქ ბატონს უნდა ძილითქო.

— არა კოშკში შევალ... იქ მომიყვანე ახლავე.

— ბატონო, იქ მზვერავი სდგას...

— არაფერია... გავაგდებ, ოღონდ ჩქარა...

— ბატონო შენი ჭირიმე—გულწრფელად შეეშინდა თედოს—ახლავე არ შეი-
ძლება, იმ გოგოს ძმები და მამა ახლავენ

— ნუ სულელობ, იმ ძმებმა და მამამ განგებ მოიყვანეს... შენ ჯავრი ნუ
გაქვს... ოღონდ თუ წევს, გაახვიე ნაბადში და ისე მომიყვანე...

.....

განმარტოებულ ხის ძირში იწვა ოთხი ადამიანი; ერთს სასთუმლათ ხის ძირი
ჰქონდა და ჩოხით იყო დაფარული; დანარჩენი სამი ხის მოშორებით, მაგრამ ერთ-
მანეთთან ძლიერ ახლო-ახლო მიყრილიყვნენ.

— ვილაცა მოდის—წასჩურჩულა ერთმა ცალკე მწოლარეს—არ დაგავიწყდეს,
რაც გასწავლე: ყველაფერში დაეთანხმე და ხვალაც არ გაგიწყრეს ღმერთი არა-
ფერი სთხოვო... ისე აჩვენე მხოლოდ თავი, რომ ჩვენი გეშინია და ღამით და-
ბრუნდი უკანვე, რომ ქვეყანამ ვერაფერი შეგნიშნოს...—თქვა ეს და ხვრინვა
ამოუშვა...

უცნობი ლანდივით მოიპარებოდა:

— ვინ ხარ? — იკითხა ქალმა.

— ჩუმათ, ჩუმათ—უპასუხა მოსულმა—ბატონი გიბარებს...

— რას ამბობ, რა უნდა ჩემგან ბატონს — უპასუხა ჩურჩულითვე ქალმა, მაგ-
რამ ხმაზე ეტყობოდა, რომ დიდხანს უარზე არ დარჩებოდა...

— ნუ ჯიუტობ, ბედი გეწვია და ისარგებლე, ბატონი ლორის მწყესი ხომ არ
გგონია ..

— მთვარეა მოკაშკაშებული, ქვეყანა დაგინახავს.

— ბატონო, არჩილზე სხვა ბრძანება იყო, ყოველთვის უშვებო.

— ნუ როტავ ბევრს... არჩილი .. არჩილი... ძველი არჩილი ახალი არჩილი არ არის... ვერ გაიგე ეშმაკის ფეხო?..

— გამარჯობა, იულონ, რას ცხარობ, ვინ მოგაყვანია გული—დაუძახა შორიდან ცხენზე მჯდომმა, რომელმაც აღმართი ამოათავა და კოშკს უახლოვდებოდა.

— ვინ მომაყვანია გული შენი საქმე არ არის და ჩემს სახლშიაც რომ არ დახვიდოდე ასე გაურჩევლათ, ძლიერ კარგს იზამდი.

— რა ამბავია? რა მოხდა? — შეეკითხა ასეთის შეხვედრით სრულიად გაოცებული არჩილი.

— ის ამბავია, რომ მეფის და ქვეყნის მოღალატეს არ მინდა ჩემს სახლში ადგილი ჰქონდეს...

— სტუმრის კაი მიღება გცოდნია, კაი მოგცეს ღმერთმა — გაცხარდა არჩილიც.

— სტუმარი არ იყო, მე ვიცი რა ეკადრება ღამით მოხეტიალე ქვეყნის გამცემს. — მიაყვირა იულონმა არჩილს, რომელმაც ცხენი უკანვე გააბრუნა და გზას გაუდგა.

— მიფრთხილდი, იულონ, ენას ნუ აუტანიხარ.

— შენივე სიტყვები არ დაგავიწყდეს—კიდევ მიაძახა იულონმა და ათასგვარათ გაჯავრებული ოდისკენ წავიდა: დაეკარგა ტკბილი წუთები ახალგაზრდა „გვრიტთან“, გადიკიდა მარადის სამტროდ არჩილი...

— რა მოხდა იულონ? — შემოხვდა დიდი ქალბატონი შვილს.

— არჩილი გავაგდე სახლიდან...

— რას ამბობ? ესლავე დააბრუნე... არჩილი.

— არჩილს ვერვინ ნახავს აქ, სანამ მე ვარ ბატონი და პატრონი, და იულონ ი აივანზე ავიდა, მაგრამ სახლში შესვლის მაგიერ ქვის ვიწრო, უნაგირ-აღვირ-მათრახებით მოფენილ აივნისკენ, რომელიც წკვარამს გადაყურებდა, შეუხვია და მივარდნილ ადგილს ფართო მოაჯირზე ჩამოჯდა.

— ... და გინდა წამართვა ერთად-ერთი სიამე ქვეყნისა? ოც-და-ხუთი წელიწადი მაჯლაჯუნათ გულზე მაჯდა ცხოვრება, და ეს ადამიანი მისმუბუქებდა ტვირთს.

— გაჩუმდი.

— როგორ გაჩუმდე?.. იმიტომ ვიტანდი ყოველივეს, ვითმენდი საზიზლარ ლეხვს მამი შენისას, რომ ბოლოს ჩემ-მიერ ფეხზე დაყენებულ ოჯახში ჩემს საყვარელ არსებას არ გაეფლებოდეს?..

— გაჩუმდი, ვინმე ყურს მოკრავს.

— ყურიც მოკრან და თავიც...

— ნუ მჭრი თავს, ნუ მარცხვენ ქვეყანაში!

— რა მენაღვლება თავი მოგეჭრება თუ არა, თუ ჩემი ურგები იქნება სახე-
ლიც და პატივიც?..

— გაკმინდე ხმა თუ არა—ველარ მოითმინა იულონმა და ქადლით წინ
წაიწია.

— აი, შე ბუშო, შენ—მიაქაქანა ქალმა და უეცრათ აღვირს სტაცა ხელი და
მთელი ძალ-ღონით გადაჰკრა.

სიმხეცემ აღმოხეთქა. არც ერთს აღარ ახსოვდა რას სჩადიოდა.

იულონს თვითონ გაუკვირდა, როცა მოაჯირიდან გადაწოლილმა შეხედა,
თუ როგორ დავარდა სიპ-ქვაზე, წკვარამში დედა მისი.

თავ დავიწყება სწრაფათ გაქრა და სურვილმა—თავი უდანაშაულოთ გამოე-
ყვანა სძლია

საჩქაროთ ვერაფერი მოიგონა.

იულონს უეცრათ მოესმა აძიგძიგებული კაცის ამოხვნეშა.

— შენ ვინ ხარ?

— მე ვარ, ბატონო...—თრთოლით და კანკალით უბასუხა უცნობმა.

— ვინ შენ? .

— დღეს რომ გეახელი... დასახლება ..—გთხოვე...—ძლივს ნაწყვეტ-ნაწყვე-
ტათ მიუგო.

— მერე აქ რა გინდა?

— დაღალული ვიყავი... შემეშინა ციებას არ შეებრუნებია...

— გაიგონე რამე?

— კი—კი—კი.

— დაინახე კიდევაც?

— დღდიახ—ძლივს ამოგლიჯა კბილებს სიტყვა.

— შენ, ჩემო ძმაო, ნამეტარი ბევრი გინახავს და გაგიგონია საკვირველის
ტკბილის და თან გველურის ხმით უთხრა იულონმა --ააა, ამოიღე ეს შენი ხან-
ჯალი

უცნობმა გაკვირვებით და ქოქმანით ამოზიდა დანუღელლი ქარქაშიდან და-
ქანგული ხანჯალი.

მაგრამ ამ დროს შიგ სახეში მოხვდა ტამბაჩის ტყვია, რაღაც ამოილულლულა
და დაეცა.

კივილი.

ჩირალდნები.

— რა ამბავია? რა მოხდა? ვინ გაბედა? შემოჩენილია უსათუოთ.

მტერი ვის არ ჰყავს.

— ტირილი გმართებსთ ჭირისუფალნო, მწუხარებას მიეცით ყველა გეტ დიდი მოამაგე მოყვარე—ნათესავებისა და გამკითხველი ქვრივ-ობოლთა. კიდევ იყო საჭირო თქვენთვის, ახალგაზნდა ბატონო იულონ, ბრძნული დარიგება ცხოვრებაში გამოცდილი დედი თქვენისა... როგორც ამ ოჯახის მიერ ღრმად დაფალეულმა მოვალეთ ჩათვალე ჩემი თავი ამ წმინდა ხატით შემემკო ვანსვენებულის კუბო და სულის საოხად გადაცვალეზულისა და მისი ნეტარ-ხსენებულის მეუღლისა შემიწირავს ორი გლეხი ქაშვეთის წმინდა გიორგის ეკლესიისთვის; ბატონი იულონი თვით გასცემდა უხვ საბოძვარს, მაგრამ მსურს ჩემის მეოხებითაც ისმოდეს ღალადისი ჩემის სიყრმიდან მწყალობელი ცოლ-ქმარისა...—არჩილმა ჩამოართვა ერთ მოხუცს, რომელიც გვერდში მიჰყვებოდა, ვერცხლისა და თვლებით მოქედილი ხატი და კუბოზე დასვენა; არჩილის უფროსმა ვაჟმა ხელში დახვეული სიგელი ხატის გვერდით დადვა. ორივე მოწიწებით ემთხვია ჯვარს, და სანამ დანარჩენი ამაღლა კუბოსთან უძრავათ იდგა მამა-შვილი ჭირისუფალთან მიდიოდა, ჩუმათ და დაბლა თავს უკრავდა და ბოლოს იმავე ამაღლის თანხლებით განზე გადვა.

— კიდევაც ემართლება ამ ოჯახს, მათი უღვას სული და კიდევაც უხვად დაუფასა ამაგი—ლაპარაკობდენ ხალხში.

— ქეშმარიტათ, კაი ქენი გზას დადევით, გაიარე წინ დაგხვდებო—უმატებდენ მეორენი.

2

იულონს ნიშნათ გლოვისა ძაძა ეცვა და სახლიდან არ გამოდიოდა, დანა არ შეხებია მის წვერ-თმა-ულაშს. მისი მეუღლე გულში სიხარულით ცას ეწეოდა: ქმარიც მუდამ გვერდში ყავდა და მთელი ოჯახის ბატონ-პატრონ-მომვლელი გახტა.

შესახედავათ იულონი იგივე იულონი დარჩა, გულში კი ვერ დამშვიდებულყო. დედის მიერ მოვლილ ოჯახს და მამულს უმაღლესი ზედამხედველობა დასჭირდებოდა. დრო ბევრი რჩებოდა, კითხვა, თუმცა ძალას ატანდა თავს, მაგრამ მთელი დღეობით არ უხერხდებოდა და თვით კითხვის დროსაც ათასი ფიქრი გაუვლიდა თავში.

გლოვის გათავების დრო მოახლოვებულყო. ოტია მწიგნობარის ნათქვამი ათასჯერ გაარჩია, ნათქვამი დაამუშავა და როგორც სწვევია ძლიერი ბუნების ადამიანს, მთელი არსება სამოქმედოთ აღედრა.

კითხვაც მიატოვა და ერთს აკვირებულს აზრს საესებით მიეცა.

— დედა მოვკალი ამ ოჯახისთვის. ღმერთი არ შემინდობს ადვილად და ხალხი არ შემარჩენს, როცა იქნება გადამახდევინებს და დამსჯის, მაგრამ ამასაც მოვესწრები... ცოტა კიდევ მოვაწყობ ოჯახის საქმეს, თავს დავდებ ერთობილ საქართველოსთვის და მხოლოდ შემდეგ წავალ მონასტერში. ქვეყანა ძლიერ აირია ჩემს საბატონოში. მადლობა ღმერთს, ჯერ არაფერია; ყმანი კმაყოფილნი არიან, აზნაურნი მემორჩილებიან, ატყობენ, რომ მე თუ არ ვეყოლე გვერდში, ცუდად წაუვით საქმე, მაგრამ სულ ვერ ვასტანს აგრე ჩემი ციხე, სანადირო ტყეები, საწისქვილეები, დოვლათი გლეხებს მადას აღუძრავს ბევრს ამღვრევისა და აღშფოთების დროს ხელი მოითფოს. „მაშინ რა? ვინ არის დამცველი?.. მეფეს მივენდო გულით და სულით? იგი ვერ მოუვლის ქვეყანას, მე ხომ ღორი არ ვარ, მარტო გაძღომით დავკმაყოფილდე, „კაცი უნდა ხერხი იყოს, გაჰქონდეს და გამოჰქონდეს“. ამ ჩვენი სულელი მეფის ხელში სიკეთეს ვერ ველირსებით ვინც კი მოდის ჩვენში უცხოელი ფარჩა და აბრეშუმი აცვია, ვერცხლსა და ოქროში არის ჩამსხდარი, ფული აქვს და საქონელი... ჩვენ კი გაძვალტყავებული, განამწარები ველით სიკვდილის დღეს... სხვაგან თურმე ცხოველსა არ სტოვებენ უეჭიმოთ, უწამლოთ, ჩვენში კი დიდებულნი ვერ ღირსებიან ქინაქინას. მეფისთვის ვერ აგვიშენებია ხეირიანი სასახლე და იქ თურმე უბრალო მოქალაქეთაც კი ორ-სამ სართულიანი სახლები აქვთ.

წერა და კითხვა არ ვიცით, ღმერთს ვერ შევედრებოდათ წესიერათ! ორი პატრი ჩამოვიდა. ბაწარი აქვთ წვლზე შემორტყმული და ქალამნები აცვიათ და ისე ასწავლიან ჩვენ კათალიკოზ-ეპისკოპოზებს, როგორც ოსტატი შევირდს.

სხვაგან მდაბიონიც მეცნიერები ხდებიან, ჩვენში დიდებულები ხელის მოწერის მაგიერ საბუთებზე ჯვარს ძლივს სმენ და რატომ? ბუნება არ გვაქვს მდიდარი თუ? ჰავა შეზავებული; ნიადაგი ნოყიერი; ტყეში ნადირი და წყალში თევზი; მიწაში ოქრო და ვერცხლი და ხალხი ნიჭიერი... მაშ რატომ ყველაზედ ჩამორჩენილი, ყველაზე უბადრუკი ჩვენ უნდა ვიყოთ?

სწავლა გვაკლია, ერთობა და მშვიდობიანი ცხოვრება; ესაა ჩვენი უბედურება. ერთი სწავლული არის ჩვენში და ისიც გააძევეს სასახლიდან... ოდიშიდან გადმოვა თარეში თუ ოსეთიდან არ იცი. ქალაქში ნახშირი ვერ წაუღია კაცს, რომ გზაზე ორი მარჩილისთვის კაცი არ გამოკუტუნ სააღდგომო გოჭივით... ეჰ, ვის მივეკედლო, რითი აღვასრულო კეთილი საქმე ქვეყნისა და ჩემთვისაც?... გადავაგდოთ ჩვენი უნიათო მეფე და მოვიწვიოთ ახალი... ამბობენ კახთა ბატონიშვილი ძლიერ ნიჭიერი, გონიერი კაციო და უებრო სარდალიო. რა გამოვა? გავახარებთ მხოლოდ რაჭის ერისთავს... რა გაუკეთდება ჩვენს მხარეს? იქნებ მოვიგერიოთ მთავარი ოდიშისა, ლავამი ჩავკრათ წერეთელსა და აბაშიძეს, მაგრამ გაუშკლავ-

დებით განა ოსმალოს? და განა ქართლს არ აწიოკებდეს იქნება ლეკები და სპარსელები? ამბობენ ქართლის მეფეა ჭკუიანიო, აი იმერეთი რომ მას დაუქერდეს მხარს, მას რომ ნება ყოფლობით შეუერთდებოდეს, მაშინ ადვილათ დაიქერს კახეთსაც, რომელწინაც მას მეტი უფლება აქვს ვიდრე, ეხლანდელ კახეთის მეფეს. მირონ ცხებულ მეფის წინაშე, რომელიც დაამშვიდებს და ააყვავებს ქვეყანას, უნებურათ ქედს მოიხრის ოდიში და აფხაზეთი, გურია და სამცხე... მაშინ დაიბადება მეორე შოთა და აშენდება გელათი და სვეტიცხოველი. გადავდებ თავს და თუ ცოდვა ბევრი მიქნია, ეს მაღლათ ჩამეთვალოს.

რომ მალე შედგამოდა საქმეს, იულონი წლის თავის შესრულებამდე ემზადებოდა გამოტირილისთვის და საიმედო პირებთან მიწერ-მოწერით ამზადებდა ნიადავს.

3

ერთ დღიას, როცა იულონს ჯერ კიდევ ხელზე უჯდა გასაწაფავათ ლამენათევი მიმინო, შემოიჭრა ბიჭი და მოახსენა:

— ქალაქიდან სტუმრები გეახლენ.

— ვინ ბრძანდება?

— არ ვიცი, მხოლოთ სთქვეს—მეფისგან ფართ გამოგზავნილიო.

— სასტუმროში შეიყვანე.

— ძლიერ გვეჩქარება ბატონის ნახვად.

— მაშ სთხოვე.—და იულონი უკანა კარებში გავიდა, რომ მიმინო ქანდარაზე დაეჯდინა.

რამ მოიყვანა ასე ადრე?—ფიქრობდა იულონი და თან ჩოხას ისკვნიდა; აივანზე შემოვიდა სტუმარი.

— მობრძანდი, მობრძანდი დარბაზში, ნაზო და ომის ველზე საზარო,—მხიარულათ მიესალმა მასპინძელი ახლად მოსულს და მიიხედა ოქრო-ვერცხლით სავსე თაროსკენ.

— სამწუხაროთ მე არც სტუმრათ მოვსულვარ და არც, წარმოიდგინე, მეგობრათ.

— ჯერ ჩემსას შევასრულებ და მერმე თუ გნებავს ხმალში გამიწვიე—უბასუხა მასპინძელმა, რომ დარდიმანდობა დაემტკიცებია, თუმცა ცოტა არ იყოს შეკრთა—აი მიირთვი ჩემდა სამახსოვროთ, ნუ დამიწუნებ! მსურს შენი გემოვნება მოვისყიდო და არა შენი გონება... იქნებ მან მიშველოს დანაქად განსაცდელში—იოხუნჯა კიდევ იულონმა, თუმცა მოსულს ეხლა. უკვე შეატყო, რომ სახუმარო არაფერი იყო.

მოსულმა ნელა აიღო პატარა თასი და ღიმილით წაიკითხა:

ამათ უცქერ მშვენიერ ასულს,
 უკეთ გაართობს ღვინო ვაჟკაცთ გულს.

— ა, ლექსიც კარგია და სურათი ხომ ქვეშარიტი მხატვრისაა.— მოსული ჩა-
 ზერდა თასზე ამოჭრილ გაცრცილი ქალის ნაკვთებს.

— ესეც ჩემგან იყოს,— და არჩილმა ხანჯლის ქარქაშიდან ამოიღო ვერცხ-
 ლის ტარიანი ოქროთი დაფერილი წვერიანი დანა, რომელზედაც შავის ზაინ-
 შით ამოჭრილი იყო:

ნაქედი ვარ ხილისთვის,
 ნუ მაფუჭებთ ფრჩხილისთვის!..

— მანდილოსნებმა ეხლა შემოიღეს, გამოგართმევენ დანას და იწმენდენ ფრჩ-
 ხილს; ამან თავი მომაბეზრა და ასეთი ზედ წარწერა გავაკეთებინე; იქნებ შენც
 გამოგადგეს

იულონმა თავისი დანა ამოიღო ხანჯლის ქარქაშიდან და მის მაგიერ ნაჩუ-
 ქარი ჩადვა.

— ეხლა მიბრძანე რითაც მაშინებდი.

— არა, შიშით არა, მაგრამ უსიამოვნო ამბავი უნდა გითხრა; მეფე ძლიერ
 საჩქაროთ გიბარებს.

— რა ნებას თუ იცი?

— დანამდვილებით არ ვიცი, მაგრამ განრისხებული კი უნდა იყოს.

— რომ არ წამოვიდე?


— უნდა წაგიყვანო.

? !

— მომისმინე! ტყულა ნუ აღელდები! ათი კაცი აი, აქ ვართ ეზოში, ხმა-მა-
 ლალი ლაპარაკიც რომ გაიგონონ, მაშინვე შემოვარდებიან... ეხლა ოჯახში შეი-
 ძლება მონახო იმდენივე, მაგრამ ტყის უკან ოცდა ათი კიდეც მყავს დამალული;
 ორი ჩემი მხლებელი შენს მეკარეს ელაზღანდარება და თუ ხმაურობა შეიქნა
 ბაწარს გასჭრიან, თხრილზე ხიდს გადებენ და იმ ოცდა ათ კაცს შემოუშვებენ...
 ვთქვათ ყველას მოგვერია, ხომ იცი შენი მეზობლები მშიერ მგლებივით დაგესე-
 ვიან თუ მათ სიხარბეს დაემატა მეფის ბრძანება.

იულონი ერთხანს სახეში შესცქეროდა.

— შენ და შენი მხლებელნი ვერაფერს მიზამთ, ტყეში თუ ვინმე გყავს, მა-
 თაც მალე მოუსაგვავ გველის წიწილივით თავს, ოღონდ მერე რა ვქნა?..— ფიქ-
 რობდა იულონი, — დაეხიზნო ცოლ-შვილი?.. ნაჭირნახულები, ნამაგვენი ოჯახი ხომ
 გაპარტახდა, ხომ კარი კარს უნდა იაროს ჩემმა შვილმა და მომავალმა... მივენ-



დობი მეც შეთქმულებს... მაგრამ მართლა გულით არიან შეთქმულებს... ლებრივ ლაზღანდარობენ და ერთმანეთის გატეხას, ლალატს უთვალთვალევენ, რომ შემდეგში თვითონ დააბეზღონ და რასმე გამორჩენ... და უეცრათ იულონმა არჩილს მიმართა:

— ვინ იქნება ჩემ მსაჯულათ მოწვეული?

— სეხნია აბაშიძე, ედიშერ წულუკიძე, თეიმურაზ ჩიჯავაძე.

— ესე იგი, სწორეთ შეთქმულნი!— გაიფიქრა ისევ იულონმა.

— და იციან მათ ჩემი საქმე!

— რა თქმა უნდა იციან.

— ერთი მითხარი, ნუ დამამადლი, ვინ იჭერს ჩემ მხარეს?

— როგორც შევამჩნიე გულმხურვალეთ არვინ... მხოლოდ მიქელაძე და იოსელიანი თხოულობდენ მეტი მოწმეები გამოეწვიათ, საბუთები შეეკრიბათ, უფრო დინჯათ და წინდახედულათ მოქცეულიყვნენ, არ აყოლოდენ დედაბრულ ჭორს და ამ აღრევა უბედურობის დროს ქვეყნისთვის არ დაეკარგათ ორი კეთილ-შობილი ადამიანი და მათი ოჯახი.

— ეს მეორე ვინლა?

— რაც ვთქვი ისიც მეტი იყო, იმისთვისაც გამირისხდებიან... ნუ მიწყენ.

— ... წინათ მე მომანდევს შენი სიკვდილი...

— ვიცი...

— ... და ახლა შენ მიგყავარ სასიკვდილოზე?

— როგორც მაშინ შენ ვერ დამიჭირე მხარი და ზურგი შემომმაქციე? ისე ეხლა ჩემი საქმე... მაგრამ ნუ გეშინია, მე უფრო სულგრძელი ვიქნები—შენთვის ვიმეცადინებ.—თავი ჩაღუნა და ჰკითხა:

— შენ რაღასთვის ჩაერიე ამ საქმეში?

— ღმერთი ხომ არის მოწამე, არც სურვილი მქონებოდეს აქ წამოსვლის და არც გუშინ დაღამებამდის შეფიქროს, მაგრამ ხომ იცი ჩემი მდგომარეობა... ისე-დაც აღმაცერათ მიყურებს ყველა.

— დედოფლის გარდა—მზაკრულათ ჩაურთო იულონმა.

— ეჰ, არ ღირს მაგაზე ლაპარაკი... ქალის შეურაცხყოფა ვერაა რაინდული ქცევა,—ზიზღით შეაწყვეტინა სიტყვა არჩილმა.

— რა უნდა ვქნა ახლა?— ისე... თავისთვის... გაიკითხა იულონმა და მოაგონდა დედა, რომელსაც სწორეთ ეხლა შეეძლო მარჯვე ხელით და მოხერხებულ-ლი რჩევით დახმარებოდა.

— სჯობია ეხლავე შეაკაზმინო ცხენები და წამოხვიდე... ვითომც არაფერია, მერმე იქნებ მეფემაც შესცვალოს რისხვა წყალობაზე.

— მისი წყალობაც და მისი...

— ჰო, გეყოფა, მირონცხებულო მეფე არც ისე პატარა კაცია, რომ ყოველ-
მა ქვეშევრდომმა ცუდათ მოიხსენოს.

— შენც მაგას მეუბნები?!.. როდის გახდი მეფის უფლებისა და პატიოსნების
ასეთი მდგარი დამცველი?!— დაცინვით შენიშნა იულონმა.

მცირე დუმილი.

— მაშ გამოვეთხოვები ცოლ-შვილს.

— შენი ნებაა, ოლონდ ჯერ მხლებლებს გადასძახე ცხენი შევიკაზმონ.

— ორი კაცის წამოყვანა შეიძლება?

— ინებე, ოლონდა ჩქარა, — ოდნავ ჩაფიქრების შემდეგ უპასუხა არჩილმა.

იულონს უნდოდა ასეთ გასაქირ დროს ყველაზე უფრო ერთგულნი ამოერ-
ჩია, მაგრამ ვერც ერთზე ვერ შეჩერდა, ბოლოს უიმედოთ, სასოწარკვეთილებით
გაიფიქრა: ისევ ძიძი-შვილები სჯობია და გადასძახა ქვევით:— გოგია, დათუნა,
ცხენი შემიკაზმეთ და თქვენც მოემზადეთ— ქუთაისს მივდივართ.

.....
— თინათინ, მე საჩქაროთ მეფეს გამოუწვევივარ— რაღაც არაჩვეულებრივი
სინაზით და თითქოს დარცხვენილიაო, დაიწყო იულონმა.

— კეთილი იყოს თქვენი წაბრძანება— მორჩილათ უპასუხა ცოლმა.

— ბავშვები ეხლავე ძიძეებთან გააგზავნე.

— რატომ? მე სრულიად მარტო დავრჩები— უფრო გრძნობის გამოსატქმე-
ლათ, ვიდრე საწინააღმდეგოთ უპასუხა ქალმა.

— ხომ იცი კარგია... ძლიერი გლენებია... მათთან რომ გაიზრდებიან უფრო
შეუყვარდებათ. გაჭივრების დროს არ დასტოვებენ.

— თქვენი ნებაა, ბატონო.

იულონმა ხელი ნახათ მოხვია წელზე; ქალს ასეთი ალერსი იშვიათათ ხვდებოდა
წილათ და ამიტომ მეტათ იამა, მოდუნდა, გული აუწყდა.

— აი გახსოვდეს, თუ მცირე რამ ფული დაგჭირდეს, დედას ოთახში ხატი
ჩამოხსენ, იქ ნახავ პაწია კედელში შექრილ უჯრას, უჯრაში შესდები ხანჯალი
კარგა დიდზე და მარჯვნიდან მარცხნისკენ გაატარე; ხანჯალი სარაზავს გადასწევს
და შენც გამოსწევ უჯრას, იქ ნახავ ფულს, დაკეტის დროს პირიქით მარცხნიდან
მარჯვნიდან გაატარე და ის დაკეტს... აი ეს კლიტე კი ჩვენი მთავარი სალარო-
სია... თუ ძლიერ არ გაგიჭირდება, ისე ნუ გახსნი; კლიტე იმავე უჯრაში ხატის
უკან შეინახე, თუ მაინც და მაინც დაგჭირდეს, კლიტე აჩვენე იესეს, უთხარი აბა
გავალოთქო და ის გაჩვენებს ადგილს.

— ბატონო, როგორ, დიდი ხნით მიბრძანდები?



— არ ვიცი. იულონმა ვეღარ მოითმინა—მეფე რალაც განრისხებულიყო ფილა ჩემზე.

— უი, თვალი კი დამიდგა, რას გვერჩის?—და ქმარს უფრო მიეკრა.

— ნუ გეშინია, ნუ გეშინია, ღვთით ყველაფერი მოგვარდება... ოლონდ რაც უნდა უბედურება დაგვემართოს ჭკუით იყავი... ბავშვებს მოუარე... სამი გყავს... მეოთხესაც ღმერთი მოგვცემს... თუ ბედმა მიმტყუნა შენ მათ მამობაც უნდა გაუწიო და შვილები არ დაგივიწყებენ—სიბერეში ყავარჯენივით მხრებში ამოგიდგებიან...

ქალმა ქვითინი დაიწყო. იულონს სურდა ყოველი შემთხვევისთვის თავდარიგი დაეჭირა; თან ქალის თანაგრძნობით სიამოვნებდა; ამიტომ დაამთავრა:

— თუ დაქვრივდე...—ხმა აუძაგძაგდა—არ გიშლი ხელ მეორეთ გათხოვებას.

— უი რათ ამბობ, უი რათ ამბობ!

იულონმა დაწყებული წინადადება კოცნით დაამთავრა:

— ოლონდ ხეირიანი კაცი ამოირჩიე,—შენც მოგიაროს, ბავშვებსაც კარგათ მოგეპურას და მამული არ გაუნიავოს.

— უი, ყური კი დამემსო, რა მემართება?! ნუ თუ ასეა ჩვენი საქმე?—და ქალი კისერზე ჩამოეკიდა ქმარს...

ქმარიც დიდხანს კოცნიდა ცოლს, გრძნობდა, რომ ახლა ის იყო ერთათ ერთი გულშემატკივარი მთელ ქვეყანაზე. როცა ქმარმა სთქვა: „ეხლა კი დროა, უნდა წავიდეთ“—ცოლი არ გაჯანჯლებულა, უსიტყვოთ ჩამოშორდა ქმარს და პატარა ბავშვივით მიჯდა ლოგინზე მოთენთილი, თვალ-ცრემლიანი, მწუხარე და დასუსტებული. იულონმა აიყვანა ოთახში ძიძის ხელში მყოფი პატარა შვილი, ჩაიკრა გულში და ძალდატანებული სითამამით გავიდა არჩილთან.

— მაშ წავიდეთ.

ცხენებზე შესდნენ. ჭიშკართან იულონმა კოშკზე მდგომი მზვერავი დაინახა და თავში სისხლი ეცა.

-- ეი, შენ, ერთი ჩამოდი აქ.

თოფიანმა დარაჯმა მოირბინა.

— შენ ეს ბატონები რომ მობრძანდებოდნენ, დაინახე?—ვითომ მშვიდათ დაეკითხა იულონი, მაგრამ დეღვა უფრო და უფრო ედებოდა სხეულს.

— კი ბატონო...

— მეტი არავინ.

— მეტი ვინ უნდა დამენახა?

— რაო? შე ძაღლის კნუტო, აი იქ ვინ იმალება ეხლა?—და იულონმა სტაცა დარაჯს კისერში ხელი და ცხენის სიმაღლეზე ასწია...—ახლაც ვერ ხედავ?

ეხლაც ვერ ხედავ? ბიჭს სახე დაუსისხლიანდა, თვალები უზომოთ გაუფართოვდა, პირი დააღო, ცოტა კიდევ და დაიხრჩობოდა. არჩილმა ერთი ვაი-ვაგლახით გააშვებინა ხელი და ცოცხალ მკვდარი კოშკის ლეზვ-წამოსული დარაჯი მიწას დაასკდა.

ხილზე გავიდენ. არჩილმა დასტვინა და მალე გამოჩდენ ტყეში ჩასაფრებული მხლებლები.

.....
 შესახვევში მგზავრებს სამიოდე ცხენოსანი დახვდათ.

— რა ქენით — დაეკითხა არჩილი.

— თავსლაფი დაგვასხეს...

— როგორ?

— ღამე იყო როცა მივედით... როგორც უთხარით მეფესთან უნდა წამოხვიდეთქო, იმავ წამს დაგვეთანხმა... გავიდა, ცოლს გამოვეთხოვებიო... უცადეთ, უცადეთ... მერე მოვიკითხეთ, მერე გავწყყერთ, ჩვენ თვითონ დაუწყეთ ძახილი, დავიწყეთ ძებნა, გადაეჩხრიკეთ იქაურობა, მაგრამ ვერსად ვნახეთ, მხოლოდ მის ავათმყოფ ცოლს წავაწყდით. გვაგინა უშვერი სიტყვებით: „ყაჩაღებო, პატიოსან ხალხს სიკვდილის დროსაც კი არ შორდებით, კრულ იყავით თქვენც და თქვენი მეფე და ბატონიო“.

— ქართლისკენ არ გააგზავნეთ მღვდარი?

— როგორ არა! მე თვით ვაქენე ცხენი, სანამ არ დადგა, მაგრამ კვალს ვერ მივაგენ; მერე ვიღასიც ცხენი დავიჭირე და ხომ უყურებთ ამით დავბრუნდი.

— რაღა ვქნათ ეხლა?

— შემოვერტყათ ამ მიდამოს და დავიწყეთ ძებნა.

— ა, ტყულა გავირჯებით... მარტო რომ იყოს, უსათუოდ ამდენხანსაც ნახავდით, მაგრამ ეტყობა გლეხები ეხმარებიან, და თუ მათ მოინდომეს, ამ უტეხ ტყეში მთელი წელიწადი ისე შეინახავს თავს, რომ საკუთარი ჩრდილიც კი ვერ დაინახავს და როცა მოესურვება ისე წავა, როგორც ხობობი.

— ჰე, რისხვას ვერ გადავრჩებით.

იულონი თავიდანვე ფიქრობდა, რომ ეს უწვევი სტუმრები უბრალო საქმისთვის არ იყვნენ გარჯილი, რომ მას უეჭველია მეფის წინააღმდეგ რაიმე მოქმედებას აბრალებდენ; ეხლა სავსებით დარწმუნდა, რომ მას მეფის ღალატს აბრალებდენ და შეთქმულებას ეძებდენ.

იულონმა მოინდომა თავის მხლებლებს გამოლაპარაკებოდა საიდუმლოთ, მაგრამ შეატყო, რომ ხელს უშლიდენ.

იულონის ფიქრს მიხვდა არჩილი და ბოლოს უთხრა:

— იულონ, ა, საცაა ქალაქში შევალთ...

— მერე?

— ჰო და როგორც მე გეცი პატივი და ამდენს ხანს იარალით მოგიყვანე, ისე შენც მეცი პატივი და იარალი მომეცი.

— როგორ, რატომ?

— რას იტყვიან მეფე და მსაჯულები, როცა დაიარაღებულს წარგადგენ? ეს ბებერი ქე გამპარვია და მადლობის მაგიერ, ვინ იცის, იქნებ მეც სამსაჯულოს ვადამცენ, როგორც თქვენი თანამოაზრე.

იულონმა მიიხედა თავის მხლებლებისკენ, მაგრამ ისინი აღარ სჩანდნენ.

— ჩემი კაცები სადღა არიან?..

— ჩამორჩენ... მათაც იარაღს ჩამოართმევენ და ისე გამოგყვებიან და თუ ვინღა ისევ უკან გაგზავნენ და იარაღსაც დაუბრუნებ.

— მომატყუე?

— რითი, რაში? მე რაც შემეძლო პირიქით გეხმარები ღმერთია, მოწამე.

— ეჰ, — ჩაიქნია ხელი იულონმა და თავისი იარაღი არჩილს გადასცა.

მწვავე ფიქრებში გაერთო იულონი და ხმა აღარ ამოუღია.

4

მეფე იჯდა დიდი მუხის ძირში; მსაჯულნი, კარის კაცნი და ცნობის მოყვარეობით მოზიდული ხალხი ეხვეოდა გარს; განმარტოებით, დაშორებული საერთო მუსაიფს და სიცილ-ხარხარს, იჯდა უიარაღო იულონი.

დარაჯები არ სჩანდნენ, მაგრამ რომ ვიღაცა თვალს ადევნებდა, უეჭველი იყო, რადგან ყველა დარწმუნებული იყო, რომ იგი ვერ გაიქცეოდა და ვერც ზიანს მიაყენებდა ვისმეს.

მეფე მიუახლოვდა იულონს.

იულონი ფეხზე წამოხტა და დარცხვენითა თაფი დაღუნა.

— ჩემი თქვენდამი უკმაყოფილება ვერ დამიშლის ავასრულო ჩემი მოვალეობა: წერილობით ჩემი მეუღლე გადმოგცემდათ ჩემს სამძიმარს... ეხლა სიტყვიერათ უნდა ვსთქვა, რომ თქვენი ღრმად პატივსაცემი დედის გარდაცვალებამ დიდათ დამაღონა. განსვენებული ჩვენი ქვეყნის შევენება იყო, როგორც ძველი ქართველი ქალი, ოჯახის პატრონი და ოჯახისთვის მზრუნავი. საუკუნოთ იყოს ხსენება მისი და გწინსვენოს იქ, სადაც მართალნი განისვენებენ; თქვენ კი იობის მოთმინება მოგცესთ ღმერთმა, რომ გადიტანოთ ასეთი დედის დაკარგვა...

იულონმა კიდევ უფრო მძიმეთ დახარა თავი.

მეფეს თვით მოეწონა თავისი საქციელი და საპასუხო თავის დაკვირვებებს განშორდა იულონს.

კარის კაცები მლიქვნურად, მეფის გასაგონად ამბობდნენ:

— რა სულგრძელია, რა ლმობიერია, ნამდვილი მეფეა, შთამომავალი ბაგრატიონთა...

.....
იულონმა ხალხში დაინახა სოფიო და რევაზი და თითოთ ანიშნა მისულიყვენ-მივიდენ.

— აქ რას შვებით?

— ცოტა რაცხა პარასკეობისთვის გასაყიდათ ჩამოვიტანეთ...

— ერთმანეთში როგორ ხართ?

— კარგათ ბატონო...

— მოეწყვეთ?

— თქვენის წყალობით...

— კიდევ ეარშიყებით ერთმანეთს თუ?

— ა, არა ბატონო.

— აბა...? — ეშმაკურათ შეხედა ქალის მუცელს...

ორივემ თავი ჩალუნა.

— ჯვარი არ დაგიწერიათ?

— არა ბატონო...

— ურჯულოები ხომ არა ხართ... დღესვე დაიწერეთ ჯვარი, არ წაიწყმინდოთ სული — და სოფიოს იულონმა ჯიბიდან ამოღებული რამოდენიმე ვერცხლის ფული გადასცა: „ნახევარი შენ და ნახევარი შენს დას... ჯვარის დასაწერი ფული ჩემი იყოს... ისიც ხომ შენსავით ცოლობას უწევს ჩემს კაცს?“

— კი... — დარცხვენით უპასუხა ქალმა.

— მადლი უთხარი ბატონს, მადლი წყალობისთვის.

იულონს კიდევ უნდოდა მათთან მუსაიფი, მაგრამ ერთი კარის კაცი მოვიდა და მიაყვირა:

— წადით, წადით აქედან სანამ ზურგი არ აგწვიათ.

.....
დიდი ხანია იულონს მზე მიადგა; რამდენჯერმე გადაიჩოჩდა, გამაგრამ მეტი გაწევა აღარ შეიძლებოდა — იგი უნდა შეერთებოდა სხვებს და ეს კი არ სურდა.

ბოლოს ვერ მოითმინა და წამოიძახა:

— მეფეო, მოიღე მოწყალება, გამასამართლე! თუ დამნაშავე ვარ, დამსაჯე; თუ არა — დასაჯე ისინი, ვინც ოჯახის მყუდროება დამირღვია და ჩემი თავი ჩაგასმინა.

— ჰო, ჰო მართალია, დავიწყოთ!— ბრძანა მეფემ.

— მოითმენს ცოტას, არა უშავს რა, ისე ნაზი არ ბრძანდება, — ჩაიბუტბუტა სახლთხუცესმა.

მეფე თავის ადგილზე შესწორდა, საქმის მოსასმენად დაემზადა, მდივანმა საწერ-კალამი მოიმარჯვა და ქალაღი გაშალა. მეფის ირგვლივ შემოსხდენ კარის კაცები; სამღვდელოებამ თავისი ადგილი წესრიგზე დაიკავა და მთელმა ხალხმა ხმა გაკმინდა.

— აბა, მდივან-ბეგო, საქმე მოგვახსენე... — ბრძანა მეფემ.

მოხუცი მდივან-ბეგი ადგილზე შეშმაშურდა და უმწყოთ უპასუხა:

— მე არაფერი ვიცი, მწყალობელო მეფე.

უხერხულობა უფრო გაიზარდა, როცა მეფემ აქეთ-იქით იწყო ცქერა, თითქოს დამხმარეს ეძებდა.

— ვაი ჩვენი ცოდვა, კაცი დაუჭერიათ და არც კი იციან რისთვის... — ჩაიბუტბუტა ერთმა მოხუცმა დიდებულმა...

დიდებულებში ჩოჩქოლი ატყდა:

— თქვი, შე კაცო! — აქვებდენ ერთს.

— რა ვთქვა, რომ არაფერი ვიცი!?

— ამ დროს უნდა დახმარება: ენა გიქრის და გარემოება იცი, — კრეს მუჯღუგუნი სპასალარს...

— შენ იკითხე, თვარა მე რა მენაღვლება! — ჩაიქნია ხელი ახალგაზრდა კაცმა, რომელიც ხან ერთს უფუჩუნებდა და ხან მეორეს.

ხალხში ჩოჩქოლი მატულობდა. იულონს იმედი სრულიად დაეკარგა — მან იგრძნო, რომ აქ სამართალის ძებნა ამაო იქნებოდა, რომ აქ შეკრებულებიყვნენ მტრები, რათა თავიდან მოეშორებიათ არა სასურველი პირი და ცდილობდა თავი მაგრად დაეჭირა. აქვე იდგენ იულონის ცოლის ნათესავები, მაგრამ დამფრთხალ ფინიასავით თავისთვის წკმუტუნებდენ და ხმას კი ვერ იღებდენ...

ამ დროს ადგა მოხუცი სახლთ-ხუცესი, უღვაშებზე ხელი გადისვა, ხმალ-ხანჯალი შეისწორა, თავი ჩაღუნა ცოტა არ იყოს დარცხვენილი, დაიწყა:

— ქრისტე! მწყალობელო მეფე, დედებულნო, ჯარის-კაცნო, ხალხნო და ჯამაათნო, ზევიდან ღმერთი გვიყურებს და ქვევით ჩვენი სინდისი! უკუღმართმა საქციელმა უკუღმართ მდგომარეობაში ჩაგვაყენა, მირონცხებული მეფე მსაჯული და პატრონი ქვეყნისა დღეს, ვით მდაბიო თქვენ მოგმართავსთ და სამართალს ეძებს... ხალხო! მეფის შეღახული უფლების აღდგენაა საჭირო და ქვეყნის მტერის წინააღმდეგ ზომების მიღება. განა ამას მოელოდა ჩვენი ღმობიერი მეფე? განა იფიქრებდა, რომ რომელიმე ჩვენგანი გაბედავდა ღალატს იმ მეფისას, რომელიც

ვიდრე არის დრო და სახსარი მოიპოვეთ საშვალემა უზრუნველ-ჰყოფთ მშენებლობის დროსა, თქვენი ოჯახებისა და მირონ-ცხებულის ჩვენი მეფისა.

თუ დავახანეთ, მტერი შემოიკრეფს ძალას, აღსა და ცეცხლს მიეცემა ქვეყანა და ძმათა მკვლელ ომში გართულთ ამათ მოგვიხდება „თავში ცემა“.

მოხუცი დადუმდა. იგი ელოდა ხალხიდან გამოძახილს. ყველა დუმდა. ეს იყო ცუდი ნიშანი.

მაგრამ მათ და ბედათ ერთი ამბავი მოხდა.

ხალხში ჩოჩქოლი ატყდა.

ვილაც მორბოდა და ყვიროდა:

— მიშველე, მეფეო! მიშველე!— ვითომ აჩერებდენ, მაგრამ მაინც მოვარდა.

— რა დაგემართა?

— უბედურება და ღვთის რისხვა!

— ვინა ხარ?

— ნამახვანელი ტყაბლაძე, მეფეო.

— მერე?

— მერე, დათვის ტყავი და ნაღველი მომქონდა. აგერ ვილაც დიდი კაცი მევაჭრებოდა, ფასში ვერ შევირგდით ის წავიდა. მე მისი კაცები მეცენ... ჩხუბში ნაღველი ქე დამექცა, ტყავი წამართვეს...

— ახლა მე რა ვქნა?— ზღონოთ, ზიმედოთ მიიხედ-მოიხედა მეფემ.

— ბრძანე ჩემი ტყავი დამიბრუნონ, ნაღველს შენი ჭირა წაუღია! — ჩემს ოჯახში წელიწადია მარული აღარ ყოფილა!.. — და გლეხი მუხლებზე ხელ-მეორეთ დაეცა — მოიღე მოწყალება.

— მდივან-ბეგი სადაა? — გაისმა სადღაც ხმა.

მეფეს გაუხარდა და უეცრად მიუბრუნდა გლეხს:

— აი, მდივან-ბეგს უბრძანებ...

— არ მინდა, არ მინდა, შენ ბრძანე გადაახდევინონ... აი, ბატონო, ის კაცი, მე რომ ტყავს მევაჭრებოდა... მაგის კაცებმა წამართვეს...

— ნუ აწუხებ მეფეს!.. შენი ტყავისთვის არ ცალია!.. ნუ იგდებ თავს!.. გასწი აქედან! — გაისმა კარის-კაცთა შორის და ჯიკავ-ჯიკავით მეფეს მოაშორეს ვითომც და აბეზარი მთხოვნელი.

წრიდან გამოგდებული გლეხი ერთ ჩამოკონკილ აზნაურს მიუჯდა გვერდში:

— ღმერთი არ უყურებს ამ ამბებს — შესჩივლა გლეხმა.

— რატომ შეხედავს, ძმაო, ტანათ ჩვენ არ ვარგვართ და პირათ, შეძლება ჩვენ არა გვაქვს და სიტყვა-პასუხი არ გვივარგა; რომ გადმოიხედოს, ვერ დანახავს, სიბნელეში ვართ. რომ დაგვიგდოს ყური, რომ ვერ ვეტყვი, როგორც შე-

ჰფერის...—მწარე დაცინვით ამბობდა მოხუცი...—აი, აბა ანთე მკლავის სისხლი
თაფლის სანთელი, ჩაიკვი ფარხა და ქინასუსი, შევალაობე უფალს ტკბილი მოქ-
ნილი ხმით—ნახე მაშინ თუ არ გისმინოს! თორემ, შე საცოდავო შენი სიტყვა
ხომ, ჩემი არ იყოს, დათვის ღმუილსა ჰგავს და აბა დათვისთვის რომ უფალს ეს-
მინა, შენ კი არ გააძრობდი ტყავს, დათვი გაგაძრობდა!..

გლახი ბოროტის თვალით შესცქეროდა დამცინავ ადამიანს, მაგრამ მიხვდა,
რომ რაღაც ბოღმას გაემწარებია იგი და ჰკითხა:

— თქვენ რაღა უბედურება გეწვიათ?

მოხუცმა გაიცინა:

— სულ წინააღმდეგი იმის რაც შენ, შენ ტყავი წავართვეს, მე ბეწვი, შენი
ტყავი დათვის იყო, ჩემი ბეწვი კი შველის... შენ ფულს თხოვილობ, მე კი სისხლს.

— ვერ გავიგე.

— ტუტუცი ხარ და მიტომ, მაგრამ ფეციავ ღმერს, ჩემს სისხლს ავიღებ ..
ხომ უყურებ აი ამ ხანჯალს?

— გლახს მეტი ხმა არ ამოუღია—ემინოდა კიდევ ვერაფერს გავიგებო და
მოხუცი გამოანძღავსო, მაგრამ მოხუცმა ვერ მოითმინა და დაათვა:

— შეილი გამიუბატიურეს, კაცო, შეილი... შეპირდა შეგიერთაო... გაიტყუა,
წამიბილწა და ხასათ დაიჯდინა... დავსდევ, მეფე არ დამიტოვებია და კათალიკო-
ზი, მაგრამ ვერც ჯვარი დავაწერინე, ვერც საუდიერო გადავახდევინე და ვერც
ქალი გამოვსტაცე ხელიდან... სასაცილოთ იღებენ ღმერთსაც და ადამიანსაც...
ყაჩაღათ უნდა გადავარდე, მეტი არაფერი დამრჩენია!..

— რაღა დროს შენი ყაჩაღობაა! — შენიშნა დათუნამ, რომელსაც ვერაფერი
მოეგონა იულონის დასახსნელათ და დიდხანს უგულოთ უსმენდა მოხუცის მას-
ლაათს, მაგრამ ეხლა რაღამაც გაჰკრა, თითქოს იაზრა მომავალიო და ჩაერია ლა-
პარაკში.

— არა, შეილო, არც ისე ბებერი ვარ, რომ გგონია, მარა ცხოვრებამ გამ-
ტეხა წელში... ბაღლი რომ ვიყავი, დედოფლის კალთაში ვკოტრიალობდი და მე-
რე ისე უკან-უკან წევედი, რომ ქართლიდან მოთრეული ვირის თავიც მეთავადე-
ბა და ბუხათ არ მთვლის... ეჰ, ან კი ყაჩაღათ რათ წავალ, აგერ შევეკედლები
ფიცის კაცს...

— ეს ფიცის კაცი რაღაა, მითხარი თუ ღმერთი გწამს? — სწრაფად შეეკითხა
დათუნა.

— რაღა არ იცი, შე კაცო, იმერელი არ ხარ?

— იმერელი კი ვარ, ბაბუა, მარა მე უფრო ქართლში ვიზდებოდი ჩემ ბა-
ტონთან ერთად და აქაური ბევრი არ ვიცი.

— ერთი რომ ბაბუას ნუ მიძახი— არაფერი ბიძაშვილი არ ხარ ჩემი...
 რეთ ფიცის კაცი ქვია აი, აქედან დაწყებული ცხენის წყლამდე ყველას, ვინც კი
 ცხოვრობს... უხსოვარი დროიდან ოდიშიდან გვიფარავენ; ამიტომ იქაურ ბატონებს
 ნამდვილი მეფეების, ამისთანების კი არა, იქ რომ ზის— მოხუცმა ზიზლით
 მეფისკენ ხელი გააშვირა— სიგელი აქვთ ვინც მიეკედლება, თუნდაც ქრისტეს ფეხის
 მჭამელი იყოს, ვერავინ მოიკითხავს, ხელს ვერავინ ახლებს... ყველა ოხერი
 აქეთკენ მორბის... მართალი რომ თქვას კაცმა, ბევრი ქე იხოცება: ზოგს სვანი
 კლავს და ზოგს მეგრელი...

— რა ვიცი ეს თარეში ქე მოდის ოდიშიდან და ფიცის კაცი რას აკეთებს?

— შე ოჯახ-აშენებულო, ფიცის კაცმა კი არა წმინდა გიორგიმ ვერ დაგვიფარა
 და ისინი რომ არ იყვნენ, ვინ იცის რა დაგვემართებოდა?

სანამ მამბუხარა გლექს დაამშვიდებდენ, სანამ ჩოჩქოლი დამშვიდდებოდა, დიდებულნი
 და ჯარის-კაცნი თითქოს იცავდენ მეფეს უსიამოვნებიდან და თან ერთ-
 მანეთს უფუჩუნებდენ, ანიშნებდენ— ცუდათ არის საქმე, ამ ბებერმა მრავალი ილაპარაკა,
 მარა სარწმუნო კი ვერაფერი სთქვაო, რამე უნდა ვახერხოთ იულონის
 წინააღმდეგო...

ბოლოს მეფემ ისევ მიაპყრა ყურადღება იულონს:

— ვინ რას იტყვის ამ საქმეზე...

სდუმდენ.

ყველაზე უფრო გასალახანებულმა წერეთელმა სტორტლა:

— მეფის ორგულს თვალების დათხრა!.. მეტს რას უნდა მოელოდეს?

ქეშმარიტათ შებრალების ღირსი არ არის!— დადასტურა აღაშვილმა.

— ესაა თქვენი სამართალი?— დაცინვით წამოიძახა პირველი სიტყვები იულონმა.

— ესეც რომ სამართალზე ლაპარაკობს?— დაცინვით უპასუხა მესხმა.

— დავთხაროთ თვალი სამაგალითოდ, რომ მეორემ ვეღარ გაბედოს ისედაც
 აფორიაქებული ქვეყნის აღრევა— დაეთანხმა აბაშიძე.

— მამულიც ჩამოვართვათ.

— არა! მამულს რას ერჩით? მაგია დამნაშავე და არა მაგის შვილები...

— ... ცოცხალი იყოს და საჩვენებელი, თუ რა მოელის მეფის და ქვეყნის
 შოლალატეს...

— თვალები დასთხარეთ, დასთხარეთ თვალები!..

— რას ერჩით, კაცო, ვინაა მოწმე, რომ მართლა დამნაშავეა... იქნებ უდანაშაულოა...
 კაცის ცოდვაში ნუ ჩავიდვამთ ფეხს— მკრთალად აქა-იქ გაისმა. ხმა იგი
 საერთო სურვილის წინააღმდეგობისა ქრებოდა ღრიანცელში:

— თვალი დათხარეთ, ეს უკეთესია, ეს ეკოდინება ყველა მომავალ მოკმედს. .

მეფე უძლურათ, თითქმის შეშინებული იცქირებოდა აქეთ-იქით. თითონაც არ სურდა ასეთი სიმკაცრე. დანაშაულობაში არ იყო დარწმუნებული. მიმართა სახლთ-ხუცესს:

— რა გქნა?

— ბრძანე ხმა ღვთისა და ხმა ერისა-თქო და დაეთანხმე. მეფეს ორი რამ მოეწონა: ერთი რომ საქმე როგორმე ბოლოვდებოდა, მეორე ლამაზათ, ბრძნულათ შეეძლო თავისი აზრი გამოეთქვა და თან ცხვირს უკვე სცემდა შემწვარი მწვადის სუნი და ამიტომ დინჯათ სთქვა.

— ხმა ერისა და ხმა ღვთისაო, იყოს ნება ღვთისა!..

— ღმერთმა შეარცხვინა თქვენი სამართალიც და თქვენი კაცობაც! — დაუმატა იულონმა გულ-გრილათ, როგორც დიაკონი ამბობს „ამინ“-ო.

— აბა ჯალათო — საჩქაროთ! მიმართა სპასალარმა იქვე მდგომს, რომ მეფეს ბრძანება არ შეეცვალა, ან ხალხს სხვა სურვილი არ გამოეთქვა.

— რას ერჩიან, მამა, იულონს? — დაეკითხა არჩილს შვილი.

— ჩვენც მაგი მოგველის, შვილი... დიდებულებს არ უნდათ მეტოქეთა რიცხვი მატულობდეს... ხელსაც მოითბობენ... ეჰ!

აუტანელმა ტკივილმა ისევ ამოაღებინა ენა.

— ვიტყვი, ვიტყვი ყოველიფერს, ოღონდ ნუ მტანჯავთ-დაიღრიალა. ჯალათი წუთით შეჩერდა.

— ვლალატობდი ამ უნიათს... არა ქვეყანას... ნუ შემრევთ მოლალატებში... არაფერი მომისწრია ოღონდ... — ნაწყვეტ-ნაწყვეტათ ისროდა სიტყვებს იულონი. მეფე შეჩერდა.

— კაის არაფერს იტყვის.

— შეურაცხყოფას მოგაყენებს მურტალი ყაზახი.

— წავიდეთ, მეფეო, ჩქარა.

— ნუ იკადრებ მაგის თავის გაყადრებას...

მეფეს შემოგხვივნენ დიდებულნი და ვითომ დიდის პატივისცემით ნამდვილათ კი ოღნავის ძალდატანებით მოაშორეს იმ ადგილს.

— რა ვაჟკაცი დაიღუბა! — თქვა ერთმა მოქალაქემ.

— ჭავასაც ეყოლება არა ერთი მოკლული.

— ვა, ასე თუ ერთმანეთი ამოჟლიტა ამ ხალხმა ჩვენ ვინლა დაგვიცავს.

— ამბობენ, თათარი ციხის ძირშიაო.

— მეგრელები ცხენის წყალში გამოვიდნო.

— აღარ იქნება ერთი მშვიდობა, სიწყნარე ნეტავი? ნუთუ სრულიად მოგვიძულა ღმერთმა?..

ორი მსახური მივიდა იულონთან და შორი ახლოს მისი იარაღი დააწყო:

— აი თქვენი იარაღი, აღარ დაიკარგოს, ჩვენი ბრალი არ იქნეს.

— თქვენი დედა... თქვე ურჯულოებო, კრულ იყოს თქვენი მეფეც, თქვენი კაცობაც— იწყევლებოდა, იგინებოდა და ღრიალებდა თვალდათხრილი.

მერე დადუმდა.

ხალხი მიიფანტ-მოიფანტა.

— წყალი, ვინ ხარ მადლიერი.

— ახლავე, ბატონო.

ეს იყო იგივე სოფიო, რომელიც ქმართან ერთად მის გვერდში იდგა და ყველაფერს უყურა.

— ვინ ხარ შენ?

პასუხი არავინ გასცა.

— შენც გაიქეცი? ქრისტიანი კაცი აღარავინაა?

— რა ვქნათ, რა ვქნათ, შენი ჭირომე?.. რატომ არ გაგვიწყდება მიწა...— ღრიალებდნენ და ყვიროდნენ სირბილით მოსული ძიძი-შვილები.— კაია-კაი უპასუხა გონება დაკარგულმა იულონმა.

— დაგვიჭირეს, თვარა შენთან გავწყდებოდით, ღმერთია მოწამე— იმართლებდნენ თავს ახალგაზდა ბიჭები, რომელთაც მართლაც ღრმად უყვარდათ იულონი. სოფიოც მალე დაბრუნდა, წყალი დაალევინა, თვალი მობანა.

— ვინ ხარ?

— ჩვენ ვართ, ბატონო, თამაზა და სოფიო...

— წამიყვანეთ სახლში.

სოფიომ ურემი მოიყვანა.

დაიწყა ჩვეულებრივი ვაჭრობა.

— რას ამბობ, ძმაო, იქ ურემი კი არა, ჯორი ვერ ავა.

— მესხების კარამდის მაინც მიგვიყვანე და მერე ჩვენ წავიყვანთ...

— ორი უხალთუნი მომეცით.

— ღმერთი არ გწამს, ორი ფეხის ნაბიჯია?

— ორი ფეხის ნაბიჯი კი არა ხვალ დაუქმებამდის, სახლში ვერ მივალ...

— ქრისტიანი არ ხარ? კაცი კვდება და შენ გამდიდრება გინდა...

— ე, ჩემო ძმაო, ჩემთვის ქრისტიანი ვინ გამოდგა, რომ მე სხვას ვენაცვალო?..

— კაი, ჯანი გავარდნია.

• • • • •
 მესხების კარებთან მეურმე შეჩერდა...

შეხვეწენ... შეაშინეს და წინ წინ გაიგდეს მეურმე...

იწყევლებოდა მეურმე...

ვინ დაუჯერებდა?

იფიცებოდა, ხარებს მეტი აღარ შეუძლია, საურმე გზა აღარ არისო.

საიდანღაც გამოჩნდა აქამდის მიმალული თედო და ის ყველაზე თავამოდებოთ ერეკებოდა ხარებს...

უეცრათ ურმის ღერძი გატყდა.

— ასე დაგეჟათ ოჯახი—დაიწყველა კიდევ მეურმემ.

იულონი გამოერკვა ბურანიდან... მიხვდა რაც მოხდა.

— ცხენი...

მოართვეს ცხენი. ძლივს შეჯდა. უნაგირზე ვერ მაგრდებოდა.

— ფხეები გაუკრათ უნაგირ-ქვეშ, — რჩევის კილოთი ფუჩუნით წარმოსთქვა ერთმა.

— ვერ გასძლებს... ვერ უყურებ წელში როგორ იკეცება?..

ისევ ჩამოსვეს.

— რა ვქნათ?

— რაღა ბატივით იქცევით?.. მომეცი ერთი წალდი და სოფიომ თავის ქმარს წელიდან ამოაძრო წალდი.

გაიქცა.

ცოტა ხნის შემდეგ ორი მომსხო სარი და რამდენიმე ღვლეჭი მოიტანა.

შეკრეს, საკაცეზედ ხის ფოთლები დააყარეს; თედომ ჩოხა გადააფარა და დაწოლილს იულონს ნაბადი დაახურა.

ერთმანეთს ეცვლებოდენ; ასე ვაი ვაგლახით სახლში მეორე დღეს მიიტანეს...

ავათმყოფმა ჯერ მოიხედა. ბავშვების ნახვა მოისურვა, ჩაიხუტა. ცოლს ეალერსებოდა. მაგრამ ბრაზი ჰკლავდა, რომ მტერთ დაჩაგრეს, ტკივილები აწუნებდა, სინდისი ჰქეჯნიდა, უტრუვდებოდა იმედი, რომ შთამომავალს უზრუნველყოფილს სტოვებდა და სევდა ღრნიდა, რომ დიდი საქმისთვის ვერაფერი მოიმოქმედა.

ოჯახს დღითი-დღე ეტყობოდა, რომ უფროსების გამოცდილი და გამჭრიახი თვალი აღარ ტრიალებდა. ცრემლ-მორეული თინათინი ხან საქათმურს ეცემოდა, ხან სამხარეულოში უეცრათ შევიდოდა, ხან საქალებოს, ხან თავლას ესტუმრებოდა, რომ გადაერჩინა კვერცხები დალაყებას, ორიოდე აღლი ხამი მეტი მოექსოვათ მოახლეებს, მაგრამ დოვლათი დნებოდა უმწეო ქალის თვალსა და ხელ შუა.

ბევრს უმაღლედ იულონს, მაგრამ ატყობდა მაინც, ვერ დაუმალეს, რომ დაიკარგა ვერცხლით მოქედლილი უნაგირი, რომ მოხარკეთ აღარ ინდომეს ჩაღის მოზიდვა, და ავთომყოფობას ხელი შეუწყო მწუხარებას.

მუდამ გულ-მოსული გადას, რომელსაც ძლიერ სწყუროდა დაემსახურებია სახელი და პატივი განსვენებული წინა-მოადგილისა, ხშირათ ბატონების გასაგონათაც კი წამოიკაპასებდა, როცა დაკარგულზე შეიქნებოდა რჩევა და გამოკითხვა:

— უგვარო ცხენსო ნუ აქმევ ქერსო!— მაგის ცოლის მშვიერი დედულეთი თლათ თუ არ წაგვიღებს, ისიც კარგია, — და თინათინი ითმენდა, რადგან თვითონ ხედავდა თუ როგორ მიათრევდენ რასაც კი დაიხელოებდენ მისი ძმა და ბიძა, დედა და ბიძაშვილი და თქმით კი, ერიდებოდა რამე ეთქვა.

ძიძი-შვილები იულონის წინაშე თავს დამნაშავეთ გრძნობდენ, და ორივე თუ არა, ერთი მაინც განუწყვეტლივ თან ახლდა.

ერთხელ იულონმა ინატრა:

— ერთი ჩემი კოშკი მაჩვენეთო.

— მობრძანდი, ბატონო...

როცა ავიდენ კოშკზე, იულონი დაჯდა ქვაზე და უნებურათ მოაგონდა აქედან და აქ ნანახი და ნაგრძნობი სურათი.

— დათუნა, ხომ არავინ არის აქ?

— არა, ბატონო.

— ხომ იცი, ვინ დამლუპა?

— კი, ბატონო.

— ხომ იცი, რომ შენ ჩემი ძიძი-შვილი ხარ და ჩემ მაგიერ, სანამ შვილები წამომეზღებიან, შენ უნდა იძიო შური ..

— კი, შენი ჭირიმე, თუკი ნებას მომცემ.

— წაიღე ჩემი თოფი და ტამბახა, ოქროსაც მოგცემ საკმაოს... მოჰკალი ნაშალევათ, მერე გადადი ოსეთში, მიეკედლე ისეთ ბატონს, რომ დაგიფაროს... ნურც ისეთ დაძაბუნებულს აირჩევ, რომ შენვე გაგიხდეს მოსავლელათ და ნურც ისე ძლიერს, რომ დაგჩაგროს და დაგიმონოს... გავა ორი-სამი წელი და დაბრუნდი ქართლში და თავი შეაფარე ზაზა ციციშვილს ან ქუცნა ამირაჯიბს; იქიდან გაიგებ ჩემი ოჯახის ამბავსაც, და ვინ იცის იქნებ ღმერთმა მოიღოს წყალობა და ჩემს შვილს, შენს ნაზარდს ისევ შეხვდე. შენ ამოგირჩიე, რადგან ცოლ-შვილი არ გყავს... ვიცი დიდს მსხვერპლსა გთხოვ, მაგრამ ნუ ჩამატან საფლავში ბოლმას... მეგობრულათ შემომეპარა სახლში, ვენდე, გამიტყუა და ყაბებს მიმცა ხელში...

— მე თითონ მინდოდა, ბატონო, ღმერთია მოწამე... მან შემარცხვინა კაცი... გლეხი ვართ მე და ჩემი ძმა, მაგრამ ვიცით ძმობა...

— გმადლობ... ღმერთმა გადაგიხადოს... მაგიერობას კი ვერ გიზამს ფული, მაგრამ იმდენს კი მოგცემ, რომ სადაც უნდა იყო, თავი ირჩინო... არ დაგავიწყდეს, როცა ჩემი რომელიმე ვაჟი წამოიზღებდა, ეცადე იარაღი დაუბრუნო...

— კი, ბატონო.

— მაშ ნუ იყოვნებ—ეხლავე წადი, დიდი ხნის სიცოცხლე არ მაქვს და მინდა მოვესწრო...

ორი კვირის შემდეგ ლოკინში მწოლარე იულონი სიამოვნების ცრემლებს ღვრიდა: უკანასკნელი მოწამე მისი „ბუშობისა“ მოჰკლეს და განთავისუფლდენ შვილები შესაძლებლობისაგან—„ნაბიჭვრიშვილებათ“ მონათლულიყვნენ... შურის ძიების გრძნობა კი არჩილისადმი გულში არ ჰქონია, რადგან კარგათ იცოდა, რომ არჩილს სრულიადაც არ უფიქრნია მისი დაღუპვა, პირიქით, შეიძლება, ცოტათი კიდევაც დაეხმარა.

ცარიელ ოთახში სასთუნალთან დათუნა უჯდა და უამბობდა საჩქაროთ, რომ არავის მოესწრო:

— წუხელის მოვკალით ის და მისი შვილიც, საჩხო-საბადებელი ბევრი წამოვიღეთ... თქვენი რჩევა, ბატონო, არ გამოდგა, ქუთაისში რომ ჩავედი, ერთი მოხუცი შემხვდა, დიდი მტრობა ჰქონდა არჩილთან, ის შევიერთე და ისე დავეცით...

— გიცნო მოხუცმა?

— ვერა ბატონო.

— როცა მე პირველათ გავეცანი, დიდ ქალბატონზე მგლოვიარეთ ვიყავი, შავი მეცვა და თმა წვერ-ულვაში გაბურძენული მქონდა, ეხლა თმა გავიკრიჭე, წვერი მოვიპარსე, ახალი ჩოხა ჩავიცვი. მოხუცმა ერთი კი მითხრა, საცხა მინახავხარო; ისე კი დამიჯერა, რომ კახეთიდან მოსული თავადიშვილი ვიყავი. როცა ციხეს დავეცით, მოხუცი სიხარულიდგან გადირია მგონი: ავიდა კოშკის წვერზე და საკუთარი ქალიშვილის ნიფხავი ჩამოკიდა და ჰყვიროდა: ვინც შემარცხვენს, მას შევარცხვენ, ვინც დამწიხლავს, მას დავწიხლავო.

— აწ განუსვენე, უფალო, ჩემს სულს! დაკმაყოფილებით თქვა იულონმა.—შენ წამოიღე რამ ნადავლი?

— ცოტა ფული იყო, მეტი არაფერი.

— მართალი თქვი.

— იარაღი...

— გვედრები დააბი ქვა იმ იარაღს და გადაყარე წყალში, არავინ ნახოს..

— ბატონი ბრძანდები.

— მაგიერათ ყველაფერი რაც გაგატანე, ღმერთმა მოგახმაროს, ეს ბებერი შენ გქონდეს, მხოლოდ ლეკური და თოფი ჩემ შვილს არ დაუკარგო.

— დავკიდე, ბატონო, თავის ადგილას.

— ვინ მოხუცი დაგეხმარა, ვერ გავიგე?

— არჩილს ერთი გადაკიდებული მოსისხლე ბებერი ჰყავდა. იმ უბედურების დღეს გავიცანი ქუთაისში, თურმე ქალი გაუპატიურებია მისი და დაუგდია, მერე იმ საწყალ მოხუცს რამდენი არ უთრევია, მაგრამ ვერაფერი მოუხერხებია.

.....

თითქოს იულონმა ყოველივე მიწიერი შესრულაო, მოდუნდა, მოეშვა, ლოგინს ველარ შორდებოდა, საქმლის ქამა მიატოვა, კითხვებზე პასუხს აღარ იძლეოდა, თუმცა ეტყობოდა ჩირქიანი თვალები საშინლათ სტკიოდა... და მოკვდა.

ცოლი გადარეულს დაემსგავსა.

გლახობა დორბლს ჰყრიდა.

აზნაურნი მოთქვამდენ, გრძნობდენ რა მეთაური დაეკარგათ...

ეპილოგი

გავიდენ წელნი.

შინაურმა და გარეულმა ქურდებმა გაალატაკა გლახობა.

აზნაურნი აჯანყდენ.

მეზობლებმა ჯერ გააოხრეს, მოითარეშეს და ბოლოს მთლად მიითვისეს ციხე-სახლ-კარი...

თვით ცოლი, ერთგული ცოლი, პირველათ ძალით გატაცებული, ხასათ დაიჯდინა თედომ...

ბავშვები დარჩენ ძიძასთან, რომ დავაჟაკებისას გაუთავებელი საჩივარი, ჩხუბი და აღიაქოთი აეტეხათ მამულ-დედულის, ციხე-სახლ-კარის დასაბრუნებლათ...

იულონის გულის ოდნავ დამამშვიდებელი იმედიც არ გამართლდა: მასთან ერთად საუკუნო დუმის არ მიეცა უკანასკნელი მოწმე ოჯახის სახელის გატეხისა, უჩირქოთ შეურაცხყოფას აშორებული ვერ განაგრძო გვარმა არსებობა.

მართალია თანადამხდური, სანდო, მაგრამ გულუბრყვილო მემატინე, რომლის თხზულება დაიკარგა, სწერდა: „ჟამსა მას საშინელსა გავრცელდა მტრობა, შური დიდებულთა შორის. მსხვერპლად ანგარებისა გახდა თვით ფრიად პატიოსანის იულონის დედა, წარწყმინდა იგი დიდებულმან არჩილ, რომელი თვით იქმნა წარწყმენდილ ხელითა მისისავე ერთგულისა ყმისათა... ხოლო იულონი დაბეზღებითა მეფისა წინაშე არა ქმნულისა ლალატისათვის იქმნა თვალ-დამწვარ“.

მაგრამ ერთმა უღრმესმა, პირუთვნელმა და უმახვილ-გონიერესმა მემატნიანემ შეაფარდა წინამორბედი და შემდეგ მომხდარი საქმენი და ციხიდან გამოგდებულნი „ნაბიჭვრიშვილების“ მეტ-სახელით მონათლა, და ესლა ნამდვილი მათი გვარი მგოსანთ გარდა არავინ იცის. ნათესავ მოყვრებისაგან ათვალწუნებულნი, ხალხისგან სასაცილოთ აღებულნი, ვერ გაუმაგრდენ ყოველის მხრით მოზვავებულ მტერს, და უკვე შვილის-შვილები ამპარტავანი წინაპრისა, რომელიც გვარის სახელისთვის დაიღუპა, იძულებულნი შეიქმნენ სრულიად და სამუდამოთ დაეტოვებინათ ის არემარე... მათი შთამომავალნი ელიც სცხოვრებენ ერთ მივარდნილ სოფელში, მაგრამ მკაცრმა მემატნიანემ—ერმა აქაც შეუწარჩუნა მათ სამარცხვინო გვარი—„ნაბიჭვრიშვილი“.

რუსთა სასტიკ ხელმწიფეობის ჟამს ეცადენ გვარი გამოეცვალათ, მაგრამ ვერ მოახერხეს. ვეჭვობ, ლმობიერმა რესპუბლიკამ ხმა ერისა სავსებით წარხოცოს, თუნდაც გვარი გადაარქვან...



ზიო. არაბვისპირელი

გ ა გ ზ ა რ უ ლ ი გ უ ლ ი ¹⁾

(ქართული აზაკი)

მ ე ხ უ თ ე კ ა რ ი

1

უცნაურად მოეჩვენა ნადირა მეფეს ირემას დაკარგვა. რამდენიმე კვირის ძებნის შემდეგ სულ გამოიგლოვეს ირემა...

ერთმაც ვერა თქვა, თუ ირემამ პირი საით ქმნა, თუმცა ის ყველას თვალწინ ედგა, ყველგან ის ტრიალებდა, რადგანაც რიგის მიმცემი ის იყო...

„ასე უცნაურად და უკვალოდ დაკარგვა ქათმისაც არ შეიძლება, და ირემას რაღა მოუვიდაო?!“ ჰკვირობდნენ პირველ დროს, და ერთი მეორეზე უცნაურად აზავებდნენ იმის დაკარგვას...

ზოგი ამბობდა ირემა ალებმა მოიტაცეს და ნახეს, თუ როგორ მიარბენინებდნენ, მაგრამ ალები დღისით არავის იტაცებენ და ამისთვის ჩქარა უარ-ჰყვეს ეს ხმა. ზოგი კიდევ—დედა-მიწამ პირი ქმნა, ირემა შიგ ჩავარდა, და შემდეგ ისევ პირი შეიკრაო... როცა ჰკითხავდნენ: სად... როდის... ვინ ნახა?! ვერას ამბობდნენ...

და კიდევ ბევრ სხვა რამე უცნაურს ამბობდნენ...

ასე იყო, თუ ისე, ირემა ისე მიიმალა, რომ იმისი მნახველი არავინ გამოჩნდა...

ნამდვილად კი ასე მოხდა: ირემა ეთერის ახლოს იდგა და მხლებლებს განკარგულებას აძლევდა სუფრის შესახებ. იმან ვერც კი შეჰნიშნა, თუ გადიამ ზარი როგო მოუტანა ეთერს. ვერც ის შეჰნიშნა, თუ ეთერმა როგორ მიიბრუნა პირი ჩამამავალ მზისკენ, და როცა ეთერი უეცრივ ამღერდა და ზარიც აახმაურა, აი, მაშინ ირემას ის ღამე ჩაბარუხის პირას წარმოუდგა თვალწინ თავისი მაშინდელის სიძლიერით, კინალამ დამბლად ჩავარდა უეცრობით, ფერ მიხდილი მაშინვე მაშინდებურად არჩია მოშორება და სწრაფად კანკალით გაურბინა ყველას თვალწინ...

1) იხილეთ „ცისარტყელა“ № 6.

ირემას ასეთ საქციელს ყველა ყურადღების მიქცევდა სხვა დროს, მაგრამ ახლა ყველა შებოკილი იყო უცნაურ ორხმოვანობით:..

ამისთვის იყო, რომ ყველას ვინც კი იცნობდა იმას და ვის წინაც ასე უცნაურის სისწრაფით გაიარა, მეხსიერებაში მხოლოდ მარტო იმის სახე აღებუდა და მეტი არაფერი... თითქოს ყველას წინ იდგა... ყველა ერთსა და იმას გაიძახოდა: „ამ წამს აქ იყო... თვალ-წინ მედგა“!.. როცა ის მოიკითხა მეფე ნადირამ.

ირემა კი მაშინვე თავის სახლში შევიდა, შვილდ-ისარი აიღო და ირმის სიმკვირცხლით ტყეს მოედო.

ტყუილად კი არ ერქვა ირემა. უწინ სახელს არქმევდნენ მხოლოდ მაშინ, როდესაც ადამიანი რაიმე განსაკუთრებულ თვისებას გამოიჩენდა... ეს საყოველთაო სახელი იყო.. შინაურები, რასაკვირველია, თავის სახელს უწოდებდნენ შვილებს, მაგრამ ბოლოს ის სახელი შეპრჩებოდა, რომელსაც მეზობლები თვისებაზე დამყარებულ სახელს უწოდებდნენ. ირემასაც დედამ დედის-ნუგეში უწოდა, მაგრამ დედის-ნუგეშობა იმას არას დროს არ გამოუჩენია. მეზობლები მხოლოდ მაშინ შეურიგდებოდნენ მშობლების სახელწოდებას, თუ მართლა სახელწოდებულნი გაამართლებდნენ შინაარს... მანამდის კი ბალო... გოგო... ბიჭო...-ს უწოდებდნენ...

როცა ბალო, ბიჭი და გოგო განსაკუთრებულ თვისებას არ იჩენდნენ და არც მშობლების სახელ-წოდებას ამართლებდნენ, რჩებოდნენ სიკვდილამდის მეზობლებში „ბალოს, გოგოს და ბიჭის“ სახელით...

ირემამ წამოიძახა მაშინ: „ამ სახლს უბედურება მოეღოს“ და გადასწყვიტა აღარ დაბრუნებულიყო. მოედო ტყეს და ველურად ცხოვრობდა.

პანტა მაჟალო შემოსული იყო, და ამისთვის ადვილი იყო იმისთვის საზრდოს შოვნა ტყეში. მწყემსებს პირველ ხანში ერიდებოდა კარგად იცდა, მეფე ნადირა მოაძებნიებდა, და მძებნელები კი პირველად მწყემსებს შეეკითხებოდნენ... ამისთვის იყო, ასე უგზო-უკვალოდ დადიოდა ირემა, და ხან აღმა იზამდა პირს, და ხან დაღმა. ცდილობდა კი მეფის სასახლეს რაც შეიძლებოდა დაჰმორებოდა, რადგანაც ის წყეული ხმა არ შორდებოდა, რომელიც იმის აზრით უბედურებას უქადოდა მთელ სამეფოს... ხშირად.. ხშირად ისე მკაფიოდ შემოესმოდა, როცა იძინებდა, რომ ძილი უკრთოდა და ტანის თრთოლვა უვარდებოდა. ან კიდევ ჭამის დროს... თუ იმისი გონება რითიმე გართული არ იყო, ის ხმა ყოველთვის სდევნიდა...

მეექვსე დღე იქნებოდა, რაც ის გამოიქცა, დაღალული შუადღის დროს ერთ დიდ მუხის ძირას წამოწვა და თვალის მოტყუებისთვის მოემზადა...

ამ დროს შემოესმა თავზარ-დამცემი ნადირის ღრიალი, რამაც რამდენჯერმე ჩაიშურა და ბოლოს ოდნავ ხრიალად და კვნესად და მოისმოდა...

ირემა ფეხზე წამოიჭრა, შვილდ-ისარი მოიმარჯვა და ხმაზე გაეშურა. შორიდან ჩქარა დაინახა ერთ განმარტოებით პატარა ველის შუა მდგომ პანტის ქვეშ რალაც მოძრაობდა. ირემა მაშინვე ფარულად ტყე-ტყე მიეპარა. ისრის სროლაზე რომ მივიდა და დააპირა სროლა, ამ დროს წამოდგა ვინმე ჭაბუკი, ხელის თითები დაიზილა, თითქოს დაჰკვრუნჩხოდეს, აქეთ-იქით მიიხედ-მოიხედა, დაინახა იქვე ახლოს ლოდი... თითქოს ამას ეძებდაო, მაშინვე იქით წავიდა. მშვიდათ აიღო ლოდი, მიიტანა პანტის ქვეშ და იქ მდგომს შიგ თავში დაახალა... ქვეშ მდგომმა ფეხები მალლა აიშვირა, დაქიმა, რამდენჯერმე ჰაერში გაასავსავა და შემდეგ მოღეშით გვერდზე დაეშო...

2

ირემა გაფაციცებით თვალს ადევნებდა ამ სურათს და გონს ვერ მოდიოდა, თუ რა მოხდა, ვიდრე ფეხები არ დაინახა. მაშინ კი მიჰხვდა, რომ იმ ვილაც ჭაბუკმა უიარაღოდ დაადუნა დათვი და ეხლა თავში ლოდის დარტყმით მოჰკლა... განცვიფრებული ირემა მივიდა ჭაბუკთან, რომელიც დათვის მოკვლის უმალ ჩაჯდა იმის ლეშის გვერდით და ხარბად პანტის ჭამა დაიწყო..

— უგულო ადამიანი ჰყოფილხარ, უგულო!.. დაიწყო ირემამ მისვლისათანავე.

— ძალიან გემრიელი პანტაა; თუ გზიან, დაჯექი და შეექეცი... მეტათ ვერ გაგიმასპინძლდები...

ირემამ თვალელები დააქეცა. იმას განცვიფრებას საზღვარი არ ჰქონდა, რომ ჭაბუკი ასე გულ-გრილად შეჰხვდა და თავის გამირობაზე არა სთქვა-რა... მაინც ჩაჯდა იმის გვერდით.—მართლაც უხვად იყო გაშლილი მწიფე პანტა. ჭამა დაუწყო, და ჭაბუკს თვალს არ აშორებდა, რომელიც შეუყენებლივ პანტას შეექცეოდა და ირემას სრულებით არ ამჩნევდა ..

— უგულო ჰყოფილხარ, ძმობილო, უგულო!.. ცოტა სიჩუმის შემდეგ წამოიძახა ისევ ირემამ და შემდეგ შეეკითხა:

— შენი სახელი?!

— ჩემი სახელი... ცოტა სიჩუმის შემდეგ სთქვა ჭაბუკმა,—ჩემი სახელი აკი იცი, რაღას მეკითხები?!

— როგორ?!. რო ვიცოდე, ხომ აღარა გკითხავდი...

— ორჯერ დამიძახე „უგულო“-ვო და კიდევ მეკითხები...

— განა უგულო გქვიან?!

— ჰო!.. უპასუხა ჭაბუკმა და ეხლა-ღა შეჰხვდა ირემას...

ირემა ლამაზი, წარმოსადეგი, მოხდენილი ვაჟკაცი იყო, და ქაბუღს მოეწონა...
ნა... თითქოს უნახავს კიდევაც სადმეო, ისეთი შთაბეჭდილება მოახდინა ირემამ...

— ნუ თუ მართლა უგულო გქვიან?!

— ჰო, რისთვის გაიკვირვე ვგრე?! თუ კი შენ პირველ შეხვედრაზედვე უგულო მიწოდე, რატომ სხვები კი მაგასვე არ მიწოდებდნენ!..

— შენი სახელი?!. ცოტა სიჩუმის შემდეგ შეეკითხა ქაბუკი...

— ჩემი სახელი... დაიბნა ირემა... ჩემი სახელის თქმა არ მინდოდა, მაგრამ შენ გეტყვი—გადაჭრით უთხრა ცოტა ყოყმანის შემდეგ ირემამ: ირემა მქვიან!..

— ირემა?!. სიცრუეს ამბობ, თორემ დათვის ჩხავილზედ აქ კი არ გაჰჩნდებოდი, ცხრა მთას იქით გადიკარგებოდი...

— ხა... ხა... ხა... ხა!.. მადიანად გადიხარხარა ირემამ...

— შენ ან ლომა გერქმევა, და ან კიდევ ვეფხვა!..

— უჰ, რა კარგი რამ მოიგონე!.. დღეის შემდეგ ლომა მქვიან... წარმოიდგინე, ვფიქრობდი სახელის გამოცვლას და, თუ რა სახელი დავირქვა, იმაზე კი არ მიფიქრია...

— ცხოვრებამ ბევრი რამ უცნაურობა იცის... რამ გაიძულა სახელის გამოცვლა?!.

— ირემა სიმარდისთვის მქვიან... მართალს გეუბნები... ვამაყობ კიდევაც ჩემი სახელით, მაგრამ დღეს იძულებული ვარ სახელი გამოვიცვალო... გამოქცეული ვარ და ვიმალები. არ მინდა ნაცნობებს შევხვდე... ჯერ დათვს მოვუაროთ და შემდეგ ყველაფერს გაიმბობ ..

— დათვს რა მოვლა უნდა?—შეეკითხა ქაბუკი.

— გატყობ, ჩემო კარგო, მონადირე არა ხარ, თორემ მაგას არა მკითხავდი.

— მართალს ამბობ, ჩემ დღეში არ მინადირია...

— ჰო და ეხლა მე მოვუვლი ამ დათვს, და მწვადებს ავაშიშინებ, მაშინ ჩემ თავ-გადასავალს გაიმბობ; მანამდისინ კი შენ მიაბე ე დათვი უიარალომ როგორ მოჰკალი, ან როგორ შეგეფეთა?..

ამ სიტყვის უმაღლ ამოიღო დანა და დათვს გატყავება დაუწყო.

— სულ უბრალოდ!.. დაიწყო ქაბუკმა: თან პანტას შეექცეოდა... როგორც ჰხედავ, გზად ამ დაბერტყილ პანტის ქვეშ მოველ. გამიხარდა... მშოიდა კიდევაც. მაშინვე ჩავსუტქდი და ხარბად პანტის ჯამა დავიწყე... მესმის რაღაც ღრილინი, ტოტების ლაწუნი და ფოთლების შრიალი... სწრაფად წამოვდექ და ახედვა ზევით ვერ მოვასწარი, რომ ჩემ წინ ზღარათანი გასძვრა დათვს... ჯერ ვერც კი ვიცანი თუ დათვი იყო, ისე ბურთივით დაეცა ჩემ წინ. კარგია კიდევ თავზე არ დამეცა... როცა თავი და ფეხები გამოეკვეთა ამ ბურთს, მაშინ მივხვდი, რომ

დათვი იყო... შენ ამბობ: უიარაღოა“, მაგრამ უიარაღო არა ვარ. ლეონიძე

ბოძებული იარაღი თან დამაქვს...

ირემამ შეწყვიტა დათვის გატყავება და ხარბად დაეწაფა თვლით და გონებით ჭაბუკს.

— თავი, ხელი და ფეხი იმისთვის გვაქვს ბოძებული, რომ გაქირვებაში გამოვიყენოთ... გაქირვებაშიც ამით ვსარგებლობთ... არ ვიცი, დათვი რას აპირობდა, როცა თავი და ფეხები გამოაჩინა, გაქცევას, თუ ჩემთან შებრძოლებას, მე კი სწრაფად ზურგზე მოვექეცე, იმავე სისწრაფით ფეხები ბარძაყებ შუა გავუტარე, ხელები კი ილღიების შუა... გავჩაჩხე. უთუოდ ვერ მოისახრა, თუ რა მინდოდა, თორემ ფეხებს გაიბორძიკებდა და მაშინ, შეიძლება, ისე ადვილად პირქვე ველარ დამემხო... ასე იყო, თუ ისე პირქვე საჩქაროდ დავამხე, მაგრამ, აი, ამის შემდეგ დაიწყო ძლიერი ბრძოლა... დათვი ცდილობდა მძლავრად და მერე რა მძლავრად ფეხები ისევ თავის დონეზე მოეყვანა!.. მეც ჩემი ძალით ამის წინააღმდეგ, მაგრამ ხელ-ფეხი მიბუყდებოდა... თავისუფალი ერთი ხელი მაინც მინდოდა მქონოდა და, აი, ამას ვცდილობდი. როგორც იყო მარჯვენა თათი თავზე გადავუტარე, მარცხენა ხელი მარცხენა ილღიის ქვეშიდგან ამოვაცურე და მარჯვენა თათის თავს მაგრად ჩავჭიდე ეხლა ერთი ხელით წინა ფეხები მეჭირა და მეორე მარჯვენა კი თავისუფალი მქონდა დათვის კი თავიც ისე ჰქონდა გაშეშებული, რომ კბილებს ვერ მიიშველიებდა.

რაკი მარჯვენა ხელი გავინთავისუფლე, სწრაფად მომაგონდა, თუ ამისთანა შემთხვევაში, გინდაც დათვის ქვეშ ედო, მონადირეები...

— სანაშენო მოუნახე?! ჰკითხა ირემამ და მთლად სმენად გადიქცა.

— ჰო! უპასუხა ჭაბუკმა... მართლაც ხვადი გამოდგა და ..

— ხვადი რომ არ გამომდგარიყო?! გააწყვეტინა ირემამ ისევ სიტყვა.

— ხვადი რომ არ გამომდგარიყო, მაშინ რა გაეწყობოდა, ყანყრატოს მივმართავდი და, სანამ არ გავგუდავდი, ხელს არ გავუშვებდი. მაგრამ ღვთის მადლით, ხვადი გამოდგა და ამისთვის სულ ჩქარა დავიმორჩილე. სანაშენოს ხელი მოვუჭირე თუ არა, მაშინვე დაიღრიალა, მერე კრუტუნის მუხლობრივ დაიწყო და ხმაც ჩქარა გაკმინდა. შევატყე, რო გონება დაკარგა. მაშინვე თავი გავინთავისუფლე და ვაპირებდი სადმე მიმალვას, რომ არ ვენახე, გონს რომ მოვიდოდა. პანტაზე ასვლაც კი დავაპირე, დარწმუნებული ვიყავი, ძებნას არ დამიწყებდა და გაიქცეოდა ისე, რომ თავის ღღეში ამ პანტას აღარ მოეკარებოდა, მაგრამ აქვე ელოდი დავინახე და გადავწყვიტე კიდევაც ამის მოკვლა.

— ამ დროს გიცქეროდი და ვნახე, ლოდი როგორ დაარტყი.

— ჰნახე და მეც აღარას გეტყვი. მაგრამ ეგ ისევ გაუტყავებელია, და მგონი შენი მწვადები...

— ირემა მოგიკვდეს თუ ეხლავე არ ავაშიშნინო... შენმა ნაამბობმა მიტაცა, რომ დამავიწყა...

-- მე კი უფრო მომამშია და ამისთვის ისევ პანტას მიემართავ...

— არა... არა... აკი გეუბნები, ეხლავე იქნება მეთქი!.. წამოიძახა ირემამ და აჩქარებით დათვის გატყავება დაიწყო.

3

გარდა შვილდ-ისრისა, ირემას ყოველივე იარაღი, რაც კი მაშინ მოიპოვე-ბოდა, ყველაფერი ტანზე ასხმული ჰქონდა მეფის კარზედაც კი. განა მარტო ირემას?!. ყველას. თან ჰქონდა სათული, წაღდულა და სხვა...

ამისთვის გაუკვირდა ირემას, რომ ჰაბუკს, როგორც იმან უწოდა, „უგულოს“ უბრალო ხელის დანაც არ ჰქონდა თან. როცა გაიგო, რომ ტალკვესიც არა აქვს, მაშინ კი პირი დაალო განცვიფრებისგან. „ტყეს როგორ მოედო ასე უიარალოთო“, ფიქრობდა ირემა და თან ხარბად შეექცეოდა დათვის სუკის მწვადებს.

ირემას სასახელოდ მართლაც ჩქარა გაატყავა დათვი, აკაფა სათულით, პანტის ტოტებზე ჩამოჰკიდა, ამოაჭრა სუკები და ცეცხლიც ჩქარა გააჩინა... მართალია ისაც, რომ ჰაბუკიც მიეშველა შეშის მოტანაში და ჰამაში ხომ მხურვალე მონაწილეობა მიიღო.

როცა კარგად მოინაყრეს, ირემამ დაიწყო „რასაც დაგპირდი, ავასრულებ. ეხლა შემოიძლიან გაიმბო რამ მაიძულა ტყეში გამოჭრა, ან სახელის გამოცვლა რამ მაიძულა. დღეის შემდეგ „ლომა“ მქვიან. ჩემზე ბევრით ახალგაზდა ხარ, მაგრამ გული როგორღაც შემომივარდა და მინდა გაიმბო ყველაფერი. და უამბო თავის თავგადასავალი დაწყობილი სეფე-წულის გამგზავრებიდან კაცია-ბატონისკენ და თავის ჰაბუკთან შეხვედრამდის... ჰაბუკი გულმოდგინედ უსმენდა და ცდილობდა მღელვარება დაემალა. ნამეტნავად როცა ირემამ უამბო „ჩაბარუხის“ ამბავი. ირემას რომ ცოტა დაკვირვების უნარი გამოეჩინა, უექველად შეჰნიშნავდა, რომ ჰაბუკი აწითლდა, მერე დაცინვის ღიმად გაეპო ტუჩები, როცა თავის თავზე სთქვა: „თმა კალხზე ამიდგა და გამოვიქცეო“ და...

— ლომა ლომობს, მაგრამ ალებთან კი ირმად იქცევა ხოლმე?!. წამოიძახა თავის და უნებურად ჰაბუკმა

ამ წამოძახილმაც კი ვერ გამოარკვია ირემა. ის გულმოდგინედ უამბობდა და ასე დააბოლოვა: „ეხლა შენი ჯერია. უნდა შენც მიამბო შენი თავგადასავალი“...

ჰაბუკი ჩაფიქრდა. სახე მოექუშა... მწარედ ამოიხვნეშა და წარმოსთქვა:

— რა გაიმბო, ჩემო ირემავე?!.

— ირემას ნულარ მეძახი, ლომა დამიძახე!..

— კარგი... რა უნდა გიამბო, ჩემო ლომავ, როცა ჩემ ცხოვრებაში ისეთი არა ყოფილა რა, რაც მაგრე მდიდარი ყოფილიყოს, როგორც შენი... მე არც მეფის კარზე ვყოფილვარ, და არც ბატონისა?.. ერთი ობოლი... ობლობაში აღზდილი... კარგი არა მინახავს რა... მხოლოდ ერთი ის იყო კარგი, რომ თავისუფალი ვიყავი.

— როგორ?..

— ვინც მე ამიყვანა შეგირდათ ხელოსანი არის. ხელოსანი კი...

— ჰო, ხელოსანი თავისუფალია მეფის კარზედაც კი!.. წამოიძახა ირემამ, მაგრამ რაში ადგებათ ეგ თავისუფლება, როცა უნდა მეფეს გადაეცემათ თავის სამეფოდან, თუ ისე არ მოიქცა ხელოსანი, როგორც იმას უნდა?!

— ისაც კარგია, ჩემო ლომავ, რომ ძალად ვერას წაართმევს და ვერც არას გააკეთებინებს, როგორც ყმებს...

— ეგ კი მართალია!...

— ჰო და ამით ვიყავი ბედნიერი!.. იმიტაც ვიყავი ბედნიერი, რომ ჩემი მამობილი ძალიან ლმობიერად შექცეოდა... მე კი ის თითქმის ცალიერზედ დავსვი და, აი, ჩემი თავგადასავალი სხვა არაფერი...

— როგორ?..

— სულ უბრალოდ... ჩემ ცხოვრებაში ალი ჩაერია... ქალის სახით მომევილინა... შემეყვარდა... როცა ვსთქვი: ეხლა კი ჩემია მეთქი, სწორედ მაშინ წამივიდა ხელიდგან და მიმემალა...

— მერე შენი მამობილი რა შუაშია?!

— იმის ქონება სულ იმას გავატანე...

— უგულოვ, მართლა უგულო ჰყოფილხარ!.. ალებთან საქმის დაქერა, მერე ლმობიერ მამობილის ქონების ასე გათავაზება, სწორედ უგულოს შეუძლიან!..

— მე აკი ამისთვის გამოვცილდი მამობილს და ტყეში დავეხეტები, ჯერ ერთი ვიპოვო ის ალი, და შემდეგ მამობილს დავუბრუნო თავისი ასკეცად...

ირემამ გაკვირვებით თვალები მიაპყრო ჭაბუკს და ასე გაშტერებით შეჰსცქეროდა...

ჭაბუკმა შეასწრო თვალი იმის გაკვირვებას და შეეკითხა:

— რატომ ვგრე გაკვირვებით შემომცქერი?!

— როგორ გაკვირვებით არ შემოგხედო, როდესაც ალის ძებნას შესდგომიხარ! ალს როგორ იპოვი?!

— ამ ტყემ მასწავლა, როგორც ვიპოვი და, უფრო უკეთესი, როგორც დავიმორჩილებ... მაგრამ ამას თავი დავანებოთ და ერთი ეს მითხარი: სეფე-წული ჭკვიანია?!

— აბა, რა გითხრა?!. გაკვირვებით დაეკითხა ირემა და ცოტა სიჩუმის შემდეგ დაიწყო: სეფეწული გიბრძანებს, შენ უნდა შეასრულო ბრძანება. ჭკვიანურია ეს ბრძანება, თუ არა, ამის გამხილველი არავინ არის... მგონი ჭკვიანი არ უნდა იყოს, რომ კაცისთან წავიდა და ისე ფარულად იმისი ქალი მოიყვანა-როცა შეეძლო დაებარებინა, და მაშინვე კაცია თავის ქალით იმის წინ გაჩნდე, ბოლა...

— კაცის ქალი გზაში როგორ ექცეოდა?!

— აკი გითხარ, ყურადღებას სრულებით არ აქცევდა. ესაც თავის ბრალია, რადგანაც იცრუა და უთხრა მეფის კარის მხლებელი ვარო და მეც ამიკრძალა სეფეწული დამეძახა... არც კაცია და არც იმისმა ქალმა არ იცოდა, თუ ის სეფეწული იყო... როცა მე გამოვიქციე, მაშინაც არ იცოდნენ...

ქაბუკს მწარედ მოეკუმშა გული, და კვნესა დაუწყო... „განა იმისი მთვარისადმი ვედრება, რომ“... გაიფიქრა, მაგრამ სასწრაფოდ შექმუხნილი შუბლი მაგრა ხელის გასმა-გამოსმით შეისწორა და შესწყვიტა ფიქრი...

— ღონიერია სეფეწული?..

— ღონისა რა გითხრა?!. არსად გამომიცდია და კაი ცხენოსნობა რომ იცის, ეს კი უტყუარია. ამაში ბადალი არა ჰყავს...

— როგორ?..

— როგორ და ისე ის რო ცხენს გააქნებს, იმის გვერდით მიყოლას ვერა-ვინ შესძლებს ხოლმე. .

— იქნება ეგ იმის ცხენის ბრალია?!. უთუოდ ის ყველაზე უკეთეს ცხენზე ჯდება.

— ეგაც მართალია. აი, რაც მართალია, მართალია!.. ის ყოველთვის საუკეთესო ცხენზედ ჯდება. იმის ცხენები რაშებსა ჰგვანან. რატომ აქნობამდის არ მომივიდა თავში, რომ იმ ცხენზედ მეც ისე თავისუფლად ვიჯდებოდი, როგორც ის... უგულობასთან ერთად, ჩემო უგულოვ, ჭკვიანიც ჰყოფილხარ... ღმერთმანი, ძალიან მომწონხარ და მოდი, დავძმობილდეთ!..

— ნუ ივიწყებ, ჩემო ღომავ, შენ ალებს გაურბიხარ და მე კი ვეძებ...

ირემა ცოტათი შეფიქრიანდა. მერე კი გულიანად გადიხარხარა...

— შენთან ერთად ალებიც ვერას დამაკლებენ... ხარხარივც დაუმატა და შემდეგ დამშვიდებულმა განაგრძო.

— არა, ჩემო ძმობილო, რაც უნდა სთქვა, ეხლა ბედმა ჩვენ ერთმანეთს შეგვყარა და ველარა გაგვაშორებს...

— ჩემთვის უკეთესი. ამ ტყეში უგზო-უკვალოდ დავეხეტები. შენ კი, გეტყობა, კარგად იცი გზა და კვალი, როგორც მონადირემ...



ირემა სიხარულით ფეხზე წამოდგა, ამოიღო დანა, რომლითაც დათვი გაატყავა, და მაშინვე მარცხენა მაჯაში წვერი იტაკა, მერე ჭაბუკის მარცხენა ხელი აიღო, იმასაც დანის წვერი უტაკა. როდესაც ორივეს სისხლის წვეთები გამოუჩნდათ, ირემამ თავისი მარცხენა ხელი ჭაბუკის ხელს დაადო ისე კი, რომ ორივეს სისხლის წვეთი ერთმანეთს შეუერთდა. ორივემ მძლავრად მარჯვენა ხელი მარცხენა მაჯას მოუჭირეს და მარცხენეები ერთი-ერთმანეთს მიაწებეს. ცოტა ხნის შემდეგ გააშორეს ხელები და ერთი-ერთმანეთი გადაჰკოცნეს...

სისხლი რაკი შეურის, თითქოს ერთი მშობლისანი იყვნენო. ეს უკვე ძმობის აღთქმა იყო, და კოცნა კი უბრალო ძმური აღერსი...

— ძმაო უგულოვ, ეხლა ჩვენ...

— ირემაგ...

— ძმაო, აკი გთხოვე ლომა დამიძახე მეთქი!..

— აქ ხომ ჩვენ მარტონი ვართ და ყურს არავინ გვიგდებს! . მაშ რად უნდა შევიცვალოთ სახელები. შენ ირემა გქვიან და მე კიდევ მახარე...

— მახარე?! . ოჰ, რა სამართლიანად დაურქმევიათ ეგ სახელი?! .

— არა მგონია, ჯერ ჩემგან გახარებული არავინ მინახავს...

— თუ არ გინახავს, აი, ეხლა შენ თვალ-წინ სდგას. შენი შეხვედრა ჩემთვის სიხარულია. შენამდის კი დაკარგული მეგონა ჩემი თავი...

— დიდი გასახარი არ არის ჩემთან შეხვედრა, რადგანაც ამ ტყეში უგზო-უკვალოდ, როგორც გითხარ, დავხეტები. თუ ამ ტყიდგან გასვლის იმედს ჩემზედ ამყარებ, სიმართლის გამოძეღვენება სჯობია, იმედი ნუ გაქვს...

— ჩემო მახარე, — მოელვარე თვალეებით შესძახა ირემამ, მაგას რას მეუბნები?! . კარგად ვხედავ, რომ ამ ტყისა არა იცი რა, თორემ უიარალო როგორ შემოხვიდოდი. აი, სწორედ ამისთვის მინდა ამ ტყიდან გაგიყვანო უვნებლად თავის დროზე და მეც არა მევნოს რა. ჯერ კი აქ, ამ პანტის ძირას ქოხი გავიკეთოთ, ბინა დავიდოთ და შემდეგ ღვინობისთვის გასულს ქვევით მწყემსებს მივეკედლოთ ბარში.

* პანტის ქვეშ მართლაც ჩქარა კარგი შესაფერი ქოხი გაიკეთეს და შეუშფოთებლივ სცხოვრობდნენ... მახარემ თავისთვისაც გაიკეთა შვილდ-ისრი და ორივემ ჩქარა ნადირობა დაიწყეს...

აღმოსავლეთით ველები და ბოკერები ხშირი ჰქონდა ამ ტყეს. ამისთვის იყო, რო მწყემსები აქა-იქა იყვნენ გაბნეულნი თავიანთ ბინებით. ირემა კი ჯერ-ჯერო-



ბით უფროთხოდა ბინებს და ცდილობდა სულ დასავლეთით ევლო, სადაც ტყე უფრო ხშირი იყო. ბინაც აკი იქ დაიდო, სადაც ეგულებოდა, მწყემსები არ მოვიდოდნენ. რაკი საქონლისა და მწყემსების ფეხი აქ არ ჰხვდებოდა, ნადიროც უფრო ჰხვდებოდათ... უმიზეზოთ არ ჰკლავდნენ ნადირს. თუ კი პანტაზე ჩამოკიდებული ეგულებოდათ რომელიმე ნადირის ხორცი, სტკებოდნენ ტყეში ხეტიალით და შეფეთებულ ირემს სიამოვნებით შეჰსკვებოდნენ. მერე ამინდიც ხელს უწყობდა. მშვენიერი თბილი მზე, რომელიც კი არ სწვავდა, სხეულს უღიტინებდა, იმის სხივები შიგ შედიოდნენ და სამოქმედოდ იწვევდნენ. აკი ესენიც მუდამ მოძრაობაში იყვნენ. ერთხელ ბინას ძალიან დაჰშორდნენ. ისე გაიტაცა მოძრაობის სურვილმა ორივე, რომ ვერც კი გაიგეს რა შორს წავიდნენ. როცა შიმშილი თავისი სიტყვა სთქვა, მაშინვე გამოტრიალდნენ. ბინისკენ წასვლა დააპირეს, რადგანაც ბინაზე მშვენიერი ირმის ხორცი ჰქონდათ. სწორედ ამ დროს თვალი მოჰკრეს მშვენიერად დამკვრახებულ კრიკინას*)...

— კრიკინით ცოტა კუჭი მოვიმაგროთ, თორემ ძალიან მოგვშივა, სანამ ბინამდის მივალთ!— წამოიძახა მახარემ და კრიკინისკენ გაეშურა.

— ძალიან კარგი იქმნება!.. უპასუხა ირემამ და ისაც იქითვე გაეშურა.

ჩქარა ორივემ ხარბათ დაუწყო ჭამა. როცა ოდნავ კუჭი მოიმაგრეს, ბასიც კი გააბა ირემამ...

— ახ, რა კარგია ეხლა სოფელში!.. გაცხარებული რთველია.

მეფე და ერი, ქალი და კაცი, დიდი და პატარა ყველა მოძრაობს, სიხარულით მუშაობს და....

... ახლა მეფე— დედოფალს რა ყოფა ექნებათ?!

— აკი ამბობდი, მეფეს ცოლი აღარა ჰყავსო!..

— ეხლა მეფედ უთუოდ ნადირა იქნება. დიდი მეფე სულ იმას ეხვეწებოდა, ჩქარა იქორწინეო, რო მეფობა გადმოგილოცო და დავისვენოო... რასაკვირველია დიდი მეფეც იღებს მონაწილეობას, მაგრამ ნადირამ მართლა ის აღებიანი შეირთო. ძალიან მხიარულებაში იქმნებიან...

მახარეს ხმა აღარ ამოუღია. წარმოედგინა ეთერი დღისით, ამ მზის ნახსივებში გახვეული, და ტანში ჟრუანტელმა დაურბინა, მერე ტვინში შეუთამაშა და შუბლი შეუნესტიანდა... წამს გაშტერებული იდგა და აღარა ეყურებოდა რა, თუმცა ირემას ლაპარაკი არ შეუწყვეტია.

— წავიდეთ, ძმობილო, ეხლა კი დროა!.. კარგა სიჩუმის შემდეგ წამოიძახა და ბინისკენ გაემართა.

*) ზოგ ადგილას ტყის ვენახს „ბაბილოსაც“ ეძახიან.

ირემაც იმის ფეხს აჰყვა. მიდიოდნენ ორივენი გაჩუმებულები და თის ფიქრს არ არღვევდნენ.

მახარე ჯერაც ვერ გამორკვეულიყო, თუ რისთვის დაეხეტება ასე ნადიროვით. წამს თვალწინ წარბოუდგა იმედის გაცრუება, რამაც ტყეში გამოაგდო, მაგრამ ხომ იცოდა, რომ ეთერი სხვას ეტრფოდა და ენეტარებოდა. რამდენჯერ გაუგონია იმის მუდარა მთვარისადმი, როდესაც ის თავის გულს უგზავნიდა სეფეწულს... ხომ ეს კარგად იცოდა?... „მაშ... ფიქრობდა მახარე... რითაც მინდოდა დამეტყვევებინა, ვერ გამიმართლდა... მართალია, ეთერი ერთ ღამეს ჩემი მეგონა, მაგრამ, როგორცა ჰჩანს, მხოლოდ თვალთმაქცობა იყო იმის მხრივ... იმას დატყუება სდომებია, რომ თავის საწადლისთვის მიედწია. და აკი კიდევაც დამტყუენა...

„რითი მოაჯადოვა ეთერი სეფეწულმა?! ხომ არცკი ენახა?!. სახელმა... ირემა ამბობს: „ცხენოსნობა კარგი იცისო, ნადირობაო“... ნუ თუ, მარტო ამან?!. ქალის გული გამოუცნობია!.. თუ მართლა ნადირობა და ცხენოსნობა მომგებია, უეჭველათ ამ ზამთარს მეჯოგეებთან*) დავრჩები და შევისწავლი ცხენოსნობას... მაგრამ...

— ეი, ძმობილო, საითღა მისდინარ, ვერ ჰხედავ ჩვენ ბინას?!. უეცრივ მხარზე ხელი წაავლო ირემამ და შეაყენა მახარე, რომელიც გართული ფიქრებით განაგრძობდა წინსვლას...

მახარემ მიიხედ-მოიხედა, ირემას დააშტერდა და წამოიძახა:

— ირემავე, უეჭველად ძალის მოპოვება უნდა, რომ უფლებაც ხელში გქონდეს. უამისოდ ვერას გაჰხედები...

— რეებს ჰბოდავ, ძმობილო?!. გაკვირვებით შეეკითხა ირემა.

— მართლა და რეებს ვბოდავ?!. სიცილით წამოიძახა მახარემ, როდესაც გონს მოვიდა და დაუმატა:

— უთუოდ სიმშილმა გამაბრუა და ბოღვა დამაწყებინა...

— ეხლავე კუჭს მოვიმაგრებთ...

(დასასრული იქნება შემდეგ ნომერში)

*) მეჯოგეებს განსაკუთრებით ცხენების მწყემსებს ეძახიან არაგვის ხეობაში.

ფსიქოლოგია

ლადო ახოვაძე

სოფლად

პიესა 2 მოქმედებად

ახლა წასუდიდან

მოქმედნი პირნი

ზურაბ გობეჩიძე—ახალგაზდა ყმაწვილი კაცი, სოფლად მომუშავე ინტელიგენტი.

თედო თავაძე—ზურაბის მეგობარი

ვარდო ნუკრაძე—მასწავლებელი

ლენტორ ჯაფარიძე—შეძლებული მემამულე

გიგო საყვარელიძე—სტუდენტი

(გლენკაცობა, ქალები და სოფლის ბიჭები. აგრეთვე საზაფხულოდ სოფლად ჩამოსული მოსწავლე ახალგაზრდობა)

მოქმედება პირველი

(სცენა წარმადგენს ზემო იმერეთის ერთ-ერთს სოფელს. სცენის სიღრმეში—მთის ფერდობი, რომლის დასწრედაც მდინარე ჩამოდის. გამოდის—ტრიალი მინდორი, რომელსაც საზღვრავს ჰატარა დეჟე ზედ მოშენებული ჰატარა წისკვილით. ჰირდაზირ მუხნარი, რომლის ტოტებს შორის ნათლად მისჩანს სოფლის ეკლესიის გუმბათი. დეჟის ჰირად სოფელს ბიჭებს გაუჩადებიან ხმელი წნეღისაგან ცეცხლი, რომლის ალიც კარგა მადლა სწვდება და რომელსაც ბიჭები გარს ეგლებიან და ერთმანეთს აქეზებენ გადასხტომად. ეკლესიის მახლობლად, მუხრანში, რომდენიმე გლეხს მოუკალათნია და ჩიბუხს ეწევა. სცენის ორთავე მხრიდან ჭგუფ-ჭგუფად შემოდის გლეხები სიმღერით, დაირისა და „გარმოშკა“-ს დაკვრით. შემოდის აგრეთვე დენტარი, შემდეგ ვარდო, რომელსაც თან ახლავს სოფლად ჩემოსული მასწავლე ახლგაზღობა. ელიობის დამის თევაა, სკერთო მხიარულება).

I

პირველი გლეხი აბა, ყმაწვილებო, რაკი დავგროვდით, ბარემ დროს ნუ ვკარგავთ. ფერხული გავაჩალოთ და ჩვენებურად მოვიღობინოთ...

მეორე გლეხი (ღიმილით) აბა, ერთი ეგ შენი ბუზიკა ააწრიბინე, ჩემო ეფროსინე!

გლეხ. ძალი მეხი კი დავაყარე შენცა და შენს საწრიბინებელს... ენას კბილები დააჭირე და ისე შელაპარაკე...

მეორე გლეხი ჰო, კარგია ახლა, შე მამა-ცხონებულო! წერეთლიანთ სახლიდან ხომ არ ბრძანდები, რომ ხუმრობა ვერ შემოგებდო... სხვა რომ არა იყოს რა, ჩვენი მეზობელი ხარ. (ისევ ღიმილით) აბა, ეფროსინე ჩემო, აახმაურე ეგ შენი საწრიბინებელი!.. ბიჭო, ივანიკა, ჩქარა გაახურე დაირა.

(ამ ღამისაკის დროს ღამაში წრე კეთდება. ერთგან დაჭკივლებენ კიდევაც. სიმღერის დროს დაიკვებენ დაირა და „გარმოშკა“. წრიდან გამოხტება ყმაწვილი მოლეკურე, კიდევ ჩამოუგდის წრეს. სკერთო მხიარულების დროს დენტარი მიუახლოვდება ვარდოს, რომელიც მარტო ზის ხის ძირას, წრეზე კარგა მოშრებით)

დენტარი რას უნდა მივაწერო, ვარდო, შენი ასე განმარტოებით ყოფნა?

ვარდო არასფერს... ისე რაღაც შეუძლოდ ვგრძნობ თავს, არ მინდოდა მოსვლა, მაგრამ სულმა წამძლია: ამაღამ მგონი ზურაბიც გვეწვევა და, ხომ იცი...

ლენტორ (შემკრთავი) ზურაბი გვეწვევა?!..

ვარდო დიას! რა იყო, ლენტორ, ასე რატომ შეკრთი ზურაბის ხსენებაზე?

ლენტორ არაფერი, ისე... (ზაჟს) ვარდო, ძალიან გაინტერესებს ზურაბის ნახვა და მისი სიტყვის მოსმენა?

ვარდო რატომ შეკითხები?

ლენტორ ამას შემდეგ გეტყვი... ჯერ კი ჩემს კითხვაზე მიპასუხე.

ვარდო უცნაური კითხვაა, მაგრამ, რაკი გსურს, ბატონი ბრძანდები, გიპასუხებ. ზურაბ ერთი იმ რჩეულთაგანია, რომლის შესახებაც ორი აზრის ქონა ყოველად შეუძლებელია. ის განხორციელებული მოქმედებაა... მისი სიტყვა ყოველთვის საქმეს შეეფერება და საქმე—სიტყვას. ზურა მთელის თავის არსებით იმ ახალს ქართველის ტიპს ეკუთვნის, რომელიც თუ გაზაფხულს ვერ მოიყვანს, მის განთიადმე მაინც შემოსძახებს გულში ნადებს ზრახვებს... ასეთი ადამიანი ყველასათვის საინტერესოა.

ლენტორ ყოჩაღ, ვარდო! რაღაც უხილავ ძალას შენთვის მაღალ ფარდოვან სიტყვების თავისუფლად ხმარებაც უსწავლებია!.. რას უნდა მივაწეროთ ასეთი ცვლილება? იქნებ ზურაბის ზედგავლენას?

ვარდო (წყნით) თუნდაც ასე იყოს, რა არის მერე აქ სამარცხვინო! რაც კარგია ყოველთვის მიმზიდველია... მაისის ვარდი ყოველთვის სანატრელია...

ლენტორ ვარდს ეკალიც თან ახლავს... ფრთხილად, ვინძლო არ გაიკაწრო!

ვარდო ვითომდა რა მერე? ზურაბ და ძმანი მისნი თავიანთ გულის ნადებს ხშირად სიცოცხლესაც კი სწირავენ... მე კი შენის აზრით უბრალო გაკაწრისაც უნდა მეშინოდეს?!

ლენტორ „სადაც არა სჯობს—გაცლა სჯობს კარგისა მამაციასგან“, ხომ გაგიგონია უკვდავ რუსთაველის ბრძნული სიტყვები... შენ ქალი ხარ და შენი დანიშნულება, მოკლედ მოგიქრი, —ოჯახია... ზურაბ თუ იბრძვის სათანადოთ კბილებიც აქვს გააღმასებული; შენ კი სუსტი არსება ხარ, საკმარისია ცხოვრების სინამდვილემ ერთხელ შეგახოს თავისი მსახვრალი ხელი, რომ სამუდამოდ გაგიტყდეს გული და მეტ ბარგად იქცე...

- ვარდო** სკდები ღენტორ! კატა სუსტია, მაგრამ თავისი ბასრი ბრკელებით ხშირად თავზარს სცემს.
- ღენტორ** (გაწყევტინებს) მხოლოდ თავგთა ხროვას, ვარდო!.. ვეფხვი რომ გეთქვა, კიდევ მესმის...
- ვარდო** მაგალითი ყოფილა: პატარა კოლოს ნადირთა მეფე ლომიც კი დაუმარცხებია... მე კი ადამიანი ვარ, კკუა მაქვს და გონება...
- ღენტორ** უხეირო მაგალითია. კოლო მზაკვრულად შეუძვრა ლომს ძილის დროს ცხვირში და ისე დაიმორჩილა იგი. ადამიანს არ შეშვენის კოლო-ბუზობა... მაგრამ თავი დავანებოთ ამას. მე მინდა ისევ ჩემს კითხვას დაუბრუნდე. შენი პასუხი მოვისმინე, ეხლა ჩემი ჯერია და შენს კითხვაზე უნდა გიპასუხო. (ქალს თვალეში ჩააცქერდება. პაუზა. დასტურის კილოთი) შენ გიყვარს ზურა!..
- ვარდო** (წამოხტება, გაწითდება, აიჩუვს) ეგ რა სთქვი, ღენტორ!? იქნებ სმენამ მილაღატა... გაიმეორე...
- ღენტორ** (ასევე ასე მტკიცედ) შენ გიყვარს ზურა!
- ვარდო** მე, მე მიყვარს ზურა?.. მაშ კარგი, რახან ასეა, შემძლია დავაკმაყოფილო შენი ცნობის მოყვარეობა: შენ მართალი ხარ, მე მიყვარს ზურა მთელის ჩემის არსებით, მიყვარს ისე, როგორც კი შეიძლება მოწაფეს უყვარდეს გულკეთილი მასწავლებელი... ბევრი რამ, რაც ბუნდოვანი და გაურკვეველი იყო წინად, ეხლა, ზურას მოსვლის შემდეგ, ნათელი და გარკვეული შეიქნა ჩემთვის...
- ღენტორ** კმარა... გმადლობ გულახდილ პასუხისათვის. (ხაღვლიანად) ეხ, ვარდო! ვარდო! რომ იცოდე რა გლოვის ზარად მესობა გულში შენი სიტყვები...
- ვარდო** (შემკრთავი) რატომ?
- ღენტორ** რატომ?.. ერთი რამ კიდევ უნდა გკითხო: ნუ თუ არას დროს არ ჩაუფიქრებინარ... როგორ გითხრა... აი, თუნდაც ჩვენს განწყობილებას?
- ვარდო** რა განწყობილებას, ღენტორ!? მე ყოველთვის პატივს გცემდი, როგორც ჩვენი სოფლის ღირსეულს ადამიანს, თუმცა შენს შეხედულებას ცხოვრებაზე არას დროს არ ვიზიარებდი სავსებით. განსაკუთრებით მას შემდეგ, რაც...
- ღენტორ** (შწაყვ) რაც ზურაბი გაჩნდა ჩვენს სოფელში, არა?
- ვარდო** დიას!

ლენტორ ნუ თუ პატივისცემის გრძნობის გარდა, სხვა რამ გრძნობას, სხვა რამ აზრს, უნებლიედ მაინც, არ გაუვლია შენს გულში? არც ერთხელ არ შეგიწუხებია შენი თავი უბრალო კითხვით: რა სწადიან შენგან ლენტორს, რატომ გდევს ლანდივით მარად?..

ვარდო (ერთბაშად მიმხვდა) ლენტორ, გთხოვთ დაჩუმდეთ...

ლენტორ რატომ? განა სულ ერთი არ არის შენთვის დღეს მოისმენ ჩემგან აღსარებას, თუ ხვალ?.. ოდესმე ხომ უნდა გითხრა... გასკდა გული, აღამიანო, მეტი აღარ შემიძლიან...

II

თედო (ღიღინით მადის ზიზღაზი ვარდო და ლენტორისაკენ. შორიდანვე ქუდს მოხდის და მღაბლად თავს უკრავს ორივეს) „ლენტორ, ფეოდალ მაღალო, ამ სოფლის მეფეთ-მეფეო, ბოგანო ასოთ ამწყობმა სალამი დაგიყეფეო“!.. გამარჯობა, ხალხო, თქვენი!

ლენტორ ყეფა და ღრენა რომ შენი ხელობაა—არ ახალია, ძველია. საქმიანი რამ რომ გეთქვა, კიდევ შესმის.

თედო (მზიარულად) მე და საქმე მტრები ვართ, ლენტორ!

ვარდო აღამიანო, ძალად რად იმცირებ თავს?

თედო „ვინც დამდაბლდეს – ის ამაღლდეს“—ამბობს მგონი სამღვთო წერილი, რომელიდაც მოციქულის პირით... დღეს ისეთს მზიარულს გუნებაზე ვარ; რომ არაფერი ჭკვიანური არ არსებობს ეხლა ჩემთვის...

ლენტორ ასეთი გუნება მხოლოდ უსაქმობის ნაყოფია!

თედო (ნიშნის მოგებით) შენ ხომ საქმე გაქვს აჩენილი... ჰო, მართლა, ბოდიშს ვიხდი, მგონი ხელი შეგიშალე ჩემის აქ მოსვლით.

ვარდო (შკანდად) რას ამბობ, თედო?!

თედო არაფერს ისეთს, რომ აღელვებად ღირდეს... ლენტორს ჰკითხე და ის მოგახსენებს პასუხს.

ლენტორ როგორ გავიგო შენი სიტყვები? აშკარად სთქვი რისიც თქმა გინდა. სიტყვას ბანზე ნუ აგდებ...

თედო სიტყვას თუ ბანზე ვაგდებ შენ კიდევ კიბე მიადგი და ჩამოიტანე... რაკი ანდაზა გაგონილი გაქვს, პასუხიც გეცოდინება, აღბად.

ლენტორ როდემდის უნდა ილაყბო ასე?

თედო ვიდრე მზე აღმოსავლეთით ამოდის და დასავლეთით ჩადის... საქონისი და ქვეიანური ლაპარაკი ტფილისში მომძულდა, ძმავ! სოფელში დასასვენებლად ჩამოვედი...

ვარდო (სიცილით) და შენი დაცხენის საგნად ჩვენა გხვდი, არა?

თედო სულაც არა! მე და ლენტორი ერთმანეთს დიამეტრალურად ვეწინააღმდეგებით და სწორედ ეს არის მიზეზი ჩვენის კინკლაობის. მაგალითად, რაც მე მიყვარს და სიამოვნების ნერწყვისა მგერის—ლენტორს სძულს და ცუდს გუნებაზე აყენებს... ქვეყანა ჭრელია, ვის რა მოსწონს... ხომ გაგიგონია: კაცია და გუნებაო.

ვარდო მაინც რაში გამოიხატება შენი და ლენტორის სხვა და სხვაობა?

თედო ყველაფერში და... არაფერში.

ვარდო (იციანის) არ მესმის...

თედო ჩვენ ორივენი ამ სოფლის მკვიდრნი ვართ. ლენტორი შეძლებული შემამულეა, მის სახლში, რომ იტყვიან, ღვთის თვალი ტრიალებს და დიდიდამ პატარამდე ყველა კმაყოფილია თავის ბედით—გარეგნულად მაინც... ჩემს გაპარტახებულს სახლში კი ყველას თავ პირი ჩამოსტირის, იქ სიხარული აღკრძალული ხილია... აუტანელი შრომა და ამ შრომის გვირგვინი—ნახევრად გამძლარი კუჭი, აი, ის ძვირფასი სამკაული, რომლითაც ყოველ დღე ვირთვებით. ლენტორის ჯიბეში მუდმივ ჩხრიალებს ბაჯალლა ოქრო, ანუ, როგორც ხუმრობით უწოდებენ, ქანქარი—ეს უძლიერესი იარაღი ჩვენის კეთილ დღეობის; ჩემსაში კი თვეში ერთხელ თუ აჩხრიალდება და ისიც თვალის მოსატყუებლად მხოლოდ. ჯერ არ მახსოვს, რომ თვიდამ თვემდე აღებულს ჯამაგირს ჩემს ჯიბეში ღამე გაეთენებინოს. ერთს რამეში კი უეჭველად ვგევართ ერთმანეთს: ორივე სიკვდილის შეილები ვართ... მაგრამ, დახე ბედის მუხანათობას, სიკვდილის შემდეგაც კი არ მოიშლება ჩვენი სხვა და სხვაობა. როგორც წესია, რასაკვირველია, ლენტორს საფლავზე ძვირფასს მარმარილოს ძეგლს აუგებენ, ხოლო მე უხეიროდ გათლილს უბრალო ხის ჯვარს წამომისკუპებენ. ამინ და კირიალეისონ!..

ლენტორ მეტად ბლაგვად და უხეიროდ ოხუნჯობ!

თედო ჩემს ოხუნჯობაში საფასურს არავინ გახდევინებს. თუ არ მოგწონს ყურს რად მიგდებ. „Не люби, не слушай!“ ხომ გაიგონია რუსეთში განსწავლულს რუსული ანდაზა.

ლენტორ შენი ფილოსოფია მეტად მდარე ღირსებისაა, ჩემო თედო. შენ მხოლოდ შური გალაპარაკებს ასე ღვარძლიანად ჩემს წინააღმდეგ და სხვა

•რაფერი. კარგათ გიცნობთ ყველას ვინცა ხართ და რაცა ხართ. „ენა-ტარტალა, საქმე--არტალა“. აი თქვენი დანიშნულება. რაც არსებობს—არ მოგწონთ, გინდათ ძირ-ბუღიანად აშოაგდოთ ეს ქვეყანა, ხოლო სანაცვლოდ ცალიერს ფრაზებს გვაწვდით მხოლოდ...

თედო.

თუნდაც ასე იყოს, რა მერე?.. „დასაწყისში იყო სიტყვა და სიტყვა იგი იყო საქმე“—მგონი ასე, თუ დაახლოვებით ასე, დაღაღებს რომელიღაც მოციქული. დიახ, ჩვენ სიტყვის მსახურნი ვართ, ვინაიდან ღრმად გვრწამს, რომ ჩვენგან გატყორცნილი სიტყვა არ დარჩება ხმად მღალაღებლისა უდაბნოსა შინა... შენ ვერც კი მიხვდები რა ბედნიერებას განვიცდი მე, როდესაც სტამბაში სხარტულად დაწერილს წერილს ვაწყობ გაზეთისათვის. უსულო ლითონისაგან ჩამოსხმულს ერთმანეთში უაზროდ არეულს ასოებს თავს ვუყური და ცოცხალს სიტყვას ვქმნი. სიტყვათ გროვისაგან წინადადებას, ხოლო ამ უკანასკნელთაგან ხორც შესხმულს აზრს, რომელიც ხვალ ასში ერთს მაინც ჩასწვდება გულში და სამოქმედოთ ამოძრავებს... ის ერთი შემდეგ ასსა და ათასს მიმდევარს წარმოშობს, ხოლო ეს კი უკვე ისეთი ძალაა, რომლის წინაშედაც ჩვენისთანა კაცუნები უნებურად ქედს მოიხრიან. მე სრულიად კმაყოფილი ვარ მით, რომ ბედმა ასოთ-ამწყობობა მარგუნა წილად და, ასე თუ ისე, მონაწილედ გამხადა იმ დიად ტაძრის აგებაში, რომელსაც შრომის საფუძველზე დამკვიდრებული მომავალი თავისუფალი ცხოვრება ჰქვია... ჩემს მდგომარეობას მე არ გავცვლი არას დროს შენს მეშხანურს, კმაყოფილებით სავსე ცხოვრებაზე... მაგრამ ჩვენ არც საქმეს გაურბივართ: ზურაბ გობეჩიძე—აი, ჩვენი საქმიანობის ერთი ნიმუშთაგანი...

ვარლო.

ვაშა, ვაშა, თედო! სრულს ქეშმარიტებას ამბობ! იწვნიე თუ არა, ღენტორ?!

ლენტორ.

ყოველს ნაცარქექიას თავისი თავი დევთ ჰყავს წარმოდგენილი. შენც ასე გემართება, თედო. პრტყელ-პარტყელ სიტყვებს ისერი და გგონია შენის პირით თვით შეუმცდარი რომის პაპი დაღაღებდეს. მაგრამ მარტო ფრაზებით ფონს ვერ გახვალ, მეტად ღრმაა და შეიძლება დაიხრჩო კიდევ. ვიდრე პეტრე მოვიდოდა პავლეს ტყავი გააძვრესო, —თქვენც ასე გემართებათ: ვიდრე თქვენი სიტყვა ხალხს ჩასწვდება და სამოქმედოთ ამოძრავებს, მანამ თვით ჩვენი ხალხი, უკვე გადაგვარების გზაზე შემდგარი, შეიძლება გადაშენდეს კიდევ... საქირაო საქმე, ცოცხალი საქმე...

თედო (გააწყვეტინებს) და ამ ცოცხალ საქმის ცხოვრებაში გამტარებლად შენ და შენისთანები, მაშინ აშენდება საქართველო, არა?! მე კარგათ ვიცი თქვენი საქმიანობის ნამდვილი ფასი და ღირებულება! დილიდან საღამომდე ცხონებულ ლუარსაბივით ერთი გვერდიდან მეორეზე გადაგორება და პირადი ბედნიერების ძიება—აი, თქვენი საქმე და საქმიანობა. ხუთი წელიწადია, რაც რუსეთიდან დაბრუნდი, მაგრამ ამ ხნის განმავლობაში შენს სოფელში შენ იმდენიც არ გაგიკეთებია, რამდენიც ზურამ ერთის თვის განმავლობაში გააკეთა. შენ ვერც კი ამჩნევ თუ როგორ ჩამოქვეითდი და ყელამდე ჩაეფლე იმ მყრალ მორევში, რომელსაც ყოველ დღიური ვიწრო ინტერესებით ცხოვრება ჰქვია. შენი და შენისთანების იდეალი დღეს მხოლოდ ერთს რამეში გამოიხატება—პირად სურვილებს დაკმაყოფილებაში. ამ სურვილებს თქვენ მზად ხართ წარბშეუხრელად შესწიროთ მსხვერპლად ყოველივე ის, რითაც ოდესღაც სამართლიანად მოგქონდათ თავი და ამაყოფილთ კიდევ...

ლენბო (სიშინლად ადგევებული) შენ სცრუობ, თედო! ეს ყოველად შეუწყნარებელი ცილის წამებაა... შენ უკვე პირად ნიადაგზე გადაგაქვს კამათი, ეს კი იმის მომასწავებელია, რომ საფანელი შემოგაკლდა...

თედო ბოდიშს ვიხდი! უკანასკნელი სიტყვები პირადათ შენს შესახებ არ უნდა მეთქვა, თუმცა ჩემი აზრის ცხადსაყოფად, როგორც შესაძლებელ ფაქტზე, შემეძლო მიმეთითებინა. ერთს რამეს კი მაინც გეტყვი: ჯერ პირადი ბედნიერება, მერე საზოგადოებისადმი სამსახური—აი თქვენი ლოზუნგი!..

ლენბო (გესღიანად) თქვენი კი?

თედო ჩვენი?.. შეაბრუნე ეგ დებულება და ჩვენს ლოზუნგსაც მიიღებ!..

III


(შორიდან ზურა გამოჩნდება, რომელსაც სოფლის ბიჭები ჟავილ-ხივლით ხვდებიან. გლეხობაც სიამოვნებით აძლეუს საღამოს).

ვარდო აჰა, მგონი ზურაბიც მოდის! („წინე მრავიდა-გაუმარჯოს“ ისმის ხალხში. ამ ანა ჩვეულებრივის შეხვედრით ზურა შესამჩნევად ადგდება და ცოტათი შეკრთება).

ზურაბ (ხალხს) გამარჯობა! გამარჯობა თქვენი! (დაინახავს ვარდოს და დანარჩენთ) აა, თქვენც აქა ხართ! საღამო ბატონებო!

- ვარდო** სალამი ბატონო ზურაბ!
- თედო** სალამი კი არა ზურნა არ ნებავს! სად დაიკარგე ამოდენა ხანი? ცოტას გასწყდა მე და ლენტორი კინალამ შევებით ერთმანეთს...
- ზურაბ** (ღიმილით) დარწმუნებული ვარ თქვენი ბრძოლის საგანი ისევ ძველი თემა იქნებოდა—რა უფრო ადრე გაჩნდა: ქათამი თუ კვერციხი.
- ვარდო** არა, დღეს ძველს ჩვეულებას უღალატეს და საზოგადო საქმეზე ჰკამათობდნენ.
- თედო** მოგეცა ლხენა, სულ ბღღვირი ავადინე ჩვენს ლენტორს...
- ლენტორ** ზოგი რამ შენს თავსაც ჰკითხე!
- ვარდო** რაზედ ილაპარაკებთ ამდამ, ზურაბ?
- ზურაბ** ჩემი საუბრის თემა ჩვეულებრივად უცვლელია—თავისუფლება და ტერიტორიის დაცვა. ამ რყევისა და ნგრევის ხანაში ისე არაფერი მაინტერესებს, როგორც ეს საკითხი.
- პირ. გლუხი** (მიუახლოვდება ზურაბს) აი, ზურაბ, შენთვის საგანგებოდ ეს ადგილი ამოვიჩიეთ. ამ მაღლობიდან უფრო მარჯვედ შეიძლება ლაპარაკს და ხალხსაც გაუადვილდება შენი მოსმენა!
- ზურაბ** კარგი, ძალიან კარგი ადგილი ავიჩიეთ. აბა, ჩემო პავლე, გადასახე ხალხს თავი მოიყარონ. დროა დავიწყოთ...
- პირ. გლუხი** (ხმა მადლა) მოდი, აქეთ მოდი, ხალხო!.. (ხალხი თან და თან გროვდება და ირგვლივ ეხვევა მადლობზე შემდგარ ზურაბს).
- ზურაბ** (კმაყოფილებით გარდახედავს მოზღვაგებულს ხალხს და ნელს, მკაფიო ხმით იწყებს ღაზაღაზს). 116 წლის წინად ჩვენ ვიყავით თავისუფალი ხალხი, გვექონდა საკუთარი სახელმწიფო და ჩვენი ქვეყნის სრულ უფლებიან გამგე-პატრონად ჩვენვე ვითვლებოდით. მეთვრამეტე საუკუნის მიწურულში მეტად გაჭირდა ჩვენი ქვეყნის საქმე: აღმოსავლეთ საქართველოს აოხრებდნენ სპარსნი და ლეკნი, ხოლო დასავლეთს—ოსმალები. ამას კიდევ ზედ ერთოდა ჩვენსავე მმართველ წრეებში გამეფებული პირად ინტერესებზე აგებული ქიშპი და უთანხმოება. ასეთს პირობებში მყოფს ქართველობას ან ხელი უნდა აეღო დამოუკიდებლად არსებობაზე და სპარსეთ—ოსმალეთის მონა-მოხარკეთ გამხდარიყო და ან ხელი უნდა გაეწვდინა ერთმორწმუნე რუსეთისათვის, რომელიც ამ დროს უდიდეს სახელმწიფოდ ითვლებოდა ევროპაში და ყველაზედ უფრო ახლო მოსახლდრე იყო ჩვენი. საამისოდ ნიადაგი უკვე შემზა-

დებული იყო, რადგან ჯერ კიდევ შორეულს წარსულში არსებობდა საქართველოსა და რუსეთს შორის ერთგვარი პოლიტიკური ხასიათის მიწერ-მოწერა და ოფიციალი დამოკიდებულება. რუსეთს ჩვენ შევეკარით განსაზღვრულის ტრაქტატით, ანუ პირობით, რომლის ძალითაც ჩვენ იქვე სუვერენულ ე. ი. დამოუკიდებელ სახელმწიფოდ ვრჩებოდით, მხოლოდ ზოგიერთს საკითხებში, როგორც არის, მაგალითად ომისა და ზავის საკითხი, რესეთთან შეთანხმებით უნდა გვემოქმედნა. თავის მხრივ რუსეთიც, სხვა მრავალ სიკეთის გარდა, პირობას გვიდებდა, რომ დაგვიცავდა ჩვენ და ჩვენს სახელმწიფოებრივ საზღვრებს გარეშე მტრისაგან, რისთვისაც ჰკისრულობდა მუდმივად ჰყოლოდა ჩვენში საკმაო სამხედრო ძალა... როგორც ხედავთ, პირობა ჩინებულად იყო დაწერილი, საჭირო იყო მხოლოდ მისი პირობითად შესრულება, განაღდება... მაგრამ მოვსტყუვდით—ერთმორწმუნე რუსეთი ბევრად უფრო ვერაგი, უპირო და უღმობელი აღმოჩნდა, ვიდრე ის მტრები, რომელნიც ათასი წლობით გარს გვეხვივნენ ჩვენ და მოსვენებას არ გვაძლევდნენ. ამ ხელშეკრულებით რუსეთმა ჩინებულად ისარგებლა: ჩვენის შემწეობით მან თითქმის უსისხლოდ გაიკათა გზა აზიისაკენ, რომლის შესახებაც ის ოცნებობდა ორი საუკუნის განმავლობაში... ამ ამბით თავზარ დაცემული მაჰმადიანობა ჩვენზე იღვსავდა კბილებს, რადგან ჩვენ ციყავით მიხეზი რუსეთის მოწვევისა და მათ მახლობლად მათი დაუძინებელი მტერის—რუსეთის—დამკვიდრებისა. ოღონდ უარჰყავით რუსეთთან კავშირი—გვეუბნებოდნენ ჩვენ სპარსნი და ოსმალნი—და პირობას გაძლევთ აზიერიდან ხელს ავიღებთ ყოველგვარს შუღლზე თქვენდამი, პირიქით, დაგიბრუნებთ წართმეულს მიწა-წყალს და ზარალს ერთი-ათად გინაზღაურებთო... მაგრამ რაინდობას შეჩვეულ ქართველობისათვის არც ისე ადვილი იყო ღალატის ჩადენა და ერთხელ მიცემულ სიტყვის გატეხა. და, აკი, ამ რაინდულს გრძნობას მსხვერპლად შეეწირა ჩვენი დამოუკიდებლობაც!.. ალა-მაჰმად-ხანისა და ოსმალთ ურდოებისაგან აოხრებული საქართველო იმ დაქრილს არწივს ჰგავდა, რომელსაც ფრთის გაქნევაც კი არ შეეძლო, რომ გათამამებულ ყვავ-ყორანთა გუნდი მოეგერებინა როგორმე. და ასეთს მდგომარეობაში მყოფს საქართველოს არ იკითხავთ, ძმებო, თუ რა ქირისუფლებას უწევდა მის მცველად ახლად მოვლენილი მოკავშირე რუსეთი? არავეითარს საშუალებას არ ვრიდებოდა, რომ ჩვენსა და მეზობელ სახელმწიფოს შორის შუღლი



ჩამოვდო, რასაც ხშირად ომიც კი მოჰყვებოდა ხოლმე და როგორც კი ჩავვითრევედი ჩვენი ნებისა და სურვილის წინააღმდეგ ატეხილს ომში, თვითონ მზაკვრულად განზე ვაგვიდგებოდა და ზორიდან აუშფოთველად უყურებდა საშინელს სურათს საქართველოს აოხრებისას... და როდესაც დარწმუნდა, რომ საქართველო საკმაოდ იყო აოხრებული, ყოველად უდიერად ერთის კალმის გაკვრით მოსპო ჩვენი სახელმწიფოებრივი დამოუკიდებლობა და რუსეთის უბრალო გუბერნიათ გვაქცია!.. თავისუფლების ნაცვლად მონობა გვარგუნა წილად, დავიწყა საქვეყნოდ დადებული აღთქმა და ფიცი და 116 წლის განმავლობაში მხოლოდ ძალმომრეობაზე აგებულს პოლიტიკას აწარმოებდა ჩვენში... დაუსრულებელ ომებისაგან ილაჯ გაწყვეტილი ქართველობა თანდათან ჰკარგავდა თავის ეროვნულს სახეს, ეროვნულს თვით შეგნებას და, ვინ იცის, სანამდის მივიდოდა საქმე, რომ ეს უმაგალითო ომი არ ატეხილიყო... ვისაც ცოტათ მინც შესწევს წინად განქვრეტის გრძნობა, მისთვის ცხადია, რომ თანამედროვე ომი არ ამოიწურება მხოლოდ და მარტო ერთა შეიარაღებულ შეტაკებით. პირიქით, როგორც წარსულ ომებს, ამ ომსაც მოჰყვება თან ღრმა სოციალ-პოლიტიკური ცვლილება, რომელიც შეიძლება დაგვირგვინდეს რევოლიუციით და თანამედროვე საზოგადოებრივ წესწყობილების დანგრევით... რუსეთი ჩამორჩენილი ქვეყანაა, ამხანაგებო, და რევოლიუცია იქ უფრო მოსალოდნელია, ვიდრე სხვა დაწინაურებულ ქვეყნებში. ამიტომაც ჩვენ გვმართებს ფხიზლად ვიყოთ, ბეჯითად ვადევნოთ თვალყური რუსეთის დღევანდელს პოლიტიკურს მდგომარეობას და ანგარიში გაუწიოთ ჩვენს მდგომარეობაში მყოფ მცირე ერთა საზოგადოებრივ აზრს. დღეს პოლონეთი თითქმის განთავისუფლდა რუსეთის მონობისაგან, ფინლიანდია საქვეყნოდ აცხადებს თავის დამოუკიდებლობას, ყოველივე ეს არაფრად ექაშნიკება კაცი-ქამია რუსეთს, მაგრამ ჩვენ ამ გარემოებამ არ უნდა შეგვაშინოს. პირიქით, ეროვნული თავისუფლების გაქედვაში პოლონეთს ჩვენ მხარი უნდა დიუქიროთ და ხმა მიღლა, საქვეყნოდ მოვსთხოვოთ რუსეთს 116 წლის წინად გაცემულ თამასუქის განაღდება და ჩვენი უფლების აღდგენა... ხალხო, ხომ გაიგეთ რასაც გეუბნებით?..

**ხალხი
ზურაბ**

გავიგეთ, გავიგეთ, შენი კრიმე!..

ჰო—და, თუ გაიგეთ მაშ ისიც უნდა იცოდეთ, რომ ჩვენ ისეთს არასფერს მოვითხოვთ, რაც ეწინააღმდეგება ქეშმარიტებას, სამართლიან-

ნობას. ბევრს ჩემი აზრები სისულელედ მოეჩვენება, რადგან ცერკოვს რმოუდგენიათ ურუსეთოდ ჩვენი არსებობა, ბევრნი შავრაზმელობასაც გვიკიჟინებენ, მაგრამ, ამხანაგებო, ყური არ ათხოვოთ ასეთს უსაფუძვლო ბრალდებას. და, აი რატომ: ჩვენ სოციალისტები ვართ და ვამბობთ: სოციალიზმი მხოლოდ მაშინ შეიძლება განხორციელდეს და გატარდეს ცხოვრებაში, როდესაც მოისპობა დიდი ერის მიერ მცირე ერთა ეროვნული ჩაგვრა. ეროვნულად თავისუფალ ხალხს უფრო ადვილად შეუძლიან აწარმოვოს ბრძოლა სოციალიზმის დამკვიდრებისათვის, ვიდრე იმ ერს, რომელიც მონობას განიცდის, რადგან ამ უკანასკნელის ენერგია უნებურად იხარჯება ეროვნულ ბრძოლის საწარმოებლად. და ვინც გულწრფელად ეტრფის სოციალიზმს, მას არ შეუძლიან მხარი არ დაუჭიროს ერთა განთავისუფლების პრინციპს. ჩვენ, ქართველები, ამ გზას უნდა დავადგეთ... თუ ჩვენ გვსურს სხვა განათლებულ ერთა შორის ცოცხალ ერად ვიხსენებოდეთ, თუ ჩვენ გვწაიან შეექნათ საკუთარი კულტურული ღირებულებანი, თუ ჩვენ მართლაც გვინდა ძმობა-ერთობის, სოციალიზმის დამყარება, მაშინ, ცხადია, ჯერ უნდა განვთავისუფლდეთ რუსეთის მონობისაგან და შემდეგ შეუდგეთ იმ დიად ტაძრის აგებას, რომელსაც სოციალიზმი ჰქვიათ... გაიგეთ თუ არა, ხალხო, რასაც გეუბნებით?

ხალხი გაიგეთ, გაიგეთ შენი ჭირიმე!..

ჯურაბ ჰო, და, თუ გაიგეთ მაშ ისიც უნდა იცოდეთ, რომ არც ერთს ერს უსისხლოდ არ მოუპოვებია თავისუფლება. ეს სისხლი არც ჩვენ აგვცდება, მაგრამ ამან არ უნდა შეგვაშინოს... თუ რუსეთის იმპერიალიზმისათვის ჩვენ ასი ათასზე მეტი მსხვერპლი გავიღეთ, ნუ თუ საკუთარ თავისუფლებისათვის ვერ შევძლებთ მსხვერპლის გაღებას!? ხალხო! რას იტყვით ამის შესახებ?..

ხალხი კი შენი ჭირიმე, თუ საქირო იქნება ყველა ვიბრძოლებთ და მხარში ამოგიდგებით!..

ჯურაბ თქვენი პასუხი, ხალხო, ერთხელ კიდევ ამართლებს სახელოვან მგონის სიტყვებს: „არ მომკვდარა, მხოლოდ სძინავს და ისევე გაიღვიძებს“-ო. აი, ამ გაღვიძების, გამოფხიზლების ჟამი დადგა უკვე და მიუხედავად იმისა, რომ არ ვიცით, თუ რას გვიმზადებს იგი, ჩვენ მაინც ვსთქვათ: „გაუმარჯოს ჩვენს ეროვნულს თავისუფლებას, გაუმარჯოს თავისუფალ ერთა მეგობრულს კავშირს, გაუმარჯოს საქართველოს!..“

- ხალხი** გაუმარჯოს საქართველოს! საქართველოს გაუმარჯოს!.. (საერთო ხან-
გრძლივი ტაშის ტემა. საერთო აფეთქებებსა. მთელი ამ მინოლოგის დროს
ვარდო მობრებით სდგას, მაგრამ ზურაბის სიტყვები არა ჩვეულებრივად აღელ-
ვებენ მას და ეს მღელვარება სახეზე ნათლად აღებულება. ეს კარმეობა არ
გამოუპნარება დენტრას, რომელიც ვარდოს სახის მოძრაობას თვალს ადევნებს.
ზურაბი სტოვეებს მომადლებულს ადგილს და ავანსცენისაკენ მიდის. ვარდო წინ
შემოეგება და გზას გადაუჭრის. ხალხი თან და თან იშლება და სცენა ცა-
ლიერდება).
- ვარდო** უღრმესად გმადლობთ, ზურაბ, არა ჩვეულებრივ წუთების განცდისა-
თვის. დღეს თქვენ შეუდარებელი იყავით.
- ზურაბ** მადლობა მე... არ ვიცი რისთვის?
- ვარდო** იმისთვის, რომ თქვენ თქვენის ცეცხლეულის სიტყვით შეგიძლიათ ჩა-
სწვდეთ ადამიანს გულის სიღრმეში და ცხოველ მყოფელ სხივად ეუ-
ფლოთ მას... ეს რჩეულთ ხვედრია და მიხარია, რომ ერთი ამ რჩეულ-
თაგანი თქვენა ხართ...
- ზურაბ** (მიუახლოვდება ვარდოს და თვალეში ჩაატყვდება, ვარდოს აფეთქებებს უნე-
ბურად ზურაბსაც გადაეცემა). როგორ გიკრთის, ვარდო, თვალეები! რა
მძლავრი ცეცხლი სჩანს მათს გამომეტყველებაში...
- ვარდო** ეს ცეცხლი თქვენ დაანთეთ, ზურაბ... თქვენ გაჰკარით ტალკვესი ჩემს
მიძინებულს გრძნობას და მეტყველ სიმაღ აქციეთ იგი...
- ზურაბ** თქვენ აქარბებთ, ვარდო, ჩემი სიტყვის მნიშვნელობას! ოხ, რა ბედ-
ნიერად ჩავსთვლიდი თავს, რომ ჩემს მსმენელთაგან ასში ერთს მინაც
გაულვიძებდე რწმენას ჩემ მიერ გამოთქმულ აზრებისადმი... თქვენ სა-
სურველი გამონაკლისი ხართ მხოლოდ...
- ვარდო** მე ვამბობ იმას, რასაც განვიცდი... სხვებთან მე საქმე არა მაქვს...
მე ვიცი, რომ ჩემი ნების ყოფა თქვენის ზედგავლენით ამოძრავდა.
მადლობის ნიშნად მიიღეთ ჩემგან ეს მცირე ნობათი. (ქისას გაუწვდის)
ჩემის ხელით ამოვქარგე ზედ ორი სურათი.
- ზურაბ** (გზახრებულ და თან გაკვირვებულ) არ ვიცი რას უნდა მივაწერო ასთი
ყურადღება... ვარდო, თქვენ არა ჩვეულებრივი ადამიანი ხართ. (ქისას
დაკვირდება) რა საუცხოვოდ არის მოქარგული წმინდა გიორგის სუ-
რათი...
- ვარდო** ეს ხომ ჩვენი, ქართველების, სიმბოლოა. მინდა ასე გამარჯვებული
თქვენც ჰყოფილიყო ცხოვრებაში.

- ზურაბ** (ქისს შუაბრუნებს) ქალის სახე... თმა გაშლილი, დაღონებული, სევდით საესე სახე... რას ნიშნავს, ვარდო, ეს?
- ვარდო** სევდის სამოსელში გახვეულს ჩვენს ქვეყანას, როგორც ამას თქვენ ერთს ლექსში ამბობთ...
- ზურაბ** ვარდო, თქვენ თითქოს გინდათ გამაკვირვოთ თქვენის სულის მშვენიერებით... რა უცხო რამა ხართ, ვარდო... მე არ ვარ ჩვეული ბედნიერ წუთების განცდას, ეხლა კი უმაღლეს ბედნიერებას განვიცდი... (წინ წაიწვეს და თხევ სელებს დაუტყოს) უღრმესად გმადლობთ, ვარდო! (ვარდოს სელები აუთრთოვდება. ზურაბი ინსტიკტიურად მიხვდება ნამდვილს მიზნის ქალის აღფრთოვანებას და ერთბაშად გაუშვებს ხელს. სახეზე გაკვირვების ნიშანი აღებულება, რომელსაც მსწრაფად შესცვლის მწარე დიმილი. თავისთვის). მე და სიყვარული? არა, ეს შეუძლებელია!.. (გადახედვს ვარდოს, რომელიც ისევ სდგას ხელებ გაშვებული, თითქოს მოკვლის მისგან სასურველს წასუნსაო. საბოლოოდ დარწმუნებული თავის დასკვნაში დაიხევა უკან) ნუ თუ?.. (ისევ მიუხედავად ქალს და მტკიცედ) მშვიდობით, ვარდო!.. (ხელა შებრუნდება და გავა).
- ლენტორ** (თოქს ამ სცენას თვალს ადევნებს სცენის სიდრმიდან. ზურაბის გასვლისთანავე წამოვა და ვარდოს წინ დადგება) ვარდო! ვარდო! გონს მოდი რა გემართება!..
- ვარდო** (ჯერ კადევ გონს ვერ მოსული) ზურაბ! ზურაბ!..
- ლენტორ** დამშვიდდი, ვარდო, ზურაბი წავიდა უკვე!
- ვარდო** (ისევ ისე) მშვიდობით, ვარდო!.. მშვიდობით და არა ნახვამდის... რა საშინელი რამ არის სიცოცხლე... ბედნიერება გწყუროდეს და...
- ლენტორ** ვერ მისწვდე, არა ვარდო!?! შეიძლება ბედნიერების აჩრდილი მარად თან სდევდეს ადამიანს და ვერ შენიშნოს...
- ვარდო** (გონს მოსული) აა, ეს შენა ხარ, ლენტორ!
- ლენტორ** მე ვარ, ჩემო ყველავე, შენი აჩრდილი...
- ვარდო** (ტრემლ-ხარვე დიმილით) რომელიც შეიძლება მარად თან გდევდეს, მაგრამ კი ვერ შენიშნო... (ხელს გაუწვდის ლენტორს) რომ იცოდე რა საშინელს ტანჯვას განვიცდი ეხლა. . აქ (გულზე უზვენებს) თითქოს მომწყდა რაღაცა...
- ლენტორ** დამშვიდდი, ვარდო!.. აკი შენ თვითონ ამბობდი. „ცხოვრება ბრძოლა“-ო და პირველმა მარცხმა არ უნდა შეგაშინოს...

- ვარლო** (თან და თან ტირილი აუფარდება და ღენტორს გულზე მიეყრდნობა) ღენტორ! მე... მე... მი... (სიტყვებს ვერ ახლავებს).
- ღენტორ** შენ გიყვარს და შენ არ უყვარხარ, არა? არა, ვარლო, გეფიცები ღმერთს, რომ შენზედაც არიან შეყვარებულნი... მხოლოდ შენსავით სასოწარკვეთილებას არ ეძლევიან... იმედს არ ჰკარგავენ!
- ვარლო** იმედს ღენტორ?
- ღენტორ** დიახ, იმედს, ვარლო!.. (კულისებში ისმის შიშვალ გვესების სიმღერა. ფარ- და ნელა ეშვება).

ფ ა რ დ ა

მოქმედება მეორე

(იგივე სცენა. აგვისტოს უკანასკნელი რიცხვებია. ჩამავალი მზის სხივები ჭერ კიდეკ ეა- ლერსება მთის მწვერვალებს. ერთგან მუხის ძირას დაკეპულია ზატარა ხალიჩა, რამქლსაც კარს უსხედან ვარლო, ღენტორ, თედო, გიგო და რამოდენიმე მოსწავლე ახადგაზდობა. ფარდის ახდის დროს გიგო გიტარაზე უკრავს და მღერის. შექეიფიანებულა. დანარჩენნი ღვინოსა და ხილეულობას შეექცევიან. სცენის სიღრმეში ბურთაობას. მობურთავენი ხან გა- მჩნებებიან, ხან მიეფარებიან კულისებში. ხშირად ისმის ბურთაობის დროს ჩვეულებრივი ეიფიან და სტეენა).

გიგო (გაათავებს სიმღერას) თქვენი არ ვიცი, ყმაწვილებო, და მე კი, ყო- ველთვის როდესაც აგვისტოს უკანასკნელი რიცხვები დგება და ჩემი რუსეთისაკენ გამგზავრების დრო ახლოვდება, გული რალაც არა ჩვეუ- ლებრივად მეთანაღრება. ვერ ვფრიგდები (ხელს გაიმჯერს) ამ მომჯა- დობებელ ბუნების მიტოვებას... მაინც რა კეკლუცი, რა ლამაზი რამ არის ჩვენი ქვეყანა...

თედო „სხვა საქართველო სად არის, რომელი კუთხე ქვეყნისა, ერი პურა- დი, გულადი“ არა?! ეხ, გულადობისა და პურადობის რა მოგახსენო: დღეს რომ ცოცხალი იყოს ჩვენი მგოსანი ამას, ალბად, არც იტყო- და, რადგან პური ჩვენი არსებისა კარგა ხანია, რაც გამოგველია, ხო- ლო რაც შეეხება ჩვენს გულადობას, მოგვეცა ლხენა სხვის სასარგებ-

ლოდ ჩვენ მისი გამოჩენა ვიცოდეთ! ერთს რამეში კი მართალი ხარ, გიგო! მეტად მიმზიდველი, ლამაზია ჩვენი ქვეყანა და სწორედ ეს უნდა იყოს იმის მიზეზი, რომ ამ ბოლო ხანებში ასე მომარაველდნენ ჩვენი პატარძლის ხელის მძივებელნი...

პარღო (მოუთმენლად) თედო, თედო! ნება მომეცი დავამთავრო შენი სიტყვა. მე მინდა დავასკვნა შენი აზრი.

თედო რალა ნებართვა გინდა, აიღე და დაამთავრო.

პარღო ყმაწვილებო! მე მინდა გითხრათ, რომ ამ ყამად ჩვენი პატარძლის გულის მოგება არც ისე ადვილია, როგორც ეს ზოგიერთებს ჰგონიათ. წარსულში გულუბრყვილოს, შემცდარსა და მოტყუებულს დღეს გონების თვალი სულ სხვანაირად უჭრის და ფხიზელი ქკუა ბეჯითად ხელმძღვანელობს მის სურვილებსა და ნების ყოფას... ხანგრძლივს მონობას ჯერაც ვერ ჩაუკლავს მის გულში ტრფობის ალი თავისუფლებისადმი: ის მოუთმენლად ელის მხოლოდ იმ სანატრელს წამს, როდესაც ველად გაქრილი გმირი ტარიელი კვლავ მონახავს მას და გამოიხსნის ქაჯთა ტყვეობიდან... რა საუცხოვო, ზღაპრული სანახავი იქნება მაშინ იგი... ნეტავი მას, ვინც თავისუფლების გვირგვინით შემკულს იხილავს ჩვენს პატარძალს... ყმაწვილებო! გაუმარჯოს ჩვენს პატარძალს და მისთვის ხელს, მისთვის ველად გაქრილს ტარიელს...

ჟველანი გაუმარჯოს ნესტანს, გაუმარჯოს ტარიელს! შენც გაგიმარჯოს ჩვენო ვარდო!

ლენტო (აქამდე გაუჩქებუდა) ლამაზად შეწყობილი ზღაპარია, მაგრამ სინამდვილესთან კი არავითარი კავშირი არა აქვს. ასეთი იდილიურ სამოსელში გახვეული აზრი მხოლოდ მცონარე ქართველს ინტელიგენტს თუ დაებადება!.. რით ვერ გაიგეთ, რომ ძველი ზღაპრული ტარიელი სასტიკად დამარცხდა და დიდი ხანია, რაც ფარ-ხმალი დაჰყარა...

თედო ბარემ ისიც დაუმატე, რომ არარაობად იქცა... რა ექნა, ლენტო, არ მინდა გაწყენინო, მაგრამ შენ ისე ღვარძლიანად ლაპარაკობ ამ დიდ საკითხის შესახებ, რომ არ შემძლიან პასუხი არ გაგცე... ადამიანი სრულიად მოწყვეტილი უნდა იყოს თანამედროვე ცხოვრებას, არ უნდა იცნობდეს საკუთარი ერის მაჯის ცემას, რომ შენსავით ზერელეთ ბჭობდეს და ჰკამათობდეს. ორში ერთი: ან ძალად იბრძავებ თვალებს და არ გინდა დაინახო რაც სინამდვილეში ხდება და ან გეშინიან ამ სინამდვილის, შენ შენს ურწმუნობაში იქამდის მიღიხარ,

რომ არაფრით არ განირჩევი იმ ქართველ გადაგვარებულ ინტელიგენტისაგან, რომელსაც მცნება ქართველი და საქართველო იმდენად აინტერესებს, რამდენადაც მე შარშანდელი თოვლის მოსვლა.

ლენტორ სრულიადაც არა... მე ჩემი შეხედულება მაქვს ქართველ ერის ცხოვრებაზე და კარგა ხანია საკუთარი აზრი შევიმუშავე მის შესახებ... მე მხოლოდ არ მრწამს თქვენი იდეალის განხორციელება, თქვენი საქმიანობა და იქვის თვალით ვუყურებ ყოველივე იმას, რასაც თქვენ მზადა ხართ თავი შესწიროთ... ჩემი რა ბრალია, რომ ისტორიის გაკვეთილები თქვენთვის არ არსებობენ...

თედო მაგალითად.

ლენტორ შორს წასვლა არ დამჭირდება, ახლო წარსულზე მივითითებ: მოიგონეთ 1906 წელი. მიუხედავად იმისა, რომ სასტიკად დამარცხდით, ქკუა მაინც ვერ ისწავლეთ და ვერც ეხლა, ამ საშინელ ქარტახილის დროს ისწავლით მგონი...

თედო ყოჩაღ, ლენტორ! საბუთიც ასეთი უნდა! მაგრამ თუ შენი ნაქები დაკვირვება ამაზე უფრო შორს ვერ მიდის—ვერ მოგილოცავ! დამარცხდით ჩვენ კი არა, დამარცხდა ტაქტიკა მხოლოდ... მაგრამ ნუ დაგავიწყდება, რომ 1906 წელი—ბრძოლის ერთი ეპიზოდია მხოლოდ. მოძრაობის მაცოცხლებელი მთავარი აზრი, იდეა—ისევ ხელშეუხებელი, ცოცხალი დარჩა და იცოცხლებს უკუნისამდე. შენი სულთათნა ნაადრევია... შენ კარზე მომდგარს ახალ ცხოვრების განთიადსაც ვერ ამჩნევ, მაშინ როდესაც სხვები ამ განთიადზე საზეიმო ფერხულს აწყობენ უკვე და მზის ამოსვლას მოელიან მხოლოდ... ჩვენ გვწამს განახლება და განვახლებით კიდევ...

ჰველანი ვაშა! ვაშა! შენი სადღეგრძელო იყოს, თედო!

ზიგო რა უცნაური ხალხი ვართ ქართველები. საქმარისია ორმა ქართველმა ერთათ მოიყაროს თავი, რომ პარტიაზე და მიმართულებაზე დაიწყონ ლაპარაკი... თითქოს პარტიის გარდა სხვა არაფერი იყოს ამ ქვეყნად! წადით, დაიკარგეთ იქით! ჯანდაბას თქვენი თავი და თქვენი პარტიებიც!..

ჰარდო რა იყო, გიგო, რას შემოგვწყყერი?

ზიგო იმას ჩემო გაზაფხულის ყვავილო, რომ მაგითი ლაყობის გამო თავი ამტკივდა... დღევანდელი ჩვენი შეყრილობას მიზანი მხიარულად დროს გატარება იყო, მგონი, და არა განყენებულ საგნებზე საუბარი. რუ-

სეთშიაც მეყოფა მაგაზე თავის მტერევა, ეხლა კი სიმღერას დასრულებს რულება ყმაწვილებო! Къ дьяволу всё ваши споры! გაუმარჯოს ყოვლად მოწყალე ბახუს და მის ერთგულს მხევალს გიგოს!..

ჰველანი იცოცხლე, იცოცხლე გიგო!

გიგო ღენტორ! თედოს სიტყვებს ყურადღებას ნუ მიაქცევ... წელან შენ კი არ გედავებოდა—პატარა რეპეტიციას აკეთებდა. აი, ტფილისში ჩავა და იქ დასკირდება... მაგ ლაყბობას ისე ვერ მოიშლის, როგორც მე წითელ ნუნუსს ტრფობას.

თედო (მხიარულად გიგოს) ძალიან გაწუხებენ?

გიგო შემაწუხებენ—გავაფრენ! მე შენ გეტყვი და გული არ დამწყდეს... ერთს რამეში მართალი ხარ, ღენტორ. გადავგვარდით. სად, როდის გინახავს, რომ ქართველი სუფრას მოჯდომოდეს და მრავალ-ყამიერი არ ეთქვას. ჩვენ მრავალ-ყამიერს ცხრა მთას იქით ციმბირშიაც კი მღერიან „მალ-ჟრალი“-ო და ჩვენ კი ღღევანდელი ჩვენი ქეიფი ისე დავამთავრეთ, რომ ერთხელაც არ გვიმღერია... აბა, მაგარი ბანი! (მღერის მრავალ-ყამიერს, სხვებიც ეხმარებიან. ამ დროს კულისებიდან ზურაბიც გამოჩნდება და მათკენ გამოსწევს. მისი მოსვლა საერთო სიხარულს იწვევს).

ზურაბ კამპანიას გაუმარჯოს!

ჰველანი შენც გაგიმარჯოს, ზურაბ!

გიგო აბა, ზურაბ, შემოგვიერთდი! გვიამბე როგორ გაჩნდი?

ზურაბ ბათომისაკენ მივეშურებოდი, მაგრამ როდესაც მატარებელი თქვენს სადგურს მიუახლოვდა მომაგონდით ყველანი და საშინლად მომწყურდა თქვენი ნახვა. როგორც ხედავთ ნატვრა ავისრულე. ხვალ ისევ გავემგზავრები ბათომისაკენ. (ვარდას გადასხვავს, რამეღაც ძალზე ჭკუღავს და სცდილას რაგონზე თავი შეიკავს).

ღენტორ განა ღირდა ერთის დღით ჩამოსვლა! შენ ყველასათვის მეტად სასურველი სტუმარი ხარ და ასე ადვილად ვერ შეგეღლევი. ერთი კვირის განმავლობაში ჩვენი ტყვე უნდა იქნე.

ზურაბ დიდის სიამოვნებით, მაგრამ რა ვქნა, რომ გარემოება ხელს არ მიწყობს. ხვალ უეჭველად უნდა წავიდე... ესეც რომ არ იყოს, თქვენი კრებულიც იშლება მგონი ხვალიდან, რადგან აგვისტო იწურება.

ვარდო (წყნით) და ჩვენთან მარტო აბა რა გავაჩერებთ, არა ზურაბ?

ზურაბ მერწმუნეთ ჩემთვის მეტად სასიამოვნოა თქვენთან ყოფნა, მაგრამ ისეთი საქმე მაქვს დაკისრებული, რომ აუცილებლად მოითხოვს პირადს დასწრებას.

გიგო ხალხნო! რას ეპატიეებით! სურს—დარჩება, არა—წავა! მისი ნებისაა და ერთი კარგათ მოუქეფის საქმეა. მაგრამ დღეს ხომ ჩვენთან არის და ერთი კარგათ მოუქეფის საქმეა. სიტყვა შენ გეკუთვნის ზურაბ!

ზურაბ სიტყვის რა მოგახსენოთ და ახალს ამბავს კი სიამოვნებით გაუწყებთ: წარსულს კვირას ტფილისში დავესწარი სალიტერატურო დილას. სხვათა შორის მოვისმინე ჩვენში კარგად ცნობილ კრიტიკოსის სიტყვა, რომელიც დაახლოებით ასე დააბოლოვა მან: „ამ ეამად ქართველობას ორი საბოლოო მიზანი უნდა ჰქონდეს:—პირველი—ეროვნული თავისუფლება, მეორე—ტერიტორიის დაცვა... დედა შეერთოს ცოლად, ვინც მშობელ მიწის ერთს მტკაველს მაინც გაჰყიდის უცხო ხალხზე“-ო. და, იცით რა მოხდა? მაყურებელი საზოგადოება ფეხზე წამოიჭრა და ლექტორს ნამდვილი ოვაცია გაუძარტა. რასაკვირველია, ლექტორის მიერ წარმოთქმული სიტყვები როდი გამოიწვევდნენ ასეთს მხურვალე ტაშის ცემას, რომ იქ გატარებულს აზრს თვით ხალხში არ ჰქონდეს ნიადაგი შემზადებული... ამ ნიადაგზე მომუშავენი, როგორც სჩანს, მარტონი არა ვყოფილვართ და მის აუცილებლობას საყოველთაოდ განიცდიან უკვე. ეს გარემოება კი მომასწავებელია იმის, რომ აღმოსავლეთით მალე აღმოხდება მზე და ნათელი დღე დაგვიდგება...

გიგო შენს სიტყვას კარგი სიმღერა შეჰფერის (ვარდას წინ დაიჩქებს და ისე გაუწყდის გატარას) ყვავილო აღმოსავლეთისავე! გააპე ეგ შენი ბაგე ლალი და მათგან გადმონადენ ჰანგთა ბგერით დაატყე ჩვენი ყურთა სმენა!

თედო და სხვები გთხოვთ, გთხოვთ ვარდო!

ვარდო კარგი, თანახმა ვარ, მხოლოდ ერთის პირობით: აი, იქ განმარტოებით დავჯდები ხის ძირას და ისე ვიმღერებ.

თედო იყოს ნება შენი, ასულო იფთაისა!..

ვარდო (აიღებს გატარას ჩამოჯდება ხის ძირას და მღერის).

უცხო სევდის სამოსელში მე გავხვიე შენი სახე

მოციმციმე, სხივთა მფენი

და მოვქარგე ზედ ოცნებით ჩვენი ქვეყნის სივალახე,

მწარ ბედისგან მონადღვენი...

წარსულ დროთ სვლა—უამური, აწმყო—სევდით განაწონი,
გარს ჩამქრალი ქვეყნის კერა,

მშობელ ერის მწარე მოთქმა, მწარე კენესა დასალონი,
 წინ—საეკვო ბედის წერა...

ოცნებით ქმნილს შენს სახეზე, როს ექარგავდი ბედშავ ერის
 მწარე ამბავს, მწარე ხანას,
 სული ჩემი სევდით ძრწოდა, სევდით სავსე გიგალობდა
 გულის მომწყვლელს სულთათანას.

პარღო.

(სიმღერის შემდეგ ერთხანად გარბინდებოდა წიხ. უფრადღებებს არ აქცევს შეგობრების ტაშსა და ვაშის ძახილს. შემდეგ ადგება და მიუბრუნდება ზურაბს)—
 ეს ლექსი თქვენ გეკუთვნით ზურაბ! ხშირად ჩაუფიქრებიათ მის შინაარსს, მაგრამ ეხლა, სიმღერის დროს უეცრად გამიელვა თავში ერთმა აზრმა, რომელიც მინდა გაგიზიაროთ ყველას... ქიქა მომაწოდე, გიგო! (გიგო ჭიქის აწვდის) მეგობრებო! მე წარმოდგენილი მაქვს ის ზემოთაგონებით სავსე წუთები, როდესაც ზურაბი ამ ლექსს სთხზავდა... შემოდგომის ბნელი ღამე, ცაზედ არც მთვარე, არც ერთი ვარსკვლავი... მთელს მიდამოს შავი ძაბა ჰხურავს... შემოდგომის ბნელს ღამეში მგონის სულიც უნებლიედ ეხვევა წყვილიდ ღამის წამოსასხამში და მთელი მისი არსება თან და თან იმსკვალება იქეთა ისრებით... დაბეჩავებულ ერის შეიღის მხოლოდ ერთი სატრფო ჰყავს, სატრფო—სამშობლო და მისი აზრიც მხოლოდ ამ საგნის გარშემო ტრიალებს... ის ნათლად ჰხედავს საყვარელ სატრფოს ტანჯულს სახეს, რომელზედაც აღბეჭდილია წარსულისა და დღევანდელ გარდამავალ ხანის დღეთა სვლის მთელი ტრადედია!... ოცნებით ქმნილ სატრფოს სახის ცხად საყოფად მგოსანი ხელს ჰკიდებს კალამს და ხორც სხმულ, ქვეყნად მავალ მიწიერ არსების სახეზე აღბეჭდავს განცდილს სურათს... ეს მიწიერი არსება ქალია, რომელიც შემოდგომის ბნელს ღამეში მგოსნის სულს უეცრად ეუფლა და სატრფო—სამშობლოსთან ერთად განსახიერდა მის სევდით მოცულს ლექსში. მაგრამ სად, რომელ ზღაპრულ მხარეს ჰპოვა მგოსანმა ამ მიწიერ ქალის სახე? თანამედროვე საქართველოში ის ვერ იპოვიდა ასეთს ქალს, რადგან დღეს ქართველი ქალი ყოველად უსახო ქმნილებათა და, მაშასადამე, მგოსნის სევდით განაწონი ფიქრიც ვერ შეჩერდებოდა მათზე. . სჩანს ასეთი ქალი მან მხოლოდ ოცნების სამთავროში ჰპოვა და საკუთარ ფანტაზიის ძალით რეალ ქმნილებად წარმოგვიდგინა იგი. . ჩემის მხრივ გულწრფელად ვუსურვებ თქვენს მუხას, ზურაბ, თვით სინამდვილეში, ჩვენს ყოველ დღიურ

- დღეთა სვლაში ებოვოს ისეთი ქალი, რომელიც ღირსი იქნება... რომ მაზედ აღიბეჭდოს სატრფო—სამშობლოს სევდიანი სახე...
- თედო** ბიჭოს! ვარდოს დამიხედეთ! რა ლამაზი სიტყვა წარმოსთქვა! ღენტორ, რას იტყვი, ვარდოსთანა ქალებს რა ადგილი აქვთ ცხოვრებაში მიჩენილი?
- ღენტორ** შენ ხუმრობ, მაგრამ მე მაინც გიბასუხებ: ოჯახი და საკუთარი კერა!..
- თედო** მე კი, სულთა ცოდვილო, მგონია, რომ მათი ადგილი მხოლოდ ციხეშია. ჩვენს უცნაურობით სავსე მხარეში ასეთი ბოლო ჩვეულებრივი მოვლენაა. იცოცხლე, ვარდო! ოხ, ჰგრძნობს ჩემი წაწყმედილი სული, რომ ჩემთან ერთად მალე მოგიხდება შორეულ ციმბირისაკენ გამგზავრება...
- ღენტორ** საციმბიროთ შენთვის უკვე გაქედილია ბორკილები... ვარდოს იქ რა უნდა?
- თედო** ვარდოს მხურვალე ნერვებისათვის საჭიროა ცივი ჰავა... ბევრი მხურვალე გოგრა გაუყინავს იქაურს ჰავას... რას იტყვი, ღენტორ, ჩემთვის ხომ არ შეგშურდებოდა ციმბირი?
- ღენტორ** რომ შემეძლოს ხვალვე აგაბარებდი აქედან და იქ გადაგასახლებდი. შენი კკუის ხალხსაც თან გამოგაყოლებდი სიამოვნებით...
- თედო** რა კი ასეა, მაშ იცოდე: მათს რიცხვში ვარდოც მოჰყებოდა თან, რადგან ჩვენ ერთის ხილამა ვართ გამოქრილი. (ამ ჯანაჯაის დრას სცენას სიღრმეში გამჩნდებიან მობურთავენი, რომელნიც სიმღერა გუგუნით ეწვიან ბურთს ლელასაკენ. გიგო გაიწევს მათკენ და ხმა მძლავრად დაჰკვიფებს).
- გიგო** „გავარდა ბურთი, გაშა გურული“!—აბა ვის გინდათ ბურთაობა მომყევით! (გადის).
- თედო** რაღა მარტო მიდიხარ, ჩვენც ვიბურთავებთ! (გადის, სხვებიც მიჰყვებიან. სცენასე ჩნებიან ვარდო და ზურაბი. მათი დიალოგის დრას ხან გამოშვებით გამჩნდება ღენტორი, რომელიც შეუმჩნევლად ადევნებს თვალურს შემდგეს სცენას).
- ზურაბ** (მიუახლოვდება ვარდოს. თვალეში შეჰყურებს) ძლივს მარტონი დავრჩით!.. თქვენთან ბევრი რამ მაქვს სალაპარაკო, მაგრამ ჯერ ნება მიბოძეთ თქვენი ლამაზი სიტყვის პასუხად მადლობა მოგახსენოთ... ნუ მიწყენთ, ვარდო, მაგრამ გულწრფელად უნდა აღვიარო, რომ დღემდე ქართველ ქალში მე მხოლოდ ისეთს არსებას ვხედავდი, რომელსაც ვიწრო ოჯახურ ინტერესებისა და შაბლონურ ქველ-მოქმედების გარდა სხვა არაფერი იზიდავს ამ ქვეყნად... მაგრამ დღეს დავრწმუნდი, რომ...

ქართული
საზოგადოებრივი
წიგნობა

- ვარდო** (გააწყვეტინებს) ქართველ ქალშიაც ღვივის საყოველთაო, საზოგადოებრივი ზრახვები და ვიწრო, ეგოისტურ „მე“-ს გარდა სხვა რამეც აინტერესებს, არა?!..
- ზურაბ** დიახ, ვარდო! და ეს ისეთი სასიამოვნო ამბავია ჩემთვის, რომ მეტის სიხარულით მზად ვარ ცას ვეწიო!
- ვარდო** მაგრამ ასეთი ადამიანი ცხოვრების გზაზე რომ შეგხვედროდათ, თქვენ არ გაუწვდით ხელს...
- ზურაბ** (გააწყვეტინებს) ღვთის გულისათვის, ვარდო, ნურას ამბობთ ეხლა ამ საგნის შესახებ... სხვა, უფრო მოხერხებულს დროს გაუზიაროთ ერთმანეთს ჩვენი გულის ნადები...
- ვარდო** ვისი გერიდებათ? ან რატომ გინდათ საშემდეგოთ გადასდოთ ჩვენი საუბარი?.. მე არ ვიცი როდის გნახავთ კიდევ... მიიღეთ თუ არა ჩემი წერილი?
- ზურაბ** მივიღე... გამოგიტყდებით ძალიან ჩამაფიქრა...
- ვარდო** მაგრამ პასუხის ღირსად მაინც არ გამხადეთ... თქვენ, ალბად, გეუცხოვათ, რომ პირველმა მე შემოგბედეთ და გაბედულად გითხარით, თუ რა ხართ თქვენ ჩემთვის... (მწარე ღიმილით) თქმა არ უნდა, გაგიკვირდებოდათ ახლოგაზდა ქალისაგან ასეთი კადნიერება... ვინ იცის, შეიძლება ჟინიან ბავშვის უბრალო ცელქობათ ჩასთვალეთ ჩემი აღსარება და ამიტომაც არ გამეცით პასუხი...
- ზურაბ** თქვენ სცდებით, ვარდო! ჩემს სიცოცხლეში არ მითქვამს ტყუილი, დღეს კი ჩემდა უნებურად, ვიცრუე... მე პირდაპირ თქვენთან მოვეშურებოდი, ჩემი მგზავრობაც აქ უნდა შეწყვეტილიყო.
- ვარდო** (სუფს ძლიფს იღებს) განაგრძეთ... მე ყურს გიგდებთ...
- ზურაბ** მე მივიღე თქვენი წერილი; იგი არც ისე მოულოდნელი იყო ჩემთვის, განსაკუთრებით იმ დღის შემდეგ, როდესაც ქისა მივიღე თქვენგან საჩუქრად... მაშინ ბევრი რამ ამოვიკითხე თქვენს თვალეში... თქვენი წერილი მხოლოდ დადასტურება იყო ჩემში აღძრულ იქვების... ამ იქვებმა ბევრი რამ ახალი წარმოშვეს ჩემში, ბევრს რამეზე დამაფიქრეს უნებურად...
- ვარდო** ღვთის გულისათვის ზურაბ ოღონდ სრული სიმართლე მითხარით, ნურას დამიმალავთ!
- ზურაბ** თქვენა მწერთ: როგორც ქალი უნებურად ვგრძნობ, რომ სრულიად უმნიშვნელო არსება არ უნდა ვიყო თქვენთვის. მართალი ხართ, ვარ-

როგნების თავისუფლებასაც ფრთები აქვს შეკვეცილი. სიყვარულში ერთი მხარე უეჭველად მსხვერპლად უნდა შეეწიროს მეორის ნების ყოფას და სურვილებს. წინააღმდეგ შემთხვევაში ჰარმონია დაირღვევა და ნამდვილი ჯოჯოხეთი დატრიალდება იქ, სადაც თითქოს ბედნიერებას უნდა ჰქონდეს ადგილი... თანამედროვე ოჯახი ქაობია, სადაც პიროვნება უნებლიედ იფლება ყოველ დღიურ წვრილმან ინტერესებში და შეუშინველად ჰკარგავს თავის ნამდვილს სახეს. საბუთი? ასი და ათასი, მიმოიხედეთ ირგვლივ და თქვენ დარწმუნდებით ჩემს სიმართლეში. განა არ გიკვირთ, რომ ახალგაზდა, მოძრავი, მოქმედებას მოწყურებული პიროვნება, როგორც კი შემოდგამს ცხოვრებაში ფეხს, უმეტეს შემთხვევაში მაინც, ერთბაშად ჰქრება ცხოვრების ზედა პირისაგან და მის დღეთა სვლაში ყოველად უმნიშვნელო მაჩანჩალა ხდება? რა ჰქვიათ იმ ვეშაპს, რომელიც ასეთს სასწაულს ახდენს და ასე ჰბორკავს ადამიანის ნებას, შემოქმედებას?—ოჯახი!.. ოჯახია ის ვეშაპი, რომელიც პიროვნებისაგან მძლავრად მოითხოვს თუ მთელი ძალის არა ორი მესამედის დახარჯვას მაინც... მთლიანი პიროვნება ვერ შეურიგდება საკუთარ „მე“-ს დანაწილებას, ორად გაყოფას. ის ან გაჰქრება სრულიად და უბრძოლველად დამორჩილდება ცხოვრებას და ან სათავეში მოექცევა მას... მე არ მინდა ვისიმე მონად გავხდე, არც ის მინდა, რომ მონად გავიხადო ვინმე... მე მწყურიან სხვა გვარი მოქმედება, მწყურიან ხალხში მუშაობა და ეს წყურვილი იმდენად მძლავრია ჩემში, რომ სხვა ყოველივე ვიწრო პირადული არ არსებობს ჩემთვის...

ვარდო

გმაღლობთ ზურაბ! სხვა გვარ პასუხს მე არც მოველოდი თქვენგან... თქვენ მაშაკაცი ხართ და ამიტომაც შესძელით ასე ადვილად საკუთარ გრძნობის წინააღმდეგ გალაშქრება... (ცრემლ მორწყუდი) მაგრამ რა უნდა ვქნა მე? მე არ შემიძლიან ასე ადვილად დაგივიწყოთ...

ზურაბ

თქვენ სცდებით, ვარდო! მე სრულებით არ ვცდილვარ თქვენს დაიწყებას... პირიქით, მე გადავშალე ჩემი ცხოვრების წიგნი და წარუშლელის ასოებით აღვბეჭდე იქ ჩემი სიყვარულის თქვენდამი მოთხოვნა... (შეუახლოვდება ვარდოს და ორივე ხელებს დაუჭერს) როდესაც გამიქირდება ცხოვრებაში მე მივმართავ ამ წიგნს, გადავშლი, სათითაოდ გადავფურცლავ, გადავიკითხავ ყოველივე სტრიქონს და იქ ვიპოვნი იმ ძალას, რომელიც კვლავ შემძლებინებს გარემოების წინააღმდეგ გამკლავებას... ნუ დაეცემით სულით... გამაგრდით... ცხოვრება მარ-

ტო პირად ბედნიერების სურვილით არ განისაზღვრება... დილია...

ვარდო (ყრუდ) არ ვიცი რა მემართება... მუხლთ მეკეცება... ღმერთო ჩემო... ეს ხომ სისუსტის ნიშანია! მე არ მინდა ასე დაუძლურებულ, სუსტ არსებათ მიხილოთ, ზურაბ! წადით, დამტოვეთ მარტო... ცოტა ხნის შემდეგ შეგიძლიათ ისევ მინახულოთ...

ზურაბ თქვენი სურვილი კანონია ჩემთვის... (დიდხანს უყურებს თვალებში, შემდეგ ვარდოს ხელს ხელს მიიტანს ტუჩთან და გრძნობით დაეკნება. ორივეს შრუფლა აიტანს და კარნადებული დგანს. პირველად გონს ზურაბი მფავ და გაეშვებიანება ქაღს). მივდივარ, მაგრამ ჩემი გრძნობა და გონება თქვენთან რჩება, ვარდო!.. რაღაც წინად გრძნობა თითქოს მეუბნება, რომ ჩვენ სამუდამოთ ვშორდებით ერთმანეთს... მაგრამ ეხ, სულ ერთია! გამაგრდით, ვარდო! ეხლა კი მშვიდობით! (მიდის).

ვარდო მშვი... დობით... ზურაბ! (თვალთავან ცრემლები ჩამოსცვივა, რამეღიეც შემდეგ ტირილათ შეეცვლება. ზურაბის განვლისთანავე ენტორი წამოფა წინ ავანსტენისაკენ და ვარდოს ზირდაზირ დადგება. ანრემლებულ ქაღს ხელს გაუწვდის და ხელს მიიკრავს გულთან. ქაღიეც ნებდება და პირველ ხანებში ქვითინებს ენტორის მკერდზე თავდაყრდობილი).

ღენტორ კმარა, ვარდო! დაწყნარდი! გეყოფა ტირილი!

ვარდო შენ, შენ ხარ ღენტორ!? ეხლაც ისე, როგორც მაშან...

ღენტორ მე ვარ, ვარდო, შენი აჩრდილი, შენგან უარყოფილი, მაგრამ მაინც შენი ერთგული თანამგზავრი... კმარა ცრემლები... დაკარგულს ბედნიერებაზე ტირილი რას გარგებს... (ვარდოს ტირილი სიცილათ შეეცვლება, ენტორი ვერ მიხვდება ამ ცვლილების მიზეზს) აი, ასე, გაიღიმე, გაიცინე და მომავალ ცხოვრებასაც ღიმილით შეეგებე...

ვარდო ცრემლ ნარევე ღიმილით არა?! ვაი ასეთს ღიმილს!.. არა, ღენტორ, შენ ვერ გაიგებ ჩემს ეხლანდელს მდგომარეობას...

ღენტორ სცდები! მე ყველაფერი კარგათ მესმის... მე ვიცი, რომ ზურაბსა და შენს შორის ყოველივე გათავდა უკვე... ეხლა ის წარსულს ეკუთვნის და შენი ცრემლები ამ წარსულზე უნაყოფო გლოვა არის მხოლოდ... ნურც ასე გაეტაცებინები წუთიერ უბედურების გრძნობას... წარსულის ნანგრევებზე მომავალი შევქნათ.

ვარდო შენთან ერთად, ღენტორ!..

ღენტორ დიახ, ჩემთან ერთად, ვარდო! ზურაბმა თავის ვიწრო, ეგოისტურ „მე“-ს ანაცვალა შენი წმინდა სიყვარული. მე კი ღიმი ხანია მსხვერპლად

- შევეწირე ამ გრძობას და მთელის ჩემის არსებით მზად ვარ, გეშინოდეს, რომ მხოლოდ შენ... რაც ვერ გაიმეტა ზურაბმა შენთვის გულწრფელად მოგიძღვნი მე და ჩემს შენდამი სიყვარულს შეუძლებელს შევაძლებინებ... ოღონდ მომენდე, ვარდო!..
- ვარდო** მოგენდო შენ... შენთან ერთად ვიყო!..
- ლენტორ** შენთვის გავაჩადებ ნამდვილს ოჯახურს კერას, მოგივლი როგორც თვალის ჩინს და ცხოვრების სიმძიმეს არც კი გაგრძობინებ—მის ზედა პირზე გატარებ მარად...
- ვარდო** (გონს მოსუფი) და ამ ბედნიერებას შენ მომანიჭებ მე?
- ლენტორ** დიახ, ჩემო ვარდო! გავებდავ და გეტყვი თამამად: სიტყვა ჩემი მუდამ შეეფერება საქმეს. მე სინამდვილის შეილი ვარ და გპირდები მხოლოდ იმას, რის შესრულებაც შესაძლოდ მიმაჩნია...
- ვარდო** და სანაცვლოდ ითხოვ ჩემგან...
- ლენტორ** მხოლოდ მეგობრულს გრძობაზე აგებულს კავშირს, ვარდო...
- ვარდო** არა, ლენტორ!.. შენ რომ ანგარიშს უწევდე შენს თავს, მაშინ მიხედებოდი, რომ ჩვენი კავშირი ყოველად შეუძლებელია, რადგან ჩვენ მიერ არჩეული გზები მეტად განსხვავდებიან ერთი მეორისაგან... შენ გინდა ოჯახის კერას მიმაკრა და ჩემი სულიერი მოთხოვნილებანი ამ ვიწრო მცნებით შემოფარგლო, მაშინ როდესაც, ლენტორ, სხვა რამ მწადია მე, სხვა რამ სწყურია ჩემს სულს, სხვა გზას ვეძებ მე...
- ლენტორ** და შენ დარწმუნებული ხარ, რომ გზა იგი მიგიყვანს შენ იმ ალთქმულ მხარის სამთავროში, სადაც ჰპოვებ ბედნიერებას?
- ვარდო** დიახ, ლენტორ!
- ლენტორ** მაშ იცოდე,—გზა იგი მეტად ეკლიანი და ბნელით მოცულია... და მის გაშუქებას ვერ შესძლებენ ვერც ზურაბები და ვერც ძმანი-მისნი. მერწმუნე, ზურაბი თვალის მომჭრელი ფეიერვერკია მხოლოდ—მას შეუძლიან ერთის წუთით წითელ ზოლად გაველოს ბნელით მოცულს ცას და შემდეგ ისევ გაჰქრეს ღამის წყვილადში ამ სოფლის დროებით სტუმარს საკუთარს თავზედაც გამართებს ფიქრი...
- ვარდო** (გატაცებით) და მეც ვფიქრობ, ლენტორ, რომ სხივნი ზურაბისანი ჩვენში აღვივებენ ნათელს გრძობებს წინსვლისას, შემოქმედებისას, ბრძოლისას... და მეც მწყურიათ განვიცადო ყოველივე ეს და, თუ საჭირო იქნება, დაე სიცოცხლე ჩემი მსხვერპლად შეეწიროს ამ ბრწყინვალე განცდებს... ამ გზაზედ შემდგარს ამიერიდან არც მე მაინტერესებს

პირადი ბედნიერება და ჩვენი კავშირიც, ლენტორ, შეუძლებელი ხდება...

ლენტორ ნუ აჩქარდები, ვარდო, საკუთარის ხელით ნუ სჭრი იმ ტოტს, რომელ-ზედაც შენ თვითონ ზიხარ!

ვარდო გამიგონია, კარგი მებაღე გამხმარს ტოტს ყოველთვის დროზე სჭრის, რომ თვით ხე გადაარჩინოს ხმობას... მეც ამ მებაღეს უნდა წავებოძო... ჩემს ძველს მეგობარს მხოლოდ ერთი რამ შემიძლია გითხრა: შენ მართალი ხარ—პირ დათ მე და ზურაბი გავშორდით ერთმანეთს, მაგრამ ჩვენ მაინც ერთად ვიქნებით... თან და თან იზრდება მათი რაზმი და მსურველს ყოველთვის შეეძლება მივიდეს მათთან და მხარში ამოუღგეს...

ლენტორ (გრძნობით) მაშე წინ, ვარდო! შენი აჩრდილი არც ეხლა გიღალატებს და მარად თან გდევდეს იქნება! და როდესაც დადგება ჟამი, აჩრდილი იგი ჩემის სახით კვლავ წარსდგება შენს წინაშე და სიტყვა მომეცი, ვარდო, რომ ნაცად მეგობრის ხელი მაშინ მაინც არ დარჩება ჰაერში დაკიდებული...

ვარდო ისევე მომავლის იმედი ლენტორ?!.

ლენტორ დიახ, იმედი, ვარდო!.. (ამ სცენის დასასრულს კულისებში რაღაც გაუგებარი ხმაურება იწყება, რომელიც თან და თან ძლიერდება. სცენაზე გამჩნდება რამოდენიმე გლეხი, რომელნიც გარბაან და იძახიან: „არაქა, ჩქარა, ზრახანდისტი დაიჭარეს ჩაფრებმა“. ვადაცის ხმა აშკარად ადგევს ჰაერს— ზურაბი დაიჭარეს, ზურაბი!— გიგო, თეა და დანარჩენი შემობრბან გაფითრებულნი, არ იციან რაშია საქმე. შემოდის ზირკული გლეხი).

პირ. გლეხი დავიღუპეთ, თეა, წყეულმა ჩაფრებმა დაიჭირეს ..


ვარდო (მოუთმენლად) ვინ, ვინ დაიჭირეს?

პირ. გლეხი ვინა და ჩვენი ზურა...

ვარდო და თეა რას ამბობ, პავლე, ხომ არ გაგიჟდი!

პირ. გლეხი გაგიჟდი რომელია! საქმე ასე იყო: ეკლესიას გასცილდა თუ არა ზურა, წინ შეეჩეხა სადგურიდან მომავალს პრისტავს, რომელსაც ოცი-ოდე ჩაფარი ახლდა თან. შეჩვენებულმა დაინახა თუ არა ზურა, მაშინვე უბრძანა დაეჭირათ იგი, საწყალს ზურას უნდოდა უკან დაბრუნებულიყო, მაგრამ გვიანდა იყო— ჩაფრებმა თოფი მიუღირეს და ზურაც დანებდა.

თეა (ძალზე შეწუხებული) მაინც ჩაუვარდა მაგ ძაღლებს ხელში! მორჩა და გათავდა— კატორღა არ აცდება, თუ არ ვუშველეთ რამე!



ვარდო მაშ, ზურა დაიქირეს, არა! ზურა! რა მალე გაუმართლდა წინადადებო-
ბა!.. უღმობელს სინამდვილეს შეშურდა მისი ლამაზი სიცოცხლე...
მე, მე ვარ დამნაშავე მის დაბატომრებაში... მე ვაიძულე აქედან წა-
სვლა... მე რომ არ მეთქვა, ის აქ იქნებოდა ჩვენთან, ვინმე გააფრთხი-
ლებდა და ასე ადვილა არ ჩაუვარდებოდა ხელში ჯალათებს... მეც
შენთან მოვალ, ძვირფასო ზურაბ, და გავინაწილებ შენს ხვედრს... (სწრა-
ფად წაიწვეს წინ, მაგრამ დონე უდალატებს, შედგება; გულზე ხელს იტაცებს
და ერთბაშად გაერთხობა ზოლზე).



ლენტო ვარდო! ვარდო! არიქა წყალი! მოკვდა მგონი! ვაი ჩემს თავს! (წააღს
აპკურებს. მაჯას უშინჯავს, თავს გულზე დაადებს) ღმერთო ჩემო, ცოცხა-
ლია, მგონი! ცოცხალი!..

თედო ოხ, ძაღლებო, ძაღლებო! როდემდის უნდა ითარეშოთ ასე ჩვენს არეზე?!

ფ ა რ დ ა

ბ ა ქ ო

1916 წელი—ბაილოვის ციხე



სარედაქციო კოლეგია:

ივ. გომართელი
ს. აბაშელი
ვარ. რუნაძე
არ. რუნაძე
ობოლი მუშა

1919 წ. დეკემბრიდან გამოდის ყოველთვიური სამხატვრო-სალიტერატურო ჟურნალი

„ცისარტყელა“

გამოცემა რკინის გზის მუშა-მოსამსახურეთა პროფესიონალურ კავშირის ცენტრალურ გამგეობასთან არსებულ კულტურა-განათლების კომისიისა.

ყოველგვარ პირობების გასაგებად მსურველებმა უნდა მიმართონ ამავე კომისიას, — თბილისი, ელისაბედის ქუჩა, № 200.